

吉縣全志

吉縣志序

列國各有史而今皆有志所以彰往昭來記事實資考鑑也顧一統志資於通志通志資於州縣志是州志之爲要也明矣且一志之中大可觀忠孝節義之操次可見戶口風俗之概以及山川地理之不易宦蹟制度之變更災妖符瑞之疊見無不燦然備具以爲通志之資則修志之事誠司牧之責哉我

朝雍正七年

詔直省府州縣各行修志以爲萬幾之餘便於流覽此亦采風問謠之意惟是七年以後將志置爲廢閣其間代遠年湮不無遺漏亦憾事也幸逢我

爵撫憲軫念民風關心文獻於光緒五年夏飭令修輯州志

吉縣志

卷一

大國民印刷廠印

因以此謀諸學正擇其諸生之優者分門別類博采兼收其如同治年間既遭兵燹又逢荒旱卷帙散失稽考維難忠臣義士孝子節婦之名磨滅弗彰者何堪勝道至於年歲之豐歉編氓之存亡風俗之盛衰淹沒不載者更不知凡幾矣今惟按諸舊志參以新聞於前志之缺者補之疑者闕之訛者正之總期上無負

朝廷之深仁厚澤下無負

爵撫憲之良法美意即後之蒞斯任者有所折衷一展卷而知是州之士習民風不至茫然無據者皆我

爵撫憲之賜也至修飾潤色則惟俟後之博雅淹通者匡其不逮焉光緒五年歲次己卯仲冬之月欽加同知銜授武鄉縣知縣署吉州知州吳葵之謹序

吉州志序

陳詩設太史之官徇路重道人之職凡所以觀民風而察政治也吉州志修於雍正七年至於今百有餘歲按其圖籍考其山川核其田賦稽其人物以及忠孝節義之攸關災妖符瑞之疊見不免有就簡之虞使過此以往賢州牧與宿儒碩彥隨時編纂參互考訂傳古事於將來發幽光於既往安見今日之鑑非後人之師哉然而有美不彰者守土之責也有美弗繼者儒生之憾也迨光緒四年春懷慶吳公葵之來署州篆甫下車民歌碩鼠道滿嗷鴻惴惴焉以不克救民爲懼而他端俱未遑及越明年夏賑務竣百廢舉矣吳州牧奉

爵撫院文飭修州志而

職

適權篆州學談及此事共稱盛舉

吉縣志

卷一

二

大國民印刷廠印

爰集學中之白生柴生輩開局校讐或草創以分門別類或採擇以廣見博聞焚膏繼晷不敢少休其於天星地紀之原戶口風俗之數人物文章之美務求是非不滯取舍悉協敢詡繼往而開來聊以發微而闡幽其如同治年間地遭兵燹卷帙散失詢諸故老無有記而存焉文獻不足無徵所以致慨也質諸州牧詢謀僉同亦惟本之舊志參以新聞按部就班敢必無亥豕魯魚之誤拾遺補闕用以訂淮風別雨之訛共仰體我

爵憲之良法美意籍以表一州之流風餘韻使後之爲州牧者得以識某年某月某州牧奉文修輯率由舊章庶幾有所遵循也豈不懿歟職不愧無班馬之識徒慚管蠡之窺贊記論疏此調不彈已久今日之舉亦惟無遺葑菲聊

獻芻蕘以爲土壤細流之助云光緒五年歲次己卯仲冬
之月欽加同知銜授汾陽縣教諭署吉州學正陽直裴國
苞謹序

吉縣志

卷一

三

大國民印刷廠印

吉州全志

總修

欽加同知銜署吉州知州加五級紀錄十次吳葵之

纂修

欽加同知銜咸豐戊午科舉人署吉州學正裴國苞

同修

廩生

白汝驥

廩生

柴海

督修

貢生

馮錫福

參訂

貢生

馮士彥

吉縣志

卷一

四

大國民印刷廠印

廩生

葛臨洲

校錄

廩生

白汝騶

附生

陳瑛

采訪

貢生

劉庭輝

廩生

楊樹陽

貢生

陳瑜

廩生

馮臨海

廩生

陳漢章

附生

陳士傑

附生

劉濬哲

附生

梁雲霄

吉縣志

卷一

五

大國民印刷廠印

歷修姓氏

國朝康熙

南鵬 知州

曹執衡 歲貢生本州人

雍正七年

甘士瑛 知州奉天正藍旗人

李鸞 鄉甯知縣陝西同州府大荔縣人

李瑄 學正太原府文水縣人

張爾翽 廩生州人

劉玉琯 廩生舉孝廉方正州人

鄧嶧 廩生州人

鄧挺傑 廩生州人

吉縣志

卷一

六

大國民印刷廠印

劉佐 廩生州人

劉佗 廩生州人

蘭玉璞 廩生州人

陳堯憲 增生州人

葛特用 增生州人

黃壽徵 知州

吳昌燕 知州

吉州全志凡例

一州志自明末兵燹之後灰燼無存我

朝定鼎以來始創修於康熙年間至雍正七年知州甘士瑛乃搜羅舊聞重爲補葺然限於聞見代遠難稽不無疎漏之憾

一山川古蹟郡志原宜詳悉舊志所載頗畧今亦間有補入者非敢過爲瑣屑亦以志與史異原爲備山川之稽考故復略爲詳焉

一宦蹟多注於職官之下而舊志分類爲二未免重見疊出然自雍正以來職官多不可考至於宦蹟之流風餘韻謳歌不忘者尙易得諸傳聞故是書仍照舊分載

一是書職官祥異二門所載頗略蓋自雍正以來未經重

吉縣志

卷一

七

大國民印刷廠印

修復於同治六年賊匪竄境卷帙散遺至今無從核考謹據道光以後有可知者詳爲續入其以前之無考者不敢妄爲附會

一是書選舉人物舊志原憑採訪錄入遺誤良多今又復隔百年之久不惟以前之別訂爲難即以後之嘉言懿行湮沒者更復不少故仍照舊分載有可徵者即爲補入其無徵者仍復闕焉

一志書原爲闡揚幽隱窮鄉僻壤之中節例孝義茹苦半生所恃以不朽者惟此志乘一書爲足表揚千秋故是書於節義之流凡有事蹟可采者必詳爲載入庶足爲死者發幽德之光更足爲生者留觀摩之式矣

一幽人釋子本非治道所宜先故舊志概從不載然歷代

如赤松張果輩史不絕書今是書於道行高邁苦節清修者間亦略爲采入非敢改易前賢亦以巖棲谷隱之流其高風亮節固不忍遽聽湮沒焉耳

一舊志沿革及山川形勢節孝事實俱以單行連書殊覺不便披閱今則更酌妥有可雙行者即以雙行注之至於歷代沿革必先注明某代後注沿革於下庶覽之者一目了然

一志必有景景必有圖所以使人披覽流連情移神往如親歷其地也舊志但附以景不惟無圖且於景之出處並未叙明殊覺覽之者茫然故是書於所載八景皆爲圖繪注明

一是書所載藝文必有觀於世道人心民生國計山川興

吉縣志

卷一

八

大國民印刷廠印

廢之由廟宇修葺之舉者始爲載入其他閒文雜製無預州境稽考者雖有佳作概從割愛

一同治六年捻賊犯境男女死節者難以數計故是書另爲分明注明殉難二字至於節烈事蹟可知者詳爲載入總期忠烈幽魂不至湮沒

一光緒三年災爲千古未有之災典亦曠代希聞之典故所有蠲免頒發各項俱依舊志門類續入

特恩不敢與尋常災異一例記書昭曠典也

一雍正二年鄉甯吉州所隸故舊志併采鄉甯合爲一書今鄉甯改隸平陽府故是書仍照單州體例止載本州事蹟其係鄉甯者一概刪去

一是書所分門類俱照舊志不敢稍爲改更所采新事亦

各附於舊類之後止以新增別之其有舊類本無而新增者亦先注明新增某類

吉縣志

卷一

九

大國民印刷廠印

吉州全志總目錄

卷一

星野

沿革

疆域

山川

關津 橋梁附

城池

鎮堡 寨附

公署

學校

壇壝祀祠

吉縣志

卷一

十

大國民印刷廠印

里社

鄉約

卷二

賦役 戶口倉廩附

鹽法

卷三

職官

營汛

武職

卷四

宦蹟

人物 仙釋方枝附

卷五

選舉 武秩附

封贈

頂戴老農

列女

卷六

風俗

物產

古蹟

陵墓

坊表

寺觀

吉縣志

卷一

十一

大國民印刷廠印

卷七

特恩

祥異

歷代兵氛

卷八

藝文

吉州全志卷之一

署吉州知州吳葵之奉文重修

星野

列宿分野始自庖羲後亦彼此互異惟是天覆地載萬古不易爰擇其同且顯者志之記星野

按天文諸書云吉州在觜參分野

攷周禮保章氏注實沈晉也

後漢郡國志注自畢十二度至東井十五度實沈之次於辰在申謂之涪灘於律為中呂斗建在巳今魏晉分野

寰宇記云平陽觜參之次

明一統志云平陽禹貢冀州之域天文觜參分野

圖書編云平陽觜參分野

吉縣志

卷一

十二

大國民印刷廠印

按吉州為古晉地其分野星見於左傳國語詳矣子產曰遷實沈於大夏主參唐人是因董因對晉文公曰實沈之虛晉人是居諸書皆以為觜參蓋統全晉之地言之或就星度之鈎帶相及者牽言之然天道悠遠豈管窺所能測姑存其概以俟談星者考正焉

建置沿革

封建郡縣定制不同損益因革尤多原委考古證今誠為首務記建置沿革

夏

禹貢既載壺口即此地也在冀州之域

殷

祖乙遷耿實古之耿地

周

春秋時爲晉屈邑獻公子夷吾居焉按屈左傳屈產之乘卽其地也
戰國屬魏

漢

爲河東郡北屈縣應邵曰有南屈稱北次於南屈

魏

晉隸平陽郡

北魏置定陽郡東雍州延興四年復置定陽縣改隸汾州

隋至後魏置文城縣

東魏改南汾州

後周改汾州平齊置總管府

後齊改西汾州

吉縣志

卷一

十三

大國民印刷廠印

隨初廢定陽郡開皇四年廢總管府十六年改耿州十八年

改定陽爲吉昌縣石城縣大業初置文城郡

唐屬河東道武德元年曰汾州五年曰南汾州八年改慈州

爲下州以郡近慈烏戍故也吉昌文城悉爲中縣

新唐志文城縣天佑中更曰屈邑

五代通攷周廢作城呂鄉二縣

宋爲慈州下圍練吉鄉爲中縣熙甯五年廢州以吉鄉隸隰

州即縣治置吉鄉郡使仍省文城爲鎮隸焉元祐元年復

吉鄉郡爲慈州領吉鄉縣隸河東路

金爲下州天德三年改耿州置文城郡軍明昌元年更明吉

州

元亦爲下州初置司候司中統二年併司候入吉鄉至元二

年省吉鄉三年又省鄉甯縣入州後復置鄉甯
明隸平陽府領鄉甯鄉縣

國朝因之雍正二年改爲直隸州以鄉甯縣并平陽府之蒲
縣隸焉九年蒲縣改隸隰州鄉甯隸吉州乾隆三十七年
改散州屬平陽府民國元年改州爲縣

疆域形勝

分疆畫界各專其理然後河山險阻有所恃以爲固而道
途之通達路程之遠近不可不加詳以便按籍之稽焉記

疆域形勝

西跨長河之壯東連鄂壘之雄疊嶂層巒蜿蜒萃嶽車騎不
能並進一夫可以守險東西廣一百九十里南北袤一百里
正東至金剛嶺平陽府襄陵縣界一百二十里由界至襄陵

吉縣志

卷一

十四

大國民印刷廠印

縣九十里

東南至馬蘭灘鄉甯縣界三十里由界至鄉甯縣三十里

正南至寬靜河鄉甯縣界三十里至絳州河津縣界一百里

西南至黃河沿釣魚崖七十里隔岸陝西延安府宜川縣交

界

正南至黃河沿馮家磧七十里隔岸陝西延安府宜川縣地

界

西北至黃河平渡關一百二十里隔岸陝西延安府宜川縣

地界

正北至小回公村大寧縣界七十里由界至大寧縣五十里

東北至放馬嶺隰州蒲縣界六十里由界至蒲縣八十里在

山西布政司之西南東北舖路一條由州至大甯縣一百二

十里由大寧至蒲縣九十里由蒲縣至平陽府一百五十里由平陽府至省城太原府五百九十里由太原府至京一千二百里由州至省八百五十里由州至京二千五百里東南徑路一條由州城至鄉寧縣六十里由鄉寧縣至三官峪四十五里由三官峪至太平縣界四十里由太平縣界至平陽府一百五里因三官峪爲虎狼巢穴道路時通時塞按三官峪今之舖路也雍正二年吉州爲直隸州兼隸蒲縣故舖路由州自大寧蒲縣達平陽府九年蒲縣改隸臨州吉州止隸鄉寧縣舖路遂由州至鄉寧三官峪達平陽府昔爲虎狼之巢穴今爲商旅之坦途昔爲徑路今爲大道今昔之殊不能不爲之詳也

山川

吉縣志

卷一

十五

大國民印刷廠印

山川爲國都之表况壺口孟門久爲經傳所載而屏山葱翠清水潺湲亦郡之名勝也記山川

孟門山在黃河中流州西七十里山海經曰孟門之山其上多金玉其下多黃璽澗石淮南子曰龍門未關

呂梁宋縣河出孟門之上大溢逆流無有邱陵高阜滅之名曰洪水大禹疏通謂之孟門穆天子傳曰北登孟門九河之隈水經注曰孟門即龍門之上口也

壺口在州西七十里禹貢曰冀州既載壺口又曰壺口雷首至於太岳蓋河勢北來至此全傾於西崖奔放而下約五六百尺懸注

旋窩如一壺然故名每歲春秋時有氣如虹橫浮水上水經注壺口山在河東北屈縣東通典壺口在文城郡吉昌縣金志吉鄉有壺口山孟門山黃河蒲水

呂侍龍門山記懸流三汲浪或曰在金門五七十里或曰在吉州百餘里地理志壺口在河東北屈括地志壺口在慈州吉常縣西南五十里通考慈州晉之

屈邑獻公子夷吾所居壺口之山在焉

庖山州北三十里迤北而上又三十里至絕頂上建伏羲廟
墟伏羲女媧二像相傳爲庖犧氏故宮又傳伏羲始制婚姻
之禮名爲人祖一名人祖山

吉山在州舊城半枕山麓相傳古不被兵

風山州北九十里大甯孔山逾南界有穴如輪風氣蕭瑟又
名明孔山山下有寺五代志吉昌有風山

錦屏山州治前案山也春光明媚花草菁葱宛若列錦之屏

故名錦屏舊志云唐尉遲敬德從征過此曾掛甲其巖又名掛甲山按吉州土人名秦王掛甲山山下荆棘皆直無曲鈎傳為唐太宗遺蹟云

上有晉文公祠

壽山州西南山半有觀音洞西有一山層次如級名曰九龍

堰高祖山州西三十里峰巒奇拔與人祖山遙相雄峙舊有

漢高廟今廢

管頭山州西北三十里接高祖山茂林數十里內有六甲土

地廟今最靈應

高天山州東一百里高出天半上有古廟一名高田山

雲臺山州東五十里奇峰萬丈登之如在天際其半屬鄉甯

吉縣志

卷一

十六

大國民印刷廠印

縣一名雲臺郊魏五城山 馮宜都等聚衆於此

石鼓山唐志慈州有孟門山石鼓山在文城縣

石門山五代志文城有石門山

金剛嶺在姑射山

秦王嶺元史吉州有秦王嶺鄉甯縣界

黃河自塞外來經州境南流東注此九曲之一也

清水河遼州城北經州城南數十步合山澗諸水西流五十

里入於黃河

小水河四一在東門外環門橫流入清水河一在州東經三

官廟前流入清水河一在錦屏壽山之峽流入清水河一在

州西蒲峪寬靜河即鄂水也由寬靜村西流五十里入於黃

河

縣底村發源高天山下經桑阿窰頭回公諸村流入大甯縣河內明珠川州東一百里相傳有明珠照耀滿川後爲異人所獲

南澗在州南西流入於黃河

甘泉州外城西街深八尺其味甘酣作酒醋最醜

蒙泉州東關外在文廟聖殿發源浸入泮池又潛伏地底至山下石罅中流水味甘而永舊志云唐尉遲敬德曾經此飲馬故俗呼飲馬泉即八景石孔飛泉

二郎山州北距城一百二十里

蘭家山州北距城一百二十里

岔口河州北距城一百二十里西流入於黃河

馬家河州正東五里即至川口清水河合流

吉縣志

卷一

十七

大國民印刷廠印

按飲馬泉舊志謂即八景石孔飛泉竊疑非是蓋此泉有二相去約五尺許皆從石罅中平出流二尺許瀉入石窩潺湲之聲最細惟泉東偏石崖半壁有孔大如拳水從孔中湧出其勢飛騰澎湃之聲至崖上數武即聞石孔飛泉疑在斯歟始志之以備參考

關津橋梁附

關以禦暴律以涉利國語曰十月成梁孟子曰十二月與梁成亦平政之一端也記關津

壺口州西七十里

烏仁關州西六十里臨黃河明洪武六年置巡檢司今裁

平渡關州西北一百二十里臨黃河明洪武六年置巡檢司今裁

龍門飛橋州西七十里壺口石峽上元末於石岸鑿孔樹椿往返纏以鐵索上架板橋以渡大兵今廢

河東橋州東南通城隍廟即八景小橋流水也

小水橋州東門前下有流泉入南澗

淇水橋州外城中下有淇水穿城入河

旱水橋州北關

扶風橋州東關清水河上經商通衢先時河漲行人阻滯知州張燦營建石橋五孔民歌利涉知州楊魁甲重修雍正十一年夏秋雨水驟漲溢出橋面衝激無存知州甘士瑛倡率士民鳩工庀財俱易以石加高數尺州人甚賴立碑記之道光間知州呂瑞玉捐資重修光緒元年提督軍門太原總鎮張樹屏獨力重修州人勒石記功

吉縣志

卷一

十八

大國民印刷廠印

淇北橋州北門城濠上知州楊魁甲建

補遺

冰橋沿黃河一帶七郎窩爲老橋每歲小雪流澌結冰大雪前後冰合爲橋驚蟄前後凍解冰開合則人馬往來平如坦途故爲州之要津其餘若龍王廸馮家磧蛤蟆灘麻子灘諸口合開後先不等若天甚寒冰合有至數十里或至塞外昌濟橋州西關外乾隆四十四年知州陳明善建道光十八年夏六月河水泛漲漂沒無存

永安橋州北姚家溝同治八年樹字營董履高董履貞創建有碑記

州口橋在州西駕木爲之同治十二年樹字營直隸候補協鎮贊勇巴圖魯林成興捐資重修

城池

設險掌固關乎國計民生而前此之經度後此之營修亦宜登載以誌厥勞記城池

周

晉公子夷吾築

明

景泰初知州王亨修因山爲城周一里二百九十步高三丈五尺無池嘉靖初判官包鐘以脚賊猖獗創建外城東築土城二百五十丈西築石城二百二十丈民賴以安後知州蔣賜再增外城計周四里南臨山湖皆壘以大石門四東曰太和西曰永康北曰淇南水門曰定遠內城門樓曰崇安東西各建層樓北建小樓東門外城前築建瓦

吉縣志

卷一

十九

大國民印刷廠印

城樓曰長寧署知州事鄉寧縣知縣李節廉於西城建敵臺五座

國朝

順治間知州葛全忠修

康熙間知州南鵬修城牆堅固如初惟梁口女牆多半零落

雍正間知州甘士瑛修

乾隆三十二年直隸吉州知州謝自泌承修鄉甯縣知縣福祿協修新建東石城三十四丈加高並補修南石城長一百二十六丈西石城長三十四丈補修土城自新建西石城接連起由北自新建東石城接連止共長二百一十二丈新修移建城樓四座補修西關坍塌一十九丈

新增

嘉慶初知州蔡國臣以城甚湫溢拆西城以西關城爲西門自此以後地方漸衰文風不振科甲遂絕堪輿家皆曰城爲龜蛇形西城門折則洩龜之氣焉得不敗下迨道光咸豐同治以至光緒二十六年署吉州知州李鑄下車閱見城內外城牆頽塌燧堞毀圮有志重修苦於無資適是年天旱成災因報災請賑上憲發銀一萬一千兩以人多銀少恐有不敷遂與州之紳士謀議稟請

上憲以五千兩併州之倉穀按戶口人數次第賑濟撥銀四千兩以工代賑起工於光緒二十七年春二月正值青黃不接之時斯民賴以全活者甚衆仍移修西城於舊址已

吉縣志

卷一

二十

大國民印刷廠印

圮之舊東門營建新南門計修新城門樓二座補修舊城門樓二座以及城內之水洞衙署之大門大堂不數月而皆煥然一新並補周圍石城與城上女牆落成之日匾東門曰太和西門曰阜城南門曰疊錦規模較昔爲宏

鎮堡

堡寨爲民間自衛之區鎮市爲行旅息肩商賈貿易之所烏可忽諸但興廢無常不能無今昔之感記鎮堡

秦王嶺關馬頭關元致和元年穿塹壘石

桃園鎮舊有集場今廢

大度鎮舊有集場今廢

三坵鎮舊有集場今廢

馮家磧舊有集場今廢

南山溝寨州北六十里深山中四面俱係石崖壘級以登一人扼吭萬夫莫上刀劍炮石皆不能壞

碣石崖寨

曹花坪寨

樓兒山寨

以上三寨俱係四面石崖有天造之險亦與南山溝寨同皆在深山

趙家堡

白楊堡

塌村堡在州南有古井三百六十尺

塌渠鎮在州東距城五十里有集場

蘭古庄鎮在州南十里附記詳藝文

吉縣志

卷一

二十一

大國民印刷廠印

牛心寨在州北一百里相傳爲金吉隘經略使楊公貞死節之所

公署

公署爲官師施政之地次亦爲藏儲爲舍止及郵傳講武諸公事之所需旣皆上費

國帑下煩民力不有記載安示來慈記公署

治在城西隅明洪武間知州許志昇建成化間知州謝鎮重修崇正間知州陳諤言重建

國朝康熙八年知州南鵬重修

大堂 東西六房 彝門 大門

雍正十二年知州甘士瑛捐修

獄彝門東舊止三間雍正八年知州甘士瑛捐建內監女

監各一所及周圍牆垣
倉大堂東三間後二十九間崇安門內三間
庫大堂東
土地祠大門東
鐘樓崇安門內州署前
寅賓館大門東今廢
佐政廳大堂西今廢
知州宅大堂後偏東
州同判宅大堂後今廢
吏目署州宅西
都司公署城東隅即舊察院
儒學宅州署東舊在城外明知州黃光瑋建

吉縣志

卷一

二十二

大國民印刷廠印

陰陽學 醫學 僧正司 道正司

以上四術遺址俱無考

養濟院舊設北關後移東關

普濟堂東關

演武場州東北三里明宏治間知州蕭鶚建

國朝知州葛全忠修

烏仁關巡檢司今廢

平渡關巡檢今廢

總舖州前舊名急遞舖

安固舖州南十里今裁

三坵舖州南二十里今裁

馬蘭舖州南三十里今裁

以上俱通鄉寧縣至平陽府

羊莊舖州東北十五里

柏坡底舖州東北三十里

桃園舖州東北六十里

以上通蒲縣至省城今皆裁

官亭州東北六十里桃園鎮外明知州姚思義建今廢

學校

學校爲教化之所興人材之所出

國家崇儒重道超越千古概不可列於公署亦不敢瀆於祠

祀宜有以別之記學校

文廟州東門外 元延祐初建 明洪武間知州許志昇修

正統間州同知羅拱宿增修成化間知州謝鎮重修天祐

吉縣志

卷一

二十三

大國民印刷廠印

間知州沈瑜重修明末兵亂殿廡俱廢

國朝順治間知州紀振邊千三躍相繼修葺康熙元年知州

葛全忠更新之雍正間兩廡檟星門俱傾圮知州甘士瑛

創捐修葺

大成殿五間 東西廡各七間

崇聖祠三間正殿後

先師五代及兩廡增定先儒先賢位次陳設祭品俱遵照雍

正三年定制

名宦祠三間戟門內東祀唐劉迥宋朱弁金任禮厚元韓

復生時公權王士元明包鐘蔣陽辛繼先

鄉賢祠三間戟門內西祀唐崔元亮金馮筵登楊貞元馮

愈明丁汝謙劉如箴

忠義孝弟祠三間在鄉賢祠之次

國朝雍正間建

泮池學門內

康熙間知州林嘉徵鑿

儒學大門三間明倫堂三間東西齋房各三間東遜志西敬業明末兵燬知州于三躍重建

敬一亭在

崇聖祠後今廢射圃亭敬業齋西今廢

文昌閣二一在東山上一在西關外

魁星閣二一在東山上一在西南山上俱廢

文昌書院錦屏山半明正德三年知州史紀建今廢

史紀職官條開正德九年任三年字訛

吉縣志

卷一

二十四

大國民印刷廠印

義學崇安門外今廢

文廟道光二十三年知州呈瑞玉重修至同治六年地遭兵燹正殿及兩廡門窗先儒先賢位次俱爲賊所焚且四圍牆垣頽塌簷瓦零落學正劉璫率諸生補葺

忠義孝弟祠道光二十三年知州呂瑞玉於明倫堂之西南隅別構一院壘石爲基造祠六楹門樓一間
吉昌書院州城西門外開元寺旁咸豐四年知州張舒翹
創建

魁星樓州南水洞溝

國朝乾隆年建

學正宅明倫堂西咸豐八年學正崔樹棣建
壇壝祠祀

古者諸侯祭封內山川郡縣視諸侯山川社稷之祀以牧令主之於義甚重而一切應入祀典之神並載於後示虔也記壇壝祠祀社稷壇州西

風雲雷雨山川城隍州東

城隍廟錦屏山之麓明洪武間知州許志昇建宏治間知州王彝擴修並增宿齋三楹今廢

國朝順治間知州曹振彥重修康熙間知州南鵬查出宿齋故址

郡厲壇州東

先農壇州南

國朝雍正六年建正殿三間配房東西各一間大門一座周圍墻垣藉田四畝九分

吉縣志

卷一

二十五

大國民印刷廠印

八蜡廟山川壇東知州南鵬建

關帝廟二一在錦屏山之麓一在城內西街知州甘士瑛建後殿三楹崇祀

關帝

三代

龍王廟四一在東關扶風橋上一在北門外一在西門外一在北門外

馬王廟東關

火神廟西關

里社

原設二十二里後併十二里今止七里分四路二坊在城東關上坊 西關下坊

在鄉東路統二里 宣化里 太亨里 共一百零六村

南路統二里 南平里 甘泉里 共七十二村

西路統一里分前後 蘭村前里 蘭村後里 共一百零一村

北路統二里 同樂里分前後 房村里 共一百三十村

鄉約

立教即所以明倫而正心修身以之嘉言善行出焉我世宗憲皇帝以蚩蚩草野或未前聞特設講約所令約正朔望宣講

聖諭並記其功過以示勸懲將見野無遺行之民家有橫經之樂矣記鄉約

東關 三坵鎮 上趙村 東城村

通共四處雍正八年奉


吉縣志

卷一

二十六

大國民印刷廠印

旨設立今無



吉州全志卷二

知州吳葵之奉文 重修

賦役 新增戶口附

自井田廢而粟米力役之征遂為定制然往往增損異宜具見因時之權衡焉志賦役

原額官民共地二千八百七十一頃六十二畝五分八厘五毫共徵夏秋糧一萬五千二百一十石五斗二升四合三抄俱係折色坐價不等並絲絹馬草共派銀一萬二千三百一十一兩五錢一分八厘八絲地畝九厘銀一千二百兩一錢二分六厘二毫驛站銀五百八十五兩九錢三分八厘八毫通共銀一萬二千一十七兩五錢八分三厘八絲順治四年巡撫祝其題奉

吉縣志

卷二 賦役

大國民印刷廠印

旨蠲免無主荒地一千五百五十六頃三十八畝八分六厘一毫二絲該糧八千九百二十石九合三勺每石折銀六錢三分二厘八毫三絲該銀五千六百四十四兩八錢三分三厘六毫六絲地畝九厘每畝徵糧四厘一毫八絲該銀六百五十兩四錢五分四厘七毫八絲二項共銀六千二百九十五兩二錢八分八厘四毫四絲順治十三年巡撫白其題奉

旨蠲免傷亡荒地三百三十頃四十二畝二分四厘三毫二絲該糧二千一十四石三斗九升四勺每石折銀七錢二厘一毫七絲該銀一千四百一十四兩四錢四分一厘五毫三絲

實在熟地九百八十四頃八十一畝四分八厘六絲共徵糧

四千二百七十六石一斗四升二合五勺共折銀三千一百七十二兩二錢四分二厘九毫地畝九厘銀五百四十九兩六錢七分一厘四毫三絲驛站銀五百八十五兩九錢三分八厘八毫三項共銀四千三百七兩八錢五分三厘一毫三絲內

官平地一頃四十四畝八分四厘七毫每畝徵糧一斗二升共糧一十七石三斗八升一合七勺每石折銀七錢四分一厘八毫五絲該銀一十二兩八錢九分四厘五毫七絲地畝九厘每畝徵銀五厘五毫八絲該銀八錢八厘四毫六絲站銀每石派銀一錢三分七厘三絲該銀二兩三錢八分一厘七毫四絲三項共銀一十六兩八分四厘七毫七絲

吉縣志

卷二 賦役

二

大國民印刷廠印

官坡地一頃六十畝八分三厘每畝徵糧八升共糧一十二石八斗六升六合六勺每石折銀七錢四分一厘八毫五絲該銀九兩五錢四分四厘九毫四絲地畝九厘每畝徵銀五厘五毫八絲站銀每石派銀一錢三分七厘三絲該銀一兩七錢六分三厘三絲三項共銀一十二兩二錢五厘六毫四絲

葦地一十六畝八分七厘七毫每畝徵糧八升五合共糧一石四斗三升四合六勺每石折銀七錢四分一厘八毫五絲該銀一兩六分四厘二毫六絲地畝九厘每畝徵銀五厘五毫八絲該銀九分四厘二毫站銀每石派銀一錢三分七厘三絲該銀一錢九分六厘五毫七絲三項共銀一兩三錢五分五厘三絲

川地五頃一十二畝二分五厘每畝徵糧七升共糧三十石
八斗五升七合五勺每石折銀七錢四分一厘八毫五絲
該銀二十六兩六錢八毫九絲地畝九厘每畝徵糧五厘
五毫八絲該銀二兩八錢五分九厘一毫站銀每石派銀
一錢三分七厘三絲該銀四兩九錢一分三厘四毫三項
共銀三十四兩三錢七分三厘四毫
原地五百四十四頃九十三畝八分九厘九毫每畝徵糧五
升七合共糧三千一百六石一斗五升二合三勺每石折
銀七錢四分一厘八毫五絲該銀二千三百四兩二錢九
分九厘四絲地畝九厘每畝徵銀五厘五毫八絲該銀三
百四兩一錢五分六厘五絲站銀每石派銀一錢三分七
厘三絲該銀四百二十五兩六錢二分二厘六毫二絲三

吉縣志

卷二 賦役

三

大國民印刷廠印

項共銀三千三十四兩七錢七厘七毫一絲
平坡地七十四頃九十二畝九分五厘一毫每畝徵糧四升
五合共糧三百三十七石一斗八升二合八勺每石折銀
七錢四分一厘八毫五絲該銀二百五十兩一錢三分九
厘六絲地畝九厘每畝徵銀五厘五毫九絲該銀四十一
兩八錢二分一厘六毫八絲站銀每石派銀一錢三分七
厘二絲該銀四十六兩二錢二厘七毫三項共銀三百三
十八兩一錢六分三厘四毫四絲
山坡地三百五十六頃五十九畝八分二厘六毫六絲每畝
徵糧二升一合五勺共糧七百六十五石二斗四升九合
四勺每石折銀七錢四分一厘八毫五絲該銀五百六十
七兩七錢二毫地畝九厘每畝徵糧五厘五毫九絲該銀

一百九十九兩三分四厘二毫七絲站銀每石派銀一錢三分七厘三絲該銀一百四兩八錢五分八厘七毫六絲三項共銀八百七十一兩五錢九分三厘二毫三絲一屯田太原左衛坐落本州山地一百一十二頃三十二畝五分共徵糧四百二十七石該銀三百四十一兩六錢於順治十四年九月內巡撫白具題部覆奉旨蠲免荒地三十五頃六十畝三分二厘該糧一百三十八石一斗四升一合每石折銀八錢六絲該銀一百一十兩五錢二分八毫

實在熟地七十六頃七十二畝一分八厘每畝徵糧三升七合七勺共糧一百八十八石八斗五升九合每石折銀七錢九分九厘九毫八絲該銀二百三十一兩七分九厘二

吉縣志

卷二 賦役

四

大國民印刷廠印

毫

平陽衛坐落本州山地二十九頃七十九畝六分共徵糧一百七十一石九升該銀一百三十六兩八錢七分二厘於順治十四年九月內巡撫白具題部覆奉

旨蠲免荒地一十八頃二十八畝九分七厘八毫該糧一百五石三升每石折銀八錢該銀八十四兩一分六厘

實在熟地一十一頃五十畝六分二厘二毫每畝徵糧五升七合五勺共糧六十六石七升每石折銀八錢該銀五十二兩八錢五分六厘

一萬歷年間加增豐贍庫夏秋糧八石五斗五升八勺俱係折色並馬草共徵銀七兩二錢八分五厘二毫又加增絲絹銀一十三兩六錢五分

一順治十三年起至十八年止共開墾民田荒地三百一十頃九十九畝八分三厘三絲共徵糧一千四十六石七斗八升二合各徵不等共折色銀七百四十四兩四錢九分五厘二毫八絲

一順治十五年起至十八年止共開墾屯田荒地一十八頃一十三畝三分五厘九毫七絲共徵糧七十七石一斗一升二合四勺各徵不等共折色銀六十一兩六錢八分九厘九毫一絲

一康熙元年起至十四年止共開民田荒地一百三十六頃九十三畝八厘一毫四絲共徵糧六百五十七石六斗六升七合各徵不等共折色銀四百七十二兩五錢一分六厘七毫

吉縣志

卷二 賦役

五

大國民印刷廠印

一康熙二年起至四年止共開墾屯田荒地八頃一十七畝一分七厘五毫六絲共徵糧三十八石三升九合各徵不等共折色銀三十兩四錢三分一厘一毫二絲

一康熙十六年清出並續查出隱漏額內有主傷亡民田共地一百一十頃九十畝九分一厘三毫共徵糧六百一十三石二斗七升二勺各徵不等共折色銀四百三十一兩一錢四厘一毫八絲

一康熙二十九年開墾額內無主老荒民田共地二十頃五畝三分九厘三毫共徵糧八十三石七斗三升九合九勺各徵不等共折色銀六十一兩三錢七分四厘三絲

一雍正六年自首開墾過無主老坡民田共地一十六頃五十二畝共徵糧三十五石四斗四升五合七勺各徵不等

共折色銀四十兩三錢七分二厘九毫三絲
一雍正七年自首開墾過無主山坡民田共地一十五頃二
十一畝五分共徵糧三十二石六斗四升五合七勺各徵
不等共折色銀三十七兩一錢八分三厘六毫六絲
以上民田屯地實在熟地一千六百九頃九十七畝五分三
厘五毫六絲各徵不等共折色並加增馬草絲絹銀六千
四百九十一兩八錢九分一厘三毫一絲內
民田共地一千四百九十五頃四十四畝一分九厘八毫三
絲共折色並加增馬草絲絹銀六千一百一十五兩八錢
三分五厘八絲
屯田共地一百一十四頃五十三畝三分三厘七毫三絲共
徵折色銀三百七十六兩五分六厘二毫三絲

吉縣志

卷二 賦役

六

大國民印刷廠印

雍正九年查出可墾無主舊荒山坡旱地二十二頃內十
年開墾七頃三十三畝共徵折色等銀一十七兩九錢一
分三厘六毫八絲應於乾隆六年入額徵收
十一年開墾七頃三十三畝共徵折色等銀一十七兩九
錢一分三厘六毫八絲應於乾隆七年入額徵收
十二年開墾七頃三十四畝共徵折色等銀一十七兩九
錢三分九厘應於乾隆八年入額徵收
共銀五十三兩七錢六分六厘三毫六絲
舊管刊書原額人一萬三千九百三十八丁該均徭銀二
千六百四兩五錢一分三厘四毫順治五年審編實在行
差人二千二百五十四丁該均徭並門差銀二千六百四
兩五錢一分三厘三毫九絲又派補經費不敷銀二百九

十二兩六錢三分九厘二毫共銀二千八百九十七兩一錢五分二厘五毫九絲內於順治八年二月間題奉旨蠲免傷亡人三百四十七丁該徭銀一百六兩七錢七分又於順治十四年九月內題奉旨蠲免逃故人四十五丁該徭銀四十九兩八錢一分八厘六毫康熙元年審編實在共人三千九十八丁內除紳衿優免本身一百五十四丁外實行差人二千九百四十四丁該均徭銀一千六百四十三兩四錢九分九厘九毫九絲內奉文撥補本州蠲免屯荒兵餉銀一百四十四兩七錢一分八厘二毫門差銀三百一十兩一分辦買本色顏料加增銀一十八兩六錢五

吉縣志

卷一 賦役

七

大國民印刷廠印

分九厘七毫二絲共銀二千九百七十二兩一錢六分九厘七毫二絲康熙十七年二十一年審編增出徭銀一兩一錢八分康熙二十二年分

實在共人三千二百五十七丁內除紳衿優免本身一百三十四丁外

實行差人三千一百二十三丁內

下上則一十丁每丁徵銀一兩三錢九分三毫四絲共銀一十三兩九錢三厘四毫

下中則二百三十丁每丁徵銀一兩一錢三分八厘六毫共銀二百六十二兩八錢七分八厘

下下則二千八百八十三丁每丁徵銀八錢五分六厘四絲共銀二千四百六十七兩九錢六分三厘三毫二絲順

治十二年清出

土著新編六十五丁俱下下則每丁徵銀一兩一錢七厘八絲共銀四十九兩八錢一分八厘六毫

順治十四年清出紳衿優免徭丁二百七十三丁內

下中則一百丁每丁徵銀一兩四錢五分八厘四毫五絲共銀一百四十五兩八錢四分五厘

下下則一百七十三丁每丁徵銀一兩三錢八分共銀二百四兩一錢四分

以上共徭銀三百四十兩九錢八分五厘

順治十五年清出吏承優免一十七丁內

下中則七丁每丁徵銀一兩三錢共銀九兩一錢

下下則一十丁每丁徵銀一兩七分八厘九毫共銀一十兩

青縣志

卷一 賦役

八

大德民印刷廠印

七錢八分九厘

以上共徵徭銀一十九兩八錢八分九厘

雍正四年歸併平陽衛屯丁二丁每丁徵銀一兩五錢九分九厘七毫五絲共徵銀三兩一錢九分九厘五毫

康熙五十六年遵奉

恩詔永不加賦滋生人四十一丁

以上通共實行差人三千四百五十八丁共徵均徭並辦買本色顏料加增銀三千一百六十三兩四錢三分七厘三毫二絲又門差銀二百二十九兩六錢五厘屯丁銀三兩一錢九分九厘五毫共銀三千三百九十六兩二錢四分一厘八毫二絲

以上地丁共徵折色銀九千八百八十八兩一錢三分三

厘一毫二絲

原額起運戶部項下宣大農桑地畝開墾隱漏增出均徭屯
丁等項共銀五千四百四十二兩五錢八分四毫三絲

大同鎮二千八十六兩五錢六分五厘七毫二絲

農桑銀四十七兩三錢三分一厘九毫

加增豐贍庫銀七兩二錢八分五厘二毫

地畝九厘銀五百四十九兩六錢七分一厘四毫三絲

順治十三年起至十八年止開墾民田荒地糧銀七百四十

四兩四錢九分五厘二毫八絲

順治十五年起至十八年止開墾屯田荒地糧銀六十一兩

六錢八分九毫一絲

康熙元年起至十四年止開墾民田荒地糧銀四百七十二

吉縣志

卷一 賦役

九

大國民印刷廠印

兩五錢一分六厘七毫

康熙二年起至四年止開墾屯田荒地糧銀三十兩四錢三
分一厘一毫二絲

康熙十六年清出並續查出隱漏額內民田荒地糧銀四百

三十一兩一錢四厘一毫八絲

實在人丁徭銀六十八兩二錢二分七厘八毫

紳衿優免丁銀三百四十九兩九錢八分五厘

吏承優免徭銀一十九兩八錢八分九厘

康熙十六年並二十一年審編清出徭銀一兩一錢八分

雍正六七年開墾無主山坡地糧折銀七十七兩五錢五分

六厘五毫九絲

雍正四年歸併平陽衛屯丁徭銀三兩一錢九分九厘五毫

禮部項下羊價藥味紙價等銀一十四兩九錢一分七厘八毫脚價銀一錢五分九厘九毫四絲

羊價銀一十兩五錢脚價銀六分八厘五毫七絲

藥味銀一兩三錢一分五厘九毫脚價銀六分二厘九毫四絲

北羊銀一兩九錢九分八厘六毫脚價銀一分八厘三毫

時憲書紙價銀一兩七分二厘每年加閏月銀三分一厘三毫脚價銀一分一毫三絲

兵部項下柴值銀三十三兩五錢脚價銀一兩五錢四分八厘九毫六絲內

柴薪銀一十二兩五錢脚價銀五錢一分八厘三毫六絲
直堂皂隸銀二十一兩脚價銀一兩三分六毫

吉縣志

卷二 賦役

十

大國民印刷廠印

工部項下都水司料銀三十三兩八錢七分一厘六毫七絲

脚價銀三錢三分八厘七毫二絲

舊額存留款項奉文節年裁扣並裁官經費等項共解

部銀二千一十四兩二錢一分三厘二毫九絲內

舊編裁剩銀四百二十一兩六錢七分九厘二毫九絲

順治九年會議裁扣銀二百二十五兩二錢

順治十二年會議裁扣銀八兩

裁官經費銀三百三十七兩一錢二分八厘六毫

裁減各衙門吏書工食銀九十七兩二錢

裁巡檢俸銀九十兩九錢二分

裁州同州判俸薪工食銀二百八十二兩九錢八分

裁減走遞馬夫銀六十六兩五錢

裁減接遞甲皂銀一十四兩四錢

裁應試生員花紅並黃冊恤刑紙張銀三兩八錢一分九厘六毫五絲

康熙十四年為欽奉

上諭事案內裁銀一百二十六兩一錢一分六厘六毫八絲內

知州心紅紙張銀一十兩

修理監倉銀二十兩

教官喂馬草料銀六兩

走遞馬騾草料銀八十四兩

歲考生員試卷並新進生員彩旗等銀三兩七錢五分

季考生員試卷銀一兩五錢

吉縣志

卷二 賦役

十一

大國民印刷廠印

起送應試生員盤費等銀八錢六分六厘六毫八絲

康熙十四年為合計天下之財用等事案內裁銀九十兩五錢六分一厘八絲內

歲考生員試卷並新進生員彩旗等銀三兩七錢五分

季考生員試卷等銀一兩五錢

起送應試生員盤費等銀八錢六分六厘六毫八絲

走遞馬騾草料銀八十四兩

朝觀本冊什物等銀四錢四分四厘四毫

康熙十五年為再減存留等事案內裁銀九十七兩九錢七分五厘內

教官喂馬草料銀六兩

馬快手馬草料銀八十六兩四錢

迎春神牛酒席等銀一兩七錢五分

進表什物等銀三兩八錢二分五厘

康熙十七年爲請

旨酌量裁減等事案內裁銀一十兩八錢七分五厘內
知州心紅紙張銀一十兩

迎春神牛銀八錢七分五厘

康熙二十六年請停歲貢廷試事案內裁解歲貢盤費銀三十兩裁解進士坊牌銀四兩三錢三分二厘

呈明事案內裁解聽僱擯轎夫工食銀二十一兩一錢
康熙五十六年兵馬之冊籍太繁等事案內裁解進表什物等銀三兩八錢二分五厘

雍正五年敬陳管見事案內裁解燈夫工食銀二十四兩

吉縣志

卷二 賦役

十二

大國民印刷廠印

雍正七年裁減冗閒役食等事案內裁銀五十七兩六錢內
齋夫工食銀五十兩

門斗工食銀三兩六錢

以上共起解並節年存留收歸起運共銀七千五百三十九兩八分三厘一毫八絲脚價銀二兩四分七厘六毫二絲
共銀七千五百四十一兩一錢三分八毫

雍正五年咨覆事案內奉文起運項下留支 祭

關帝三代祭祀銀二十兩八錢三分

雍正七年請定各省耕藉之義等事案內奉 文起運項下

留支致祭 先農壇祭祀銀三兩五分

雍正九年欽奉

上諭事案內奉 文起運項下留支更夫工食銀三十兩

雍正十一年詳請酌撥事案內奉 文甲寅年起加增朔望
行香等銀二兩九錢七分九毫

共起解銀七千四百八十二兩二錢三分二厘二毫八絲腳
價銀二兩四分七厘六毫二絲共起解銀七千四百八十
四兩二錢七分九厘九毫

置買造解紬絹銀一十兩九錢六分七厘三毫六絲腳價銀
五分一厘九毫五絲

本色原額顏料二百二十三觔一十兩每觔價銀不等該銀
二十九兩六厘八毫八絲又鋪墊銀二兩五錢七分八厘
共銀三十一兩五錢八分四厘八毫八絲

順治十年閏六月內奉

旨改折顏料一百六十三觔一十四兩折價不等共銀一十

青縣志

卷二 賦役

十三

大國民印刷廠印

九兩八錢六分三厘一毫三絲又於順治十八年七月內
奉

戶部改折顏料二十九觔三兩五錢折價不等共銀三兩五
錢七分四厘四毫四絲共該折色解

部銀二十三兩四錢三分七厘五毫七絲

本色顏料三十觔八兩五錢遵照順治十一年分

題定時估各價不等並鋪墊共銀八兩一錢四分七厘三毫
二絲內於康熙二十年七月內奉

戶部核減解

部價銀一兩六錢七分八毫

現今照減定時價並鋪墊共銀六兩四錢七分六厘五毫二
絲內停止黃丹紅熟銅解

部價銀三兩一錢三分七厘二毫七絲又鋪墊銀二兩五錢七分八厘外

實該存留銀七錢六分一厘二毫五絲

以上共折色並核減停止鋪墊共解

部銀三十兩八錢二分三厘六毫三絲

存留顏料價銀七錢六分一厘二毫五絲辦解

本色顏料水膠黃蠟五觔八錢

甲字庫

黃丹二十二觔一十五兩七錢每觔估價銀一錢七分共銀三兩九錢六厘八毫二絲內核減銀一兩一錢七分二厘五絲

現今照減定每觔時價銀一錢一分九厘共銀二兩七錢三

吉縣志

卷二 賦役

十四

大國民印刷廠印

分四厘六毫七絲停止解部

水膠三觔二兩每觔估價銀四分共銀一錢二分五厘內核減銀二分七厘五毫

現今照減定每觔時價銀二分八厘共銀八分七厘五毫
丁字庫

紅熟銅二觔八兩每觔估價銀二錢三分共銀五錢七分五厘內核減銀一錢七分二厘五毫

現今照減定每觔時價銀一錢六分一厘共銀四錢二厘五毫停止解部

黃蠟一觔十四兩八錢每觔估價銀五錢共銀九錢六分二厘五毫內核減銀二錢八分八厘七毫五絲

現今照核定每觔時價銀三錢五分共銀六錢七分三厘七

毫五絲

原額存留本省額編兵餉銀六百六十一兩八錢六分六厘八毫

官役俸食雜支裁減核定銀一千五十六兩五錢九分二厘五毫四絲

驛站銀五百八十五兩九錢三分八厘八毫奉文

抵解正項訖
留支

關帝三代先農壇等祭祀更夫工食朔望行香等銀五十六兩八錢五分九毫

額外解部銀五十八兩二錢九分六厘內
商稅銀二十六兩四錢九分六厘

吉縣志

卷二 賦役

十五

大國民印刷廠印

酒課銀一十二兩

匠價銀一十九兩八錢

以上通共銀九千九百四十六兩四錢二分九厘一毫三絲內彙解

戶部正賦節年開墾並商稅酒課匠價顏料折價核減停止
舖墊裁扣財官經費並額外隱漏增出均徭驛站抵解等
項共銀八千一百四十九兩六錢四分七厘八毫脚價銀
二兩四分七厘六毫二絲又置買紬絹銀一十兩九錢六
分七厘三毫六絲脚價銀五分一厘九毫五絲內解司
紬絹銀六兩三分一厘四毫九絲

戶部顏料價銀四兩九錢八分七厘八毫二絲又辦買
戶部顏料並脚價銀九兩六錢九分五毫三絲又存留本

色顏料價銀七錢六分一厘二毫五絲

存留本省額編兵餉銀六百六十一兩八錢六分六厘八毫
抵解地丁項下

存留官役俸食雜支照裁定銀一千五十六兩五錢九分二
厘五毫四絲內

本州知州俸食銀八十兩

門子二名每名工食銀六兩共銀一十二兩

皂隸一十六名每名工食銀六兩共銀九十六兩

快手八名每名工銀六兩共銀四十八兩

民壯五十名每名工食銀六兩共銀三百兩雍正十三年於
遵

旨議奏事案內奉

吉縣志

卷一 賦役

十六

大國民印刷廠印

文減民壯十八名實三十二名又添設捕役八名民壯每名
工食銀七兩二錢捕役每名工食銀六兩共銀二百七十
八兩四錢餘銀二十一兩六錢每年申解

司庫

禁卒八名每名工食銀六兩共銀四十八兩

轎夫四名每名工食銀六兩共銀二十四兩

傘扇夫三名每名工食銀六兩共銀一十八兩

庫子夫四名每名工食銀六兩共銀二十四兩

斗級四名每名工食銀六兩共銀二十四兩

本州吏目俸銀三十一兩五錢二分

門子一名工食銀六兩

皂隸四名每名工食銀六兩共銀二十四兩

馬夫一名工食銀六兩

本州儒學俸銀三十一兩五錢二分乾隆元年奉 文照正
八品實支俸銀四十兩

廩生三十名每名餼糧銀三兩二錢共銀九十六兩

齋夫三名每名工食銀六兩共銀一十八兩

膳夫二名每名工食銀六兩六錢六分六厘六毫五絲共銀

一十三兩三錢三分三厘三毫

門斗三名每名工食銀六兩共銀一十八兩

文廟崇聖名宦鄉賢風雲雷雨山川社稷壇八蜡廟二祭郡

厲壇三祭共銀四十三兩八錢

鄉飲酒禮銀九兩六錢

孤貧冬衣布花銀三兩五分

吉縣志

卷二 賦役

十七

大國民印刷廠印

舖司兵一十三名半每名工食銀四兩四錢共銀五十九兩

四錢

迎春神牛酒席等銀八錢七分五厘

習義拜牌霜降等銀二兩一錢六分

朔望行香講書等銀二兩六錢二分九厘一毫

舉人坊牌銀一十二兩每年銀四兩

武舉盤費銀三兩六錢一分五厘四毫每年銀一兩二錢五

厘一毫四絲

新中舉人以一名爲率花紅酒席旗匾賀義餞送會試銀七

兩五錢每年銀二兩五錢

四年一解

起送赴考貢生酒席盤纏及考中正貢旗匾花紅銀三十六

兩每年銀九兩

增添存留銀五十六兩八錢五分九毫內致

祭

關帝並三代銀二十兩八錢三分致

祭

先農壇銀三兩五分自丙辰年起開銷藉田存儲穀石此項仍歸起運項下解司

更夫工食銀三十兩

均加朔望行香銀二兩九錢七分九毫

外加支儒學俸銀八兩四錢八分自丙辰年起

以上實增添存留銀六十二兩二錢八分九毫

一現在屯田太原左衛座落本州實在成熟山地七十六頃

吉縣志

卷二 賦役

十八

大國民印刷廠印

七十二畝一分八厘每畝徵糧三升七合七勺共徵糧二百八十八石八斗五升九合每石折銀七錢九分九厘九毫八絲共折色銀二百三十一兩七錢九厘二毫

一屯田平陽衛座落本州實在成熟山地一十一頃五十畝六分二厘二毫每畝徵糧五升七合五勺共徵糧六十六石七升每石折銀八錢共折色銀五十二兩八錢五分六厘

一順治十五年起至十八年止共開墾屯田地一十八頃一十三畝三分五厘九毫七絲每畝各徵不等共徵糧七十石一斗一升二合四勺共折色銀六十一兩六錢八分九厘九毫一絲

一康熙二年起至四年止共開墾屯田地八頃十七畝一分

七厘五毫六絲每畝各徵不等共徵糧三十八石三升七合共折色銀三十四兩四錢三分一厘一毫二絲以上屯田地一百一十四頃五十三畝三分三厘七毫三絲共徵糧四百七十石八升四勺共折色銀三百七十六兩五分六厘二毫三絲

一舊官民屯各色共地一千六百三十二頃九十二畝五分四厘共徵糧七千二百六十四石九斗九升六合三勺折銀並加增絲絹銀六千五百四十七兩六錢一分二厘一乾隆二十七年新增起科山地旱地十畝徵糧二斗一升四合六勺折銀二錢四分五厘

一戶口三門九則共人二千八百八丁共徵徭並辦買顏料銀二千四百五十八兩二錢四厘地差銀五百一十五兩

吉縣志

卷二 賦役

十九

大國民印刷廠印

一錢四分六厘

一屯人二丁共徵徭銀三兩二錢

一順治十二年至十五年清出人三百三十五丁共徵均徭銀四百一十九兩六錢九分三厘

一額外匠價銀一十九兩八錢 攤入地糧徵收

一商稅銀二十六兩四錢九分六厘

一酒課銀十二兩

以上共應徵銀一萬零二兩三錢九分六厘
存留官俸役食款項

知州俸銀八十兩

門子二名每名工食銀六兩內奉 文撥給禁卒銀三錢九分皂役十六名每名工食銀六兩共銀九十六兩內奉

文撥給件作銀六兩又撥給禁卒銀二兩七錢三分一厘
件作二名每名工食銀六兩內奉 文撥給禁卒銀三錢
九分
快手八名每名工食銀六兩內奉 文撥給禁卒工食銀
一兩五錢六分六厘五毫
傘扇夫三名每名工食銀六兩內奉 文撥給禁卒工食
銀七錢八分五毫
民壯二十二名每名工食銀七兩二錢
捕役八名每名工食銀六兩
禁卒八名每名工食銀六兩在各役內撥給銀一十六兩
斗級四名每名工食銀六兩內奉 文撥給禁卒銀七錢
八分五毫

吉縣志

卷二 賦役

二十

大國民印刷廠印

轎夫四名每名工食銀六兩內奉文 撥給禁卒銀七錢
八分五毫

更夫五名每名工食銀六兩

吏目俸銀三十一兩五錢二分

門子一名工食銀六兩

皂役四名每名工食銀六兩

馬夫一名工食銀六兩

學正俸銀四十兩

廩生三十名廩餼銀九十六兩

門斗三名每名工食銀六兩

齋夫三名每名工食銀六兩

膳夫二名每名工食六兩六錢六分六厘六毫五絲

起運貢生赴考酒席銀八兩
舉人會試盤費銀二兩五錢
舉人坊牌銀四兩
武舉會試盤費銀一兩二錢五分
鄉飲酒禮銀九兩六錢
孤貧冬衣布花銀九錢四分四厘
壇社祭品銀一兩五錢
關聖祭品銀一十兩四錢一分五厘
文廟文昌廟各壇祭品銀二十九兩七錢九分
啓聖名宦鄉賢酌派銀五兩五錢九分
風雲雷雨山川社稷八蜡酌派銀一十七兩
厲壇酌派銀六兩

吉縣志

卷二 賦役

二十一

大國民印刷廠印

以上共祭品銀七十兩二錢九分五厘
迎春神牛銀八錢七分五厘
朔望行香銀二兩八錢
舖司兵十三名半工食銀五十九兩四錢
以上共銀一千九十五兩四錢五分八厘
實在通共應徵銀一萬二兩三錢九分六厘
上忙徵收銀四千九百八十一兩九錢五分
下忙徵收銀五千二十兩四錢四分六厘
新增

實在額徵地丁商稅酒課匠價通共徵銀一萬二兩三錢九分六厘內除永免丁糧正銀六百九十七兩四錢五分一厘四毫七絲停徵有主無主荒地正項銀一千一百九

十六兩九厘續報荒地正項銀四百七十二兩三錢一分
四厘又續報水冲被繾荒地正銀一千一百七十九兩四
錢二分六厘又添徵陸續開墾荒地正銀五百五十八兩
八錢五分四毫七絲光緒三十三年起徵荒地正銀四十
九兩一錢五分三厘內除商稅酒課銀三十八兩四錢九
分六厘外實應徵地丁銀七千二十六兩
附戶口

上坊三百五十三戶

八百三十口

下坊九十六戶

四百二十四口

蘭村里二百九十七戶

一千七百九十八口

蘭後里二百七十五戶

一千九百九十二口

南平里 甘泉里七百一十四戶

三千九百一十三口

吉縣志

卷二 賦役

二十二

大國民印刷廠印

宣化里 太亨里五百九十四戶 二千三百八十一口

同樂前里四百一十戶 一千三百二十一口

同樂後里一百六十八戶 一千二百三十九口

房村里四百一十五戶 一千九百七十六口

通共三千八百一十二戶 一萬三千三百六十一口

倉廩

周禮倉人掌粟歲或不登則發以賑之設倉所以備荒也
然豐年歛之荒年散之斟酌利弊俾小民咸沾實惠則積
儲之道有官守者誠不可不修其職也志倉廩

常平倉在衙署內社倉在鄉義倉在鄉舊傳社義二倉在柏山寺三

墩鎮文城村等處今皆移併衙署內

風字廩 調字廩 雨字廩 順字廩

國字版

泰字版

民字版

安字版

物字版

阜字版

年字版

豐字版

人字版

和字版

壽字版

世字版

日字版

保字版

赤字版

子字版

月字版

盛字版

通共二十二所六十四間

原額倉穀除出放賑濟外實存二十二石一斗九升五合於

光緒二十六年散賑訖

鹽法

食指固盛衰不常而引日遂增損不一賦役之後附志

鹽法

原額銷引五百五十道雍正七年加引十四道共五百六十

吉縣志

卷二 賦役

二十三

大國民印刷廠印

四道



吉縣全志

吉州全志卷三

知州吳葵之奉 文重修



職官

林林總總非設官分職無以統之是故令宰統於守牧守牧統於監司監司統於督撫而寓撫字於催科端表率以教養則良有司之職也後之人指其姓氏曰某也循良某也貪墨噫可畏哉記官職並附佐貳教職四術於後

知州一員 吏目一員 儒學學正一員 訓導一員先設今裁

陰陽學典術 醫學典科 僧正司僧正 道正司道正各一員

知州

吉縣志

卷三

大國民印刷廠印

唐

劉 迺以進士任州刺史詳宦蹟

宋

朱 弁婺源人任州團練使詳宦蹟

元

王士元恩州進士至正四年任詳宦蹟

明

洪武許志昇六年任詳宦蹟

正統

伍 秀湖廣松滋人舉人 候 充

戚 宣陝西靜甯人舉人

景泰

王 亨

譚昇

順大葉 穆福建漳浦人舉人

化成徐 政直隸永年人舉人

張諒 河南鹿邑人舉人

胡璉 南直巢縣人舉人

謝鎮 直隸薊州人舉人

治宏王 彝陝西鄂縣人舉人

馬駙 陝西澄城人舉人

蕭鶚 山東膠州人舉人

正邢 懋山東濱州人舉人

田耘 河南祥符人舉人

河洽 浙江富陽人進士六年任

吉縣志

卷三

二

大國民印刷廠印

冉繼志 直隸蠡縣人進士

高選 陝西高陵人進士七年任調任臨清州

史紀 陝西華陰人舉人九年任陞登州府同知

宇文鏞 陝西乾州人舉人十二年任

劉璨 河南河內人舉人十四年任

嘉史立誠 浙江鄞縣人進士元年任陞軍民府同知

王希用 直隸河間人舉人二年任

虞文詡 浙江義烏人舉人八年任調解州詳宦蹟

詡舊志作翊平陽府舊志名宦傳作翊俱訛

夏濬 浙江餘姚人舉人十二年任

宗藩 南直寶應人監生十七年任宦蹟作宋蕃

張繼賢 陝西環縣人監生

蔣 陽山東樂安人進士二十一年任陞檢事道詳宦蹟
龐 經山東嘉祥人舉人二十三年任詳宦蹟
雲 棟山東高唐人舉人三十八年任
喬 文河南安陽人舉人三十一年任
張 槐陝西南鄭人官生三十五年任
劉顯道直隸南皮人舉人三十六年任
劉 岸陝西高陵人舉人四十五年任陞兗州府同知
崔學謙直隸昌平人監生四年任
姚思義直隸棗強人舉人二年任
李 瑚直隸霸州人舉人七年任陞藩府長史詳宦蹟
孫溫如山東濱州人進士十一年任詳宦蹟
趙有功直隸鷄澤人舉人十三年任

青縣志

卷三

三

大國民印刷廠印

王法祖山東寧陽人恩貢十四年任
張問善河南祥符人舉人十五年任
左世奎四川中江人舉人十六年任
白應乾山東博興人舉人十八年任
周 達陝西西鄉人選貢二十四年任
福文明直隸東安人舉人二十六年任陞太原府同知
常時芳直隸交河人舉人三十二年任
蕭爍韶江西新建人選貢三十四年任
董三奇湖廣廣濟人舉人三十八年任
張廷煥浙江德清人舉人四十一年任
張應春陝西華州人舉人四十二年任詳宦蹟
張世維

天啟 魏可教 山東汶上人 舉人二年任陞鞏昌府同知

沈瑜

正崇 陳諤言 直隸保定人 舉人二年任

黃光燁 河南羅山人 舉人五年任詳宦蹟

國朝

治順 李蘭芳 直隸人 貢生二年任

崔起鵬 奉天遼東人 生員四年任陞兵備道詳宦蹟

馬得路 奉天遼東人 抵任二月緣事去

龍啓運 山東兗州府人 五年任

紀振邊 海州人 進士九年任陞撫州知府

曹振彥 奉天遼東人 七年任陞陽和知府

于三 躍萊州府人 貢生十四年任平陽府志作義州人

吉縣志

卷三

四

大國民印刷廠印

葛全忠 奉天甯遠人 十六年任

康熙 林家徵 福建長樂人 舉人二年任

南 鵬 陝西新安人 廩生七年任詳宦蹟

吳延庚 奉天開原人 廩生十三年任

石顯貴 奉天人 廩生十九年任

楊 樞 奉天人 監生二十八年任陞吏部員外

程 俊 奉天人 廩生三十三年任陞工部員外

劉 儼 直隸景州人 監生三十六年任

張 璨 奉天正黃旗人 監生三十七年任詳宦蹟

田鳴玉 浙江山陰人 貢生四十六年任詳宦蹟

金 磐 奉天正黃旗人 監生五十五年任

直隸知州

正雅 楊魁甲 陝西甯夏人 進士二年任
李 璵 河南濟原人 進士五年任
甘士英 奉天正藍旗人 監生七年任

同知

金

定 任禮厚 人詳宦蹟

元

正 韓復生 瀏陽人 詳宦蹟

明

統正 羅拱宿 人

萬歷間 裁缺舊志 失載餘無考

州判

吉縣志

卷三

五

大國民印刷廠印

明

嘉 包鍾乾 州人 詳宦蹟

萬歷間 裁缺舊志 失載餘無考

吏目

明

安恭

鄭 顯 聊城人

杜 傑 鄆州人

李 鯤 即墨人 監生

李 繼賢 宣州府人 監生

范 洲 常熟人 監生

孫 軒 即墨人 監生

楊 璲 東平人 監生

黃 辛

李 義 益都人

陸 科 嵩縣人

李 正 和巴州人

李 子 都樂陵人 儒士

蔡 永 芳

李 遇 時成安人 儒士

傅 應 麟 遷安人

薛 槐 長安人

曹 大 業 故城人

王 誥

吉 縣 志

卷三

六

大國民印刷廠印

李 陞

汪 允 泮

劉 士 登

程 士 昌

夏 以 雍

魏 承 慧

宋 可 爲

黃 應 寵

國 朝

同 治 戴 宗 臣

呂 宗 正

何 廷 顯

馮 勳 陝西華州人

陳嘉績 浙江會稽人

康熙 孔興周 浙江山陰人

姚希孔 山東德州人

陳起文 順天宛平人

雍正 夏苑林 江南吳縣人

史朝棟 江南上元人

儒學學正

明

嘉靖 左 達 莘縣人舉人詳宦蹟

王 紀 隴西人舉人

王 翼 易州人舉人

吉縣志

卷三

七

大國民印刷廠印

李善明 洵陽人舉人

劉 璫 安樂人舉人詳宦蹟

解以德 壽光人

徐鳴玉 單縣人

楊 諤 鳳翔府人舉人

朱 鑑 紫陽人

李 紀 長安人

王鳳翔 寶山人

萬曆 張秉同 鎮平人詳宦蹟

茶汝楫 耀州人

高 瑾 密雲人

楊 鵬 岷州衛人

辛繼先襄城人詳宦蹟

郝大業三原人

張汝言臨洮人

王雲鵬狄道人

程澤太原府人

姜一正遼州人

李鳳梧洛陽人

文鑄世新安人

甄崇武平定人

李馨

趙文光

安汝智

吉縣志

卷三

八

大國民印刷廠印

賀正

天啟麻一鳳宣城人

張應祖

李業

楊鹽即墨人見鄉甯縣志舊志失載

李聯芳潼關人

江宏太同人

董宏猷延長人

王家瑞介休人

朱之俊汾陽人

李栾臨縣人

國朝

治順 賈懷第 渾源人

吳全孝 保德人

王克纘 平順人

張統壽 陽人

王良弼 太原人 舉人

康熙 王綏猷 岢嵐人 舉人

羅人文 沁水籍 翼城人 舉人

張其凝 介休人 舉人

晉璿 長治人 舉人

張寅 安邑人 舉人

張潛修 孟縣人 舉人

栗楚 長治人 貢生

吉縣志

卷三

九

大國民印刷廠印

任昌慶 長治人 舉人

雍正 李瑄 文水人 舉人

舊設訓導一員因裁缺其姓氏舊志失載今無考

直隸知州

乾隆 蔣重勳

謝自泌 增修城

薄岱

陳明善 創修西橋

范樹禮

知州

嘉慶 李

蔡國臣

王仲祥

孫樹新

涂務泰

周湜

道光馬振玉監生

許振基監生

駱榮光

吳聘九安徽涇縣人廩生

呂瑞玉

華勳舉人

劉龍光舉人

周雲鳳

吉縣志

卷三

十

大國民印刷廠印

鄭荃舉人

陳棻監生

余正酉山東人舉人

萬逢時拔貢

鄧爾頤江蘇人

豐咸陸尙樸三年任

張舒翹江西吉水人進士四年任

彭汝楠

莫倉棨廣東人進士八年任

李英年

鄧琛舉人十年任

治同楊泰

姚官澄涿州人舉人元年署理蔭生
烏林泰拔貢四年任

余 灃山東人監生五年任

錢 霖七年任

丁 瀛七年署理

華 年八年任

覺羅福蔭十一年署理

李徵枋安徽人軍功十一年任

袁友麟府經歷十二年署理

易鈞鼎江西人進士十三年署理

段鼎燿江西人監生十三年任

緒光馬元驥甘肅人廩平陽府三府三年署理

吉縣志

卷三

十一

大國民印刷廠印

新增

緒光吳葵之河南溫縣人四年任詳宦蹟

林步高福建人舉人十八年任振興書院

鄭書璣陝西人附貢二十年任清查荒地

章 同湖南人監生二十二年任革除陋規饒有政蹟

李 鑄湖北人舉人二十六年署理以工代賑重修城垣

詳宦蹟

黃壽徵浙江人三十年任創設學堂籌畫經費重修

城隍廟詳宦蹟

曹靈秀陝西人監生三十二年任督辦保甲盜賊斂跡勸

種桑樹籌款添兵

統宣吳昌燕江蘇人元年任下車伊始兩革陋規厥後善政種

種不一詳宦蹟

儒學學正

于世榮石州人

李學韓

紀

劉贊元榆次人舉人

王繪圖舉人

任自警舉人

王毓桐忻州人舉人

嚴

施

吳彝象萬泉人舉人

吉縣志

卷三

十一

大國民印刷廠印

劉作霖陽城人舉人

李朝陽榆次人

王萬昌陽曲人

李蘭舉人

李旬陽曲人舉人

豐威 王秀升貢生

崔樹棣絳縣人舉人六年任

同治 靳福昌陽曲人副榜七年署理

劉瑤遼州人舉人七年任

宋長年陽曲人附貢十一年署理

黃維墀平定州人舉人十二年任

光緒 裴國苞陽曲人舉人四年署理

吏目

卞之挺

牟 誥日照人生員

吳保定

黃 琪

沈家模嘉興人監生

陳 琪

吳朝炯

黃

蘇益臣江南人監生

黃晉恩

李嘉恩江南人生員

吉縣志

卷三

十三

大國民印刷廠印

黃同勳

蔣智鐸江南朝湖人

曹貽祥湖北人監生

四術官

陰陽學典術歷來懸缺雍正九年奉

文揀選頂補四術官同

白坤元雍正九年補

劉應錫雍正十年補

醫學典科

張學聖雍正九年補

僧正司僧正

寂相雍正九年補

道正司道正

閻福壽雍正九年補

營汎武職壯丁附

教養宜文捍衛宜武我

國家設立兵防星羅碁佈固云備美而無間矣因記營汎武職且類及於壯丁

吉州營

共經制官兵二百二十六員名內

守備一員駐劄本州兼轄鄉甯營汎雍正十一年改守備為都司同治元年將都司復改為守備
千總一員隨營差操同治元年將千總改為把總
把總一員駐防鄉甯縣

吉縣志

卷三

十四

大國民印刷廠印

馬戰兵十名內拔補外委把總一員隨營差操乾隆四十七年裁汰

賞恤馬兵一名

現設馬兵九名

防霍州師庄鎮五名存營四名今裁

步戰兵二十五名乾隆四十七年裁汰賞恤步兵二名養

廉步兵七名公費步兵二名

現設步戰兵一十四名

守兵一百八十八名乾隆四十七年裁汰賞恤守兵一名

養廉守兵十七名公費守兵二名道光元年裁汰六名十

二年裁汰三名咸豐四年裁汰八名

現設守兵一百五十一名

現設官兵一百七十七名
分防本州黃河一帶汎地營房四處
平渡關五名 李兒坡五名
馮家集五名 七郎廟五名
冬月黃河冰橋凍合添設防汎四處至春冰開撤回
官灘裡二名 壺口十名
石磔裡二名 鈞魚崖二名
駐防鄉寧縣
把總一員 兵十名
分防鄉寧縣黃河一帶汎地營房四處
師家灘五名 船窩鎮五名
郭家坂三名 山官峪三名

吉縣志

卷三

十五

大國民印刷廠印

冬月冰橋凍合添設汎防八處至春冰開撤回
香爐崖二名 石鼻口二名 花寶崖二名
李家集二名 高石崖二名 橋子溝二名
乾柴坂二名 碗窩二名

吉州營守備 明崇禎年間設

明

崇禎 王三錫

賀明威詳宦蹟

王科

李本達蒲州人

國朝

順治 白養德

傳以斌

王國瑛絳州人

張炳涿州人武進士

朱湜仁和人武進士

康熙黃鉞京衛人武進士

高堃涿州人武進士

周嶺湖廣人武進士

趙興隆陝西人武舉

劉縝海豐人武進士

馬進德陝西人行伍

雍正王璽陝西寧夏人十一年陞都司

千總以下舊志不載今仍之

吉縣志

卷三

十六

大國民印刷廠印

都司

乾隆馬麒

丁人傑河南河內人武舉五十一年任

劉文燦

嘉慶李行正直隸邯鄲人 八年任

道光蓋膚開

保芝琳貴州興義人世襲四年任

尹希成四川新津人武進士八年任

安玉林直隸清苑人行伍十六年任

張煜湖北東湖人行伍二十六年任

沙春元河南鄭州人武進士二十九年任咸豐六年陞直

隸鎮標右營遊擊

豐成林茂金廣東人

周定邦忻州人監生八年任

陞 貴太原駐防人

守備

同治清 山滿州廂白旗人護軍校元年任光緒二年題陞東

灘都司


光緒閻登庸汾州平遙人武生二年題陞到任

壯丁附

原額民壯五十名雍正十三年奉

文議裁民壯一十八名實存三十二名

今現設民壯二十二名



吉州全志卷四

知州吳葵之奉 文重修

宦蹟

龔黃卓魯何代無才而吉屬舊志所載約略數人豈循良之不易覲耶比類而登之俾後之人有興起之感焉記宦蹟

北魏

裴慶孫聞喜人正光末汾州吐京郡部聚衆作逆慶孫擊之大潰後復雁集北連蠡升南通絳蜀凶徒轉盛慶孫又討之至汾陽城朝廷以此地披山帶河襟要之所遂立郡因以慶孫爲太守輔國將軍

斛律金朔州勅勒部人性敦直善騎射行軍用塞外法望塵

吉縣志

卷四

大國民印刷廠印

識馬步多少嗅地知軍度遠近初爲軍主興懷朔鎮將楊鈞送茹茹主阿那瓌還環見金射獵深嘆其工後懷入寇高陸金拒擊破之正光末爲杜洛周所破部衆分散與兄平脫身歸爾朱榮累遷都督從破葛榮齊高祖建義山東金贊成大策留守信都領恒雲燕朔顯六州大都督從平晉陽追滅爾朱兆太昌初爲汾州刺史當大都督從高祖破紇豆陵於河西天平初遷鄴使金領步騎三萬領風陵以備西寇軍罷還晉陽沙苑不利東雍諸城復爲西軍所據金與尉景庫狄干等討復之大象中高祖禦周文帝於河陽使金徑往太州爲犄角之勢金到晉州以軍退不行仍與行臺薛循義共圖喬山之寇俄而高祖至共討平之因從高祖攻下南絳邵郡等數城武定初除大司馬第一

領民酋長三年高祖出軍襲山胡分爲二道以金爲南道軍司繇黃櫨嶺出高祖自出北道度赤洪嶺會金於烏突戍合擊破之四年詔金繇冀州率從烏蘇道會高祖於晉州仍從攻玉璧軍還使金總督大衆從歸晉陽世宗嗣事爲肆州刺史齊天保初封咸陽郡王刺史如故冬朝晉陽宮金病帝幸其宅臨視病愈還州三年就除太師從征奚賊軍還帝幸肆州與金宴射而去四年解州還晉陽車駕從幸其第六宮及諸王盡從置酒作樂極夜方罷帝忻甚詔金孫武督尙書審公主成禮日帝從皇太后幸金宅皇后太子及諸王等皆從其見親待如此後詔率二萬騎屯白道以備茹茹寇帥豆婆吐久備將三千餘戶密欲西過候騎還告金勒所部追擊盡俘其衆茹茹但鉢將舉國西

徙金獲其候騎送之並表陳擊取之勢高祖於是率衆與金共討於茹賴獲二萬餘戶而還晉位右丞相遷左丞卒年八十贈假黃鐵相國諡武

房謨字敬叔河南洛陽人其先代人也少淳厚正光末歷代郡太守著廉惠聲及六鎮亂謨率郡人入九岬山結壘固守外無救援奔中山孝莊時除大寧太守爾朱榮死其黨徵兵謨不應前後斬其三使遣弟毓詣闕孝莊以毓爲都督毓弟欽爲行臺並持節詣謨同爲經略及洛京陷爲賊黨是蘭安定執繫州獄蜀人聞謨被囚並叛安定給謨弱馬令軍前慰勞諸賊見謨莫不遙拜謨先所乘馬安定別給將士戰敗蜀人得之謨遇害人莫不悲泣善養其馬不聽乘騎兒童婦女競投其草粟皆言此房公馬也其結愛

人心如此孝靜時除晉州刺史加驃騎大將軍又攝南汾州事先時境接西總土人多受其官爲之防守至是酋長鎮將及都督守令前後降附者三百餘人謨撫接殷勤人樂爲附爰及深險諸夷咸來歸附謨常以己祿物充其饗賽齊文襄嘉之聽用公物西魏懼乃增置城戍慕義者自相糾合擊破之自是龍門以北皆平文襄特賜粟千石絹二百匹卒於州州府相率贈物及車牛妻子遵其遺志拒而不納贈司空諡曰文惠

皮景和瑯琊下邳人父慶賓正光中使懷朔遇世亂因家廣寧之石門縣景和少通敏善射騎武定二年征步落稽世宗疑賊有伏兵令景和將五六騎深入一谷中值賊百餘人便共格戰景和射數十人莫不應弦而倒高祖令景和

吉縣志

卷四

三

大國民印刷廠印

射一野豕一箭而獲之深見嘆賞封永寧縣開國子從定稽胡從討茹茹菴羅辰於陜北又從平茹茹餘燼河清三年突厥圍逼晉陽令督領後軍赴并州未到賊已退仍除領左右大將軍又除并省五兵尙書周通

後常令景和對接每遇同射百發百中武平中又從斛律光率衆西討尅姚襄白亭二城別封永寧郡開國公晉文城郡王卒俱見通志

北齊

堯奮字彥舉上黨長子人雄弟也賜爵安夷縣子晉伯爲南

汾州刺史

夷畏憚之西魏行臺薛崇禮舉衆攻擊與戰大破之崇禮兄弟乞降送於相府轉潁川卒

北周

宇文測字澄鏡太祖族子少篤學旬月不窺戶牖尚宣武女陽平公主從孝武入關封廣川縣公大統六年除使持節大都督行汾州事測政存簡惠頗得民和地接東魏數相抄竊或有獲其爲寇者多縛送之測皆命解縛置之賓館然後引與相見如賓禮焉仍設酒餼宴勞放還其國並給糧餼衛送出境自是東魏人大慙乃不爲寇汾晉之間各安其業兩介之民遂通慶吊不復爲仇讐矣時論稱之方於羊叔子或有告測與外境交通懷二心者太祖怒曰測爲我安邊吾知其無二志何爲間我骨肉生此貝錦乃命斬之仍許測以便宜從事卒賜靖

韓哀字宏業居昌黎涉獵經史深沉有遠略避地夏州太祖

吉縣志

卷四

四

大國民印刷廠印

時爲刺史待以客禮哀勸令赴平涼周保定三年爲汾州刺史州界北接太原當千里徑先是齊寇數入民廢耕桑前後刺史莫能防扞哀至適會寇來哀乃不下屬縣人既不及設備以故多被抄掠齊人喜相謂曰汾州不覺吾至先未集兵今者之還必莫能追攝吾矣由是益懈不爲營壘哀已先勒精銳伏北山中分據險阻邀其歸路乘其衆怠縱伏擊之盡獲其衆故事獲生口者並囚送京師哀因是奏曰所獲賊衆不足爲多俘而辱之但益其忿耳請一切放還示之以德有詔許焉自此抄兵已息哀歷事三帝高祖常以師道處之卒諡正

楊衍字文衍華陰人鈞之孫也少有志操襲鈞爵賜正縣伯周初晉候保定中陳公純鎮陝西以敷爲總管長史天和

六年爲汾州諸軍事汾州刺史晉公齊將段孝先率衆五萬來寇梯衝地道日夜攻城敷親當矢石隨事扞禦拒守累旬孝先攻之愈急時城中兵不滿二千戰死者已十四五糧儲已盡公私窮蹙齊公憲總兵赴救憚孝先不敢進軍敷知必陷沒乃召其衆謂之曰吾與卿等俱在邊鎮願同心戮力破賊全城但強寇四面攻圍日久吾等糧食已盡救援斷絕守死窮城非丈夫也今勝兵之士猶數百人欲突圍出戰死生一決倘或得免猶冀生還受罪闕廷孰與死於寇乎吾計決矣於諸君意何如衆咸涕泣從命敷乃率兵夜出一擊殺齊軍數十人齊軍衆稍卻俄而孝先率諸軍盡銳圍之敷殊死戰矢盡爲孝先所擒齊人方欲任用之敷不爲之屈遂以憂懼卒於鄴高祖平齊賜忠莊

吉縣志

卷四

五

大國民印刷廠印

載通志

齊劉迥由進士任吉州刺史剛直夙稱廉能茂著理民決訟推誠布公祀名宦

宋

朱弁婺源人任右武大夫吉州團練使奮身許國冒險和戎抗節致忠英勇絕世祀名宦

金

任禮厚興定中任州同知元兵陷吉與其妻墜崖而死祀名宦

元

時公權任吉隰二州統兵官河南中書行省右丞課士撫民教養移俗練兵禦寇恩威並濟文武全才嘗禦寇炳七寨

爲時保障二郡賴之祀名宦

韓復生瀏陽人進士至正間任州同知文雅而嫻於吏事隱惡揚善俗化治成祀名宦

王士元字堯佐恩州進士至正四年知州事爲政不苛守節不屈士民感戴祀名宦

明

許志昇洪武間知州修學宮治壇壝開國之良牧

高選正德間知州宏才博學撫士恤民

張應春陝西華州人萬歷四十二年以舉人知州事政寬刑清風移俗易

張秉同鎮平人萬歷間學正賦性剛果正大不阿

辛繼先襄城人萬歷間學正一介不取忠厚正直人稱爲義

吉縣志

卷四

六

大國民印刷廠印

皇以上人祀名宦

麻一鳳宣城人天啓間學正博學宏才剛方正大

黃光燁羅山人崇禎五年以舉人知州事刑清賦薄惜因亂棄官

賀明威崇禎間守備防禦有法群寇蜂起賴以安堵
國朝

崔起鵬奉天遼東人順治四年以生員知州事青年秀質蒞政有條陞兵備道

南鵬陝西新安人康熙七年以廩生知州事撫綏流亡創修郡志

張燦奉天正黃旗人康熙三十七年以監生知州事蒞任七年饒有政績

田鳴玉浙江山陰人康熙四十六年以貢生知州事搜羅遺逸纂修平陽府志

虞文詡浙江義烏人嘉靖八年以舉人知州事六事兼舉百廢俱興調任解州

宋蕃南直寶應人嘉靖十七年以監生知州事奏減糧價民受其庇 宋蕃官職作宗蕃

蔣陽安樂縣人嘉靖二十一年以進士知州事治先教化使民無訟崇學校築城垣有功於時陞陝西僉事祀名宦

龐經山東嘉祥人嘉靖二十三年以舉人知州事清潔慈惠民歌父母

包鍾乾州人嘉靖間州判事母以孝愛民以仁創築外城公私不動一錢陞孟縣知事未及行而卒百姓祝之祀名宦

吉縣志

卷四

七

大國民印刷廠印

左達莘縣舉人嘉靖間學正學有淵源教有程式

劉璣安樂舉人嘉靖間學正因才善誘人文聿興

李湖直隸霸州人萬歷七年以舉人知州事資性溫雅不事華飾政教寬仁利欲不染陞藩府長史

孫溫如山東濱州人萬歷十一年以進士知州事冰蘖裨躬龐澤福民

甘士英奉天正藍旗人由高平令蒞任州事政績卓異惠政尤多州人至今思之

王元嚶字德馨山東膠西人以二品蔭生蒞任州事賦性仁慈持身耿介剔弊興利愛士恤民州人立有去思碑

吳聘九安徽涇縣人以廩監來蒞州事居心恕仁重士恤民蒞任數年貧民有錢糧無措者公多代爲補完嘗於二堂

題聯云此日爲民父母他年看我兒孫可以想見其風矣
公故皖中世族道光年間民欠倉谷公使人自家取金悉
代完之居常招致士子唱和詩文訟靜庭閒不減琴鶴高
致解任後清風兩袖父老攀轅士庶爲留遺靴以誌其惠
張舒翹江西吉水縣人道光丙申聯捷進士由內閣中書選
知州事重士恤民創修書院士庶爲立長生位以祀
姚官澄直隸涿州人舉人由蔭生選授知縣同治元年署理
州事青年秀士決訟如神蒞任二年民無冤抑士重操修
先是張公創建書院因丁艱事途中寢及公到任後籌畫
經費始爲落成自是州復有書院解印後州人思慕不忘
爲立長生位以祀之

張德豹直隸武強人武進士山侍衛任太原鎮標右營都司

吉縣志

卷三

八

大國民印刷廠印

同治六年領平陽兵二百五十人從平垣營遊擊谷景昌
防守吉州河口谷以病駐城公遂兼轄茅津渡兵及本地
兵勇在河防守十一月十九日賊由陝西宜川境竄入吉
州龍王趙西岸衆數十萬屢次撲渡冰橋時兵勇不過數
百賴公督率禦賊晝夜戰拒至使軍士不得飲食城中紳
士商民及沿河附近村莊俱皆家造餉食奔營運送軍士
皆以酒濡食口含禦賊抵二十二日賊始卻退數十里夜
半復至遂潛渡冰橋公血戰數十合力盡撲河死之先是
逆賊竄入陝西西山一帶山右戒嚴十一月冰橋既合
上復委平陽總鎮陳統帶元亨利貞等營練勇督辦吉州河
防抵河數日聞固關有警即復領軍而北十九日賊遂至
河二十二日陳公始由大寧縣將勇移回抵暮至河賊退

已遠時連日禦戰兵勇既皆疲憊不堪是夜遂以新來練勇更值守河而練勇又復日行數百里不勝苦三更後遂以數十騎潛渡冰橋先將火藥點放軍士潰亂公從賊中血戰而出有公兵丁牽馬請公逃去公曰吾奉命防河今既不能扞禦致使賊得竄渡上無以報朝廷下無以對萬民吾死必矣遂反身撲河而死後數日屍浮冰上衣冠如生有某者收其屍殮之七年春發葬原籍米輔國保德州河曲縣人由武舉拔補平垣營茅津渡把總同治六年從遊擊谷駐防吉州河口十一月賊至河時督兵禦賊身先士卒及賊渡河公猶擂鼓集隊獨力死戰遂歿於亂軍之中

郝恭汾州府汾陽縣人由世襲授太原鎮標右營千總同治

吉縣志

卷四

九

大國民印刷廠印

六年從都司張德豹防守吉州馮家磧十一月賊至河時調至龍王堦并力禦賊及賊竄渡冰橋血戰力盡撲河而死

谷景昌直隸鉅鹿人由侍衛任平垣營遊擊加副將銜陞澤州府參將同治六年領茅津渡兵兼轄平陽右營都司張德豹駐防吉州河口十一月賊渡河時公以病駐州城不能督禦事宜皆託張德豹米輔國恩德素孚士能用命及州城失守遂與米公侄外委米杏林額外劉潮海等死之張樹屏安徽人同治九年以陰襲統帶樹字新軍六營防堵吉州河口以恤民爲心法令嚴明州人甚賴同治七年六月州川大水扶風橋欄杆漂沒無存數年不能修理行人多墜死者公惻然憫之獨力重修至今人頌其德有碑記

林咸興江甯人管帶樹字新軍前營同治九年駐防蝦蟆灘
建橋修路設法賑飢土人德之爲立碑於柏山寺

新增

知州

光緒吳葵之河南溫縣人四年任勤慎廉潔

林步高福建人舉人十六年任振興書院

鄭書幾陝西人附貢二十年任清查荒地

章同湖南人監生二十二年任革除陋規頗有政績

李鑄湖北人光緒乙酉科拔貢己酉科舉人二十六年署

理州篆到任時正值旱災請於

上憲前後發賑銀共一萬一千兩公恐人多銀少稟明上

憲撥銀四千兩重修城垣以工代賑全活飢民無數拳匪

吉縣志

卷四

十

大國民印刷廠印

之變殺傷教民英國教士巡查結成教案賴公調和無事
賠埋葬紀念碑錢四百六十千文又爲補修教堂自是民
教和睦安居樂業平民教民皆頌德焉又勸民引水灌地
在州西大郎廟官坪創修水地四百餘畝百姓至今感戴
不忘

黃壽徵浙江人光緒三十年到任時城隍廟關帝廟坍塌
已甚前代理吉州袁稟上憲伐廟中柏樹數株並捐廉
數十金與州之紳士協力重修未果公接任後慨然以爲
己任先捐廉三十金以爲動工之資舉學正張文芳爲總
理派州之紳士數人經理督工壞者修之闕者補之越二
年而黝堊丹青煥然一新廟貌較昔爲壯觀焉又以小學
堂開辦二年有名無實因限於經費不能遵章辦理與州

之紳士秉公籌款在州境之龍王池船隻上每船一支抽錢一千文以爲學堂長年的款事方就緒因事進省署任曹靈秀又因巡警局經費支絀每船增抽錢二百文每年秋夏二季約抽錢六七百千文不等通年與巡警局撥錢二百千文餘皆爲學堂經費始得聘請教習選派職員養贍學生雖規模尙欠擴充而學堂日有起色吉州學堂之設立黃公之力居多數焉厥後創辦育嬰堂又善舉也曹靈秀陝西人監生三十二年任督辦保甲盜賊斂跡勸種桑樹籌款添兵振興學堂

宣統吳昌燕江蘇人元年任下車伊始兩革陋規厥後設立教育會勸學所簡易識字學塾自治所育嬰堂宣講所女學堂並重修關帝廟重建朝陽門兼招添高等小學堂之生

吉縣志

卷四

十一

大國民印刷廠印

種種善舉士人德之

人物

山川靈秀何地無才况吉屬前賢以事功節義見者不乏其人耶彝型在望觀感斯存記人物附志寓賢

殷

鄂候殷三公也殷醢九候鄂候爭之疆辨之疾故脯

周

韓康路史厥之元孫康采趙蘭爲蘭氏

屈候鮒仕魏爲武侯之師翟黃所舉進也

唐

崔元亮吉州人擢進士第元和初爲駕部員外郎清慎自持大和中改諫議大夫每遷官輒讓形於色文宗時以直諫

名朝廷推爲宿望移疾歸東郡召爲虢州刺史祀鄉賢

金

馮延登字子俊吉州吉鄉人世業醫以幼穎悟遂事舉業登承安二年詞賦進士第調臨真縣主簿德順州軍事判官太和元年轉寧邊令大安元年七月雹害稼發粟賑貸全活甚衆貞祐二年補尙書省命使尋授河中府判官兼行尙書省左右司員外郎興定五年入爲國史編修改太常博士元光二年知登聞鼓院兼翰林修撰奉使夏國就充接送伴使正大七年遷國子祭酒假翰林學士承旨充國信使以八年春至虢縣營元主問汝識鳳翔帥否對曰識之又問何如人曰敏於事者也又曰汝能招降即賞汝死對曰臣奉命請和招降豈使職乎招降亦死還朝亦死不

吉縣志

卷四

十二

大國民印刷廠印

若今日即死爲愈也明日復問汝曾思之否對如前問至再三執意不回又明日乃云汝罪當死但古無殺使者理汝愛汝鬚髯猶汝命也叱左右以刀截去之延登岸然不動乃監之豐州三年後放還哀宗撫慰久之復官祭酒歷禮二部侍郎權刑部尙書明年元兵圍汴倉卒逃難爲追騎所得欲擁而北行延登辭情慷慨躍入城旁井中年五十八

楊貞吉州人父椿嘗爲獻州刺史貞擢明昌進士第仕至河東南路招撫使隰吉便宜經畧使築牛心寨以禦元虜急命其子克義克敬婿禮厚俱死之又命妻孟氏自經女即禮厚妻墜崖死貞乃南望再拜焚盧赴河死後屍橫水上門人張安石收葬焉

王予可吉州人字南雲父本軍校南雲亦隸籍年三十六病後忽發狂能揮筆作詩文及說世外恍惚事南渡後居上蔡遇文士則稱大成將軍於釋則諦摩龍什於道則騶天元俊於貴遊則威錦堂主人爲人則軀幹雄偉貌亦奇古戴青葛巾項後垂雙帶若牛耳一金鏤環在頂額間兩頰以青涅之染爲翠鬢長衣不能掩脛故詩人有峭腿王之日落醜嗜酒每入城市人爭以酒食遺夜宿土室中人問其故其應如響其所引書皆世所無有人與之紙落筆數百言或詩或文多六經中語及韻學古文奇字壬辰兵亂爲順天將領軍所得館於州之瑞雲觀南雲言於將領曰我不能住君家觀也越二日病卒後又見之於淮上者又云安邑人小字醜人遊河南鄧偃城鄆陵等處詩詞走筆

吉縣志

卷四

十三

大國民用印刷廠印

如神禮部尙書趙國臣暨中州高士悉師事之遺詩見藝文

元

馮愈父敬天病篤愈籲天割股調藥父病遂愈事聞於朝至正間旌表其門其所居故址至今稱爲孝子原祀鄉賢

明

馮受吉州人永樂間舉賢良方正授河南祀縣丞遷吉水幕鎮巡江右陳侍郎以才政聞於朝擢永寧縣知縣再任泰安醴華胥有政聲景泰初卒士民哀思立祠華山之麓陳維藩吉州人正德戊辰進士少卓越穎敏十餘歲通毛詩弱冠登第授刑部主事折獄明允晉郎中督糧薊鎮時武廟東巡錢賓竊威權索賄少不遂中以危法維藩獨侃侃

不少貶謫假他事迨繫謫貴州婺川知縣有水南集行於世

郝鏗成化間甘泉知縣愛民如子去任後人恆思之

劉澤字濟民成化間貢士知金縣下車即誓於衆以廉潔自期興學設教崇尚禮義務本息訟革奸均賦士民仰戴如父母子從學爲戶部郎中時贈官如其爵

丁汝謙字子益吉州人正德甲戌進士初官太常寺博士擢禮科給事中世廟入繼議曾與獻禮據經史力諍爲大禮費人所忌謫曲周縣縣丞遷永平府推官終四川安綿道所至皆有廉能聲祀鄉賢

明張柱嘉靖間貢士仕襄城縣丞有政績祀彼處名宦
劉如麓萬歷間貢士仕至孔鞏府通判有品行祀鄉賢

吉縣志

卷四

十四

大國民印刷廠印

賈四維萬歷庚子舉人授環縣知縣居官清謹博學能文雅意學校留心民瘼決訟如止水事無冤抑民皆仰之
白爾心貢士天啓間任府谷知縣狷介自守稱爲廉吏

岳衡薦舉人材授山東鹽課司副使有才幹聲

國朝

劉五龍順治間拔貢任山陽英山二縣俱有惠政行取兵部主事陞郎中出守安慶清潔自勵致仕歸泣送者塞於道推爲皖江循吏之冠歸棗蕭然送僑寓襄陵課弟五孚成進士

徐椿性至孝親卒廬於墓臺憲俱旌其門

曹執衡康熙間貢士涉臘藝文創修州志

張金鳳性孝友知州楊樞旌其門

陳鳳翀字翰五康熙間貢士性至孝事繼母無異所生鄉黨稱之

蘭錫第吉州蘭村里人號素亭先世明嘉靖間任九江教授曾祖及父皆入邑庠代有隱德弱冠舉乾隆庚午鄉榜由大挑銓補鳳臺縣教諭俸滿保陞直隸阜城縣知縣革去苛派盡心災賑總督方敏懋觀成薦以治河調任永清擒巨匪鄭六並究出積盜尹十王大禿子及夥盜張兌兒薛六等十餘人一時盜風頓息民賴以安力修水利事載永清縣志復調大興旋陞永定河同知歷任直隸正定湖南永州二府簡放江西贛南道服闕補直隸永定河道特旨陞署河東道總督時當黃流橫溢河防孔急晝夜籌畫得保安瀾御製詩章云永定分司久素知慎且勤河東

吉縣志

卷四

十五

大國民印刷廠印

擢開府川奠冀成勳初任原厯念所爲果出群益當志敏
黽副望俾予欣以紀其績前後恩賚優厚己酉調任南
河總督每遇京察均列一等嘉慶元年召入千叟宴
授受禮成蔭一子入監讀書生平在公自甘淡薄惟整飭
庶務愛惜民生爲念凡衙門舊有陋規食物官價悉革除
之民輒稱便居官風節可以想見兩任河督隨伺只一二
舊僕每遇要工不計利害不畏險阻以艱苦清節上結
主知間自嘆曰一生無所建樹惟勤慎二字受知於上
愧無報稱耳因治河勞勩卒奉

旨以居官廉潔命僚屬存恤其家嗚呼賢矣祖父贈官如其
爵著有治河摛抄吉州考永定河志各卷紳士俱呈請祀
鄉賢

葛正華吉州人號臨溪少秉穎慧先世得葛家溝土窖二孔讀書其中吟哦不輟年十六入泮冠軍乾隆己卯登賢書庚辰聯捷進士以庶吉士用鄉人謚稱之由編修改授御史監察湖廣道掌雲南道自居言官茹苦固窮時露風采乙酉順天鄉試充同考官得士汪日章等十三人皆名下士保舉簡放山東督糧道向因挖引河大爲民累力爭罷之搜剔漕務積弊以清白自矢著有惠政旋以饋運積勞卒於任祖父封贈如其官年未周甲時論深惜焉

葛正華字禮山一字雲夫號閻鴻臨溪翁之子幼從父讀十三歲入泮嘉慶丁卯科考取優貢庚午科本省鄉試中式第三名舉人會典館謄錄候選知縣庚辰科會試中式第九十六名進士殿試第二甲第一百名朝考入選第八名

吉縣志

卷四

十六

大國民印刷廠印

欽典翰林院庶吉士授廣東道監察御史初任雲南潞府知府愛士恤民即有政聲歷任湖南常德府地遭大水公捐廉築堤指令堤外盡栽楊柳設救生船數十號粥廠數處又興堤工代賑民賴安堵及奉命北上鼎城父老攀轅遠者焚香遙拜士子贈詩時有公門下士郭生子衡者繪朗江贈別圖王德寬爲作頌曰公之明皎如日月公之才堪任節鉞願祝公福而壽身在江海心存北闕署辰浣兵備道政績丕著楚人比之龔黃云

附寓賢

明徐賁字幼文其先蜀人由昆陵徙吳時稱十才子賁其一也工詩善畫山水避淮張徙居吳興蜀山洪武七年周薦家丙辰二月遣廉訪晉冀簡其藁惟紀行詩數首授給事

中後爲河南左布政使以缺兆泯軍犒勞迨繫卒詩名北郭集其晉冀紀行詩乃廉訪時所作也

按通志以此條列入州寓賢不知何所考據姑仍之
孝義

葛尊素生員以義勇聞於里中明末土寇蠶起公練結鄉勇守城捍禦殺陷甚衆城賴以完

馮進川世居同樂里下原村工武藝有萬夫不當之勇明末流寇入境至其村二人禦之賊無敵者村人賴以保全強偉儒乾隆年生員事母孝鄉里同聲母病久諸藥不效聞龍到頭水耳丸最靈妙遂親往路經鄉寧縣平原村有虎當道人驚避孝子叩首曰余爲母病求藥病宜痊可讓路如余命宜死即傷余虎遂避取藥還進之病果愈人呼爲

吉縣志

卷四

十七

大國民印刷廠印

慈相公

燕樂天乾隆時人居河沿村父早逝善事母及母病篤親調湯藥衣不解帶者數月後入泮至州送學偶染重疾歸至人祖山卒於深山中旁無奴僕忽一虎臥其側日夜不去行人見之送信至家往視之面如生殮尸而歸虎乃去人以爲孝所感云

白俊英字超凡乾隆間拔貢平陸縣教諭好讀書多義舉曾倡捐重修文昌廟自行管飯三十四人先買水園二畝爲廟中香火之資事載文昌廟碑記子三皆顯

梁鶚乾隆年人生平好義有族女四人俱失怙恃撫如己出及長各治裝嫁之

張雲城字怡山號臥之恩貢士事繼母陳氏至孝母怒輒跪

而謝之母出一女適劉氏家貧公體母志贍養一生壽七十二歲終之日謂子孫曰吾心無憾惟劉家貧吾歿後須時矧恤勿使吾愧見汝祖母面也

梁振川嘉慶年人七歲父適秦無定處後往陝西遍尋見父面父篤病求治罔效而終遂典身以葬歸養母母卒公復入陝負父骨浮河而渡合窆焉

劉毓英字子千號竹溪少失怙恃賴祖母撫養成立年十六例授國學事祖母盡情盡意以終其餘年及歿葬以禮歲嘗薦享時物每逢祖母壽日必衣冠拜享率子孫奠祭不忘年六十有四整冠端坐而逝

劉毓苑州廩生性剛直孝事寡母和顏悅色在里中嚴氣正情人多敬憚排難解紛善良賴以安全

吉縣志

卷四

十八

大國民印刷廠印

葛鐘蓮州諸生性友愛與兄分爨兄歿後諸侄不能自給復招同居撫養年七十餘無疾而卒

白葆光字寶岩歲貢士候選訓導少負雋才年十六以州府院試三軍童子軍時有小三元之目性尤篤於孝友母歿時遺弟僅數歲賴公友愛甚至悉以成立父歿後供主寢室洒掃必親飲食必祭每春秋祭日必親歷墓所居常有一味之佳薦寢後必招諸弟共嘗之嘗戒子弟曰人不可忘本事父母而不孝祭祖宗而不誠是忘本也忘本者不昌生平兼精岐黃術貧民有不能醫者公必診視調治以是扶危濟困隱德尤多知州周雲鳳聞其賢曾爲親訪其家享年六十有九遺命誠子弟以勿延僧道勿事奢華勿入公門勿交官長以勤儉爲本孝弟爲先樹德爲基樂善

爲寶德行品望卓然推重一時焉

陳隆華性好善恤貧而尤敬惜字紙嘗置一小鐵叉每晨腰帶布囊即在各處檢拾字紙遇穢汚輒用鐵叉剔起用水洗淨始焚灰埋於山頂一日於街頭拾字紙歸檢出錢票數張語家人曰此票倘貧人失落有緊要事必致尋死因晨起訪其人與之亦不受謝由是鄉里益重其行

楊潔州歲貢士少家貧性嗜詩書有品概以教學終其身受業入泮者數十人年七十餘而卒

文乙甲號森翁歲貢生誨人不倦出其門者數百人鄉街有爭訟者延先生至即解釋無事

白倣侃嘉慶間監生曾買義田以葬無主骨骸知州馬振玉爲立義塚碑

吉縣志

卷四

十九

大國民印刷廠印

蘭蔭李字樾生癸酉科拔貢端方聞於里中性嗜書不入市井以教學終於鄉塾

段逢辛州諸生品詣端方學正崔樹棣舉鄉飲

楊甲第字東亭邑增生少貧性嗜書手不釋卷教讀南鄉成名者數十計風氣爲之一新工卜筮遠近就決焉弟早逝遺侄二未離襁抱撫養如己出俱以成立年七十二而卒一時成人望焉

郭集鸞咸豐年恩貢生素有孝行父生時好食魚每祭必先到河取魚以獻

白增廉凶年賑濟鄉人贈匾寬則得衆

賈中立生平好善凶年散粟歲臘散麥鄉人贈匾云德行可風行孚閭里

白嶼字書菴咸豐間諸生性孝友父汝騏州諸生任俠不羈祖葆光歲貢生晚得二子年甫數歲而翁已六十餘矣恐不能成立深以爲憂及歿謂嶼曰吾生平所爲諸事自問皆可無憾所不能甘心者此二子耳汝能撫養成立俾得無爲凍餒吾死瞑目矣嶼泣而受之及歿喪葬俱如禮後遂奉事祖母旁及父昆延師課讀恩養備至二叔相繼成立實嶼之力每於家庭瑣事尤曲意承懼不使少有抑損以是賢孝之名流傳遠邇平生尤疎財仗義族黨中貧不能喪葬嫁娶皆躬爲維持卒三十五歲聞者莫不惜之史載政貢生德行素著居谷口河凡鄰村有相爭者一至其處皆能兩和爲無事人稱爲善人

新增孝義

吉縣志

卷四

二十

大國民印刷廠印

義士梁冲霄州南鄉塌村增生性好施濟不勝枚舉光緒三年屍骸徧野冲霄率子侄掩埋數月約百餘具闔州士民稱頌子太學生步瀛歲貢生登瀛皆好施濟酷肖其父歿已二十餘年兄弟友愛庭無間言孫四人俱列膠庠循循有規矩

陳琤州廩生麥城村人事親至孝同治六年捻匪竄境母恐爲賊所得欲垂崖而死琤時方十三歲號泣抱母得不死幸母子皆免於難父歿喪葬盡禮母病危醫藥罔效琤禱於神願減己算以增母壽病尋愈及母以壽終琤守墓逾年隣里以孝稱

楊熙州南鄉南光村增生孩提時母患癱瘓父因調治數年置爲廢人熙時方六歲常竊取家中食物以供母八歲入

塾私請諸師每日就館受業而潛於母室讀之以便奉事其母其師感其孝從之稍長禱祝調治夜以繼日母病一日頓愈復與父和好如初鄉鄰咸以孝子稱

王廷柱王廷瑞州南杏渠村附生廷瑞數歲失怙恃廷柱僅十餘歲撫養弱弟備竭勤勞及長課弟讀書俱得名弟已肖兄事兄如父子侄數人滿門和睦至今六十餘年兄與弟皆年邁七旬並未分居隣里感之爲贈棠棣聯芳匾額

武生張東榮州西鄉霖雨村人有子四人性皆孝友長吏元名英琪次武舉名鴻琪三武生名亮琪四增生名瑞琪父歿時英琪方十餘歲鴻琪等僅數歲英琪勤儉持家培養三弟友恭敬讓以事其母怡怡如也至今三十餘年矢志

吉縣志

卷四

二十一

大國民印刷廠印

永不分居久而彌篤

同治六年殉難

張毓芝諸生團練頭六年賊匪渡河隨知州余灃在河防守冰橋被賊殺害

葛均州諸生六年携家人避賊人於深澗原被賊虜去遂乘間赴井後遍訪無知者至次年夏村人淘井見浮屍撈出衣冠尙整家人始認識歸葬

史國相咸豐間恩貢生六年賊過境被殺 恩賜世襲雲騎尉

劉步魁諸生六年賊過境墜崖身死 恩賜世襲雲騎尉

劉毓傑廩貢六年賊過境墜崖死 恩賜世襲雲騎尉

王福曾本州人太原營把總六年以奉公至家適賊至遂力

戰而死子世襲雲騎尉

柴湘儒士六年捻匪犯境負其老父携其妻子避居山寨數日賊並未有消息乃下寨赴家適與賊遇掠其妻曹氏義不受辱墜崖身死又拷撻其父索取財物湘見父苦楚難堪詒言抵家傾與賊放其父執湘去取家徒四壁賊怒遂斷其首解其尸又殺其稚子一家三口同日俱盡

白樂子六年傭工汝駮家時汝駮新歿賊匪竄境遂携領家口逃避史家原携持保衛左右不離賊搜見遂與賊格罵被賊撲殺之

方技

陳熙昌業歧黃術少遊京師得名人衣鉢歸梓後以專門聞於鄉里投人藥餌無不效驗病愈謝禮概却不受州人以

吉縣志

卷四

二十二

大國民印刷廠印

是重之

白巖道光間恩貢士工書法終年閉戶讀書足跡未嘗履城市

劉時庸拔貢生書法真隸草篆無不工絕所遺片紙隻字人皆珍藏如寶

仙釋

深山大澤之中原爲異士潛藏之所而舊所載寥寥豈真地無其人耶無以謂道非其道故皆略而弗載耶夫岩棲谷隱本不冀人世之聽聞然發至德於生前或致埋幽光於歿後即質之往代贊修未始非志乘殘缺之憾况清泉白石覽勝者每動幽情子晉喬松稽古者尤增遐慕遺韻之流傳烏可視爲無足輕重之數哉故擇其道行高邁者

聊爲補入

超然廣化真人姓王名志度吉州曹村人主持平陽路河中府寥陽宮道通方外名著河東廣演修持深明義分利生接物去假歸真於世大有陰德郡人思慕不已及門下綱首道衆建祠塑真嚴奉香火至元中特旨賜號超然廣化真人所著有道家書行於世事蹟行狀俱載入大藏釋仙傳

牛和尚明時人主持高天山北極廟道行高邁山中狼虎俱爲避伏嘗飼一白馬凡有所需即使馬入古城鎮販負而回人皆稱爲神僧後坐化於廟至今遺有塑像

郝道士乾隆間人住麥城村真武廟苦節清修於村外大溝壁中鑿一古洞爲棲息藏修之所居常所需非自操作者

吉縣志

卷四

二十三

大國民印刷廠印

未嘗飲食村居之人終年罕見其面後聞汲水竟從絕壁緣登而上人亦莫知所由晚來尸解洞中遺蛻如生土人爲塑像遺骸上至今香火不絕

源海和尚俗姓郭絳州人乾隆間主持東關慈教寺供奉香火持戒甚嚴嘗獨力於山東募化五百金創建魁星樓年九十一歲無疾袒化

悟怪禪師俗姓張本靖州人主持王家原瑠瑯寺居寺二十餘年拜經禮佛恪守清規寺中功果浩大梵宇幽新皆師之力也晚年頗知未來事一日謂弟子維惠曰吾於某日當死汝廿年後可於京中寺相見至期沐浴更衣手捻念珠端坐蒲團而逝數日後猶跌坐如生村人即附近諸僧共至羅拜畢始爲扶殮土人即照袒化時遺像塑繪於

廟

維惠禪師俗姓孫數歲讀書即志慕出家年十七娶妻已有日矣遂潛入王家原瑠獅寺剃度爲僧打座參禪恪遵師戒師圓寂後五十餘年未嘗稍改清規寺內禪房幽邃花鳥和鳴到此者無不動萬緣皆空一塵不染之想晚年深明三昧道登涅槃化時豫先招致社長衆僧設醮誦經至期沐浴更衣端坐而逝眼中放有金光村人無不見七十餘歲

吉縣志

卷四

二十四

大國民印刷廠印



吉縣全志



吉州全志卷五

知州吳葵之奉 文重修



選舉

前代取士之途不一然年遠無考姑取舊志所載者列於首次列自明迄今之甲乙科及明經重科目也及成均諸生以及武科胥吏見生才不一而取用之途廣也記選舉

唐

崔元亮進士仕至虢州刺史

金

馮延登進士仕至吏部侍郎

楊貞進士仕至吉陽經畧使

明

吉縣志

卷五

大國民印刷廠印

馮受賢良方正仕至知縣

岳衡薦舉人材仕至鹽課副使

國朝

乾隆劉玉瑄優廩生孝廉方正

進士

陳浩宣德庚戌科仕至四川參政

張惠正統壬戌科仕至正定府知府

陳維藩正德戊辰科仕至戶部郎中

丁汝謙隆慶甲戌科仕至四川安綿副使道

國朝

劉五孚康熙甲戌科

新增

葛正華乾隆庚辰科翰林院編修仕至山東督糧道
葛天柱嘉慶庚辰科翰林院編修仕至辰沅兵備道
舉人

明

劉詳永樂元年癸未科仕至漳縣訓導
張彥良永樂三年乙酉科仕至宣德衛經歷
楊昭永樂三年乙酉科仕至南京右都督府經歷
馮甯永樂六年戊子科仕至甘肅山丹衛經歷
杜經永樂九年辛卯科仕至林衡署錄事
張謙永樂十五年丁酉科仕至山東都司經歷
郭琮永樂丁酉科未仕
李演永樂十八年庚子科仕至永甯知縣

吉縣志

卷五

二

大國民印刷廠印

張宏永樂二十一年癸卯科易經魁未仕
陳浩宣德四年己酉科見進士
張惠正統六年辛酉科見進士
白述成化四年戊子科仕至宜川縣教諭
張紀成化七年辛卯科仕至滄州知州
馮綸成化十六年庚子科禮記魁未仕
陳維藩宏治十四年辛酉見進士
劉從學正德二年丁卯科仕至陝西按察司副使
丁汝謙嘉靖四十年辛酉科見進士
賈四維萬曆二十八年庚子科仕至陝西環縣知縣
劉三英萬曆四十三年乙卯科未仕

國朝

劉五孚康熙二十年辛酉科見進士

補遺

張遜宏治甲子科仕至陝西鎮原縣知縣

張忠言嘉靖科目失考仕至河南湯陰知縣舊志誤入貢

生

張仲友嘉靖科目失考仕至烏撒府同知舊志誤入貢生

葛正華乾隆己卯科見進士

蘭第錫乾隆庚午科仕至河南山東河道總督

葛天柱嘉慶庚午科見進士

貢生

明

洪張 璵隴西縣主簿

吉縣志

卷五

三

大國民印刷廠印

郝 玘蕭縣知縣

陳 忠象州判官

曹 賓黃巖知縣

白 玉唐縣知縣

永樂張 觀內邱知縣

張 棻城知縣

張 侃秦縣知縣

韓夢蟠沔陽州判官

白 復青縣主簿

陳 敬孟縣主簿

葛曇丹徒知縣

陳彥芳

劉 義秘陽知縣

劉 遜

鄧 禮汝甯府照磨

劉 芳廣縣丞

薛 敏東昌府檢校

張文勉

宣德 李謙

毛 益

鄧 睿蒙城縣主簿

白 麟南京兵馬司

苑 茂朝邑知縣

馮 錦興濟知縣

吉縣志

卷五

四

大國民印刷廠印

賀 慶錦州吏目

正統 薛瑞遷安縣主簿

郭 寅

賀 昇

張 著白水縣丞

王 縉玉田知縣

張 麟

白 鳳

劉 清

郝 郁

張 能彰德府檢校

張 隆東昌府檢校

燕維珍汝上縣丞

杜菊長子縣教諭

景泰馮昇

楊聰

馮進河南唐府典寶

賀芳鳳翔府檢校

王亮

史英

燕昭

順天郭恕

李鈞甯遠縣丞

尚質

吉縣志

卷五

五

大國民印刷廠印

王英武城縣主簿

張鑑

孫鏞

郭銘

王璉

張甯延安府經歷

化成張珏寶安州判官

趙鑑彰德府照磨

劉澤金縣知縣

陳觀

劉炳湖廣襄府奉祀

王輔桃園縣主簿

楊顯

郭縉獻縣縣丞

王顯宗

張懋

張泰東昌府知事

李瓚延安府經歷

侯瑞

劉達武安縣主簿

陳觀嘉興縣經歷

杜蒼開封府經歷

治宏

馮經順義知縣

陳廷顯刑部主事

吉縣志

卷五

六

大國民印刷廠印

楊文

劉鰲涇府教授

席正順天府經歷

馮顯吉安府檢校

賀恕

徐越濟陽縣丞

張翥

劉漢尹府工正

陳廷名

蘭蕙洵陽縣教諭

劉思聰濟陽縣丞

劉銳

張盤
宋賢
劉瑀 夔州府知事
郭璿
張瑀
楊璉
毛茹
郝德
郭孜
張良弼
劉藩
張文

吉縣志

卷五

七

大國民印刷廠印

陳遂
王輅
李齡 臨縣丞
楊秦 金州同知
姚鼎 滿城縣丞
王述 樂亭知縣
劉鐵
劉鎮
張淳
薛世傑 興平縣丞
張鸞
張棟 鴻臚寺序班

張 柱襄城縣丞
劉守忠
劉守德東明縣丞
王雲鴻中部知縣
張克仁靈寶訓導
史從直密縣主簿
郭仲仁寶山縣丞
蘭守信
楊思恭
張嘉謨
鄧好學
張源潔

吉縣志

卷五

八

大國民印刷廠印

郭政

賀大亨江陰縣丞

杜 瞻靜寧州訓導

馮自修無錫縣主簿

張忠言湯陰縣丞

賀光亨灤州吏目

馮永嘉

張良永

劉從學

劉孔殷日照縣主簿

張論古蓋屋縣訓導

劉宗德晉府典義

張希正寶鷄縣丞
劉如陵阜城知縣
陳良範澧州同知
劉允升秦府工正
張承仁竹山縣丞
劉學經府谷縣知縣
毛鸞羽藩府奉祀正
張仲友軍民府同知
劉如阜高陵縣教諭
王守彥濟縣主簿
高一鳳日照縣主簿
曹希賢鞏昌府經歷

吉縣志

卷五

九

大國民印刷廠印

楊友松中知縣
岳九思扶風縣丞
梁世資河曲縣教諭
杜桂芳沂州同知
劉守遜
劉希禹
白 琰
劉如箴鞏昌府同判
蘭一豸孟縣訓導
白乃心
張嘉孚徐溝縣教諭
趙天叙

曹汝光汝州學正

曹朴考授知縣未仕

王可諫

白爾心府谷知縣

劉體宸梓潼知縣

毛文旌孝義縣教諭

張國美石泉縣丞

劉體履平遙縣教諭

劉體頤山陽縣主簿

王大任文水縣訓導

劉體元永州府照磨

馮裔蕃甘泉知縣

吉縣志

卷五

十

大國民印刷廠印

天啟劉三才嵐縣教諭

曹應聘

曹桂

劉襄渾陽縣丞

解悟真平定州學正

曹應薦天成衛教授

虞紹唐徽州知州

張連科武功縣丞

張殿陞運司教授

白賁如平利知縣

劉三光太原教授

劉三傑太原府訓導

劉德溥山海關通判
曹養素昌邑知縣
鄧維屏掖縣知縣
鄧維翰永甯州學正
鄧林桂
劉三峽
張國士
白瑜宜彰縣訓導
郭衛衆義烏縣訓導
劉宏諤灤州知州
虞重華遷安知縣
張我緒柴溝同知

吉縣志

卷五

十一

大國民印刷廠印

鄧林正荏平知縣
梁盤石固城知縣
杜長春永城知縣
劉三晉滑縣知縣

國朝

治順

張書爵蒼溪知縣
葛永培青縣知縣
馮再京大名府通判
曹宏鼎吉安府經歷
白養冲西川縣訓導
陳瑚均州知州
張心鏡河南府知府

葛隆鼎徐溝縣訓導

鄧林梓

蘭可珍長山知縣

劉愈馨考授知縣未仕

張必解考授通判未仕

劉鼎隆忻州學正

劉之三鞏縣丞

劉五龍副榜安慶知府

高凌霄

楊起龍

王之瑾

王三奇

吉縣志

卷五

十一

大國民印刷廠印

史翼唐臨縣訓導

張文經黎城縣訓導

張家修

葛道醇番禺丞

賈之隆石樓縣訓導

康熙任道統孟縣訓導

王者起榆次縣教諭

張永祥

陳茂才徐溝縣訓導

賈 玘廣靈縣訓導

張鑑衡

曹涵初

曹執衡

張爾翼

毛自成

葛秀發

劉三元

賈琬

葛含醇

丁運正拔貢

劉奇穎

劉玉書山陰縣訓導

劉玉璿

馮曦偏關縣教諭

吉縣志

卷五

十三

大國民印刷廠印

陳鳳翀

葛性醇沁源縣訓導

陳廷福

曹紹參

馮曙聞喜縣訓導

劉振宗

劉玉新馬邑縣訓導

葛文煊

劉綉宗遼州訓導

劉玉裁

葛玉柱

葛文炳恩貢

陳企旦
賈鏞
葛文燿
丁夢弼
陳景旦恩貢
劉玉璋
劉玉瓚
陳繼旦
劉鼎
鄧秘閣
馬衷援
陳大醇

吉縣志

卷五

十四

大國民印刷廠印

王佐拔貢
王璉恩貢
張問政
馮清圖
劉綸
正雍鄧挺知
馮壽圖
劉應運
劉廷鐸拔貢
葛祥麟
張燿
葛徵麟

張爾鵬

白俊英拔貢平陸縣教諭

張爾翽

補遺

明

宣德 陳洪

陳鑑

正德 陳教恩貢

陳表府吏司

陳松

陳琅

白崱山東濰縣知縣

吉縣志

卷五

十五

大國民印刷廠印

國朝

康熙 馮曦

張淑繹

張文衡

虞清吏司主事

虞泰於潛縣知縣

虞廷麟陝西徽州知州

陳廷誦

陳璣衡

陳大儒

馮述京候選州同

馮復京候選州判

馮若京候選訓導

葛最醇恩貢

馮 嘯

張 鑑副榜仕南直臨淮縣知縣

糾誤

明

嘉靖

張忠言舉人誤入貢生今正之
張仲友舉人誤入貢生今正之

馮 受舉賢良方正仕至永興知縣歷任秦安醴泉華陰

胥有政聲今華山麓有華陰士民去思碑

白乃心鳳陽府壽州判官舊志失載

白養梓授河南西川縣訓導

吉縣志

卷五

十六

大國民印刷廠印

葛道醇拔貢廣東城縣知縣

新增

馮鴻圖

張允中

張居易

白元章

馮士翼恩貢

鄧 嶠

虞肇夏

李鳳飛

郭 隨

劉時庸拔貢

劉潤

孫乃馨

張也中任交城縣訓導

馮思訓

薛巍科授交城縣訓導未至任而終

葛清儒

劉潔俟考

劉燦

劉僑

劉仰

劉侗

劉佐汾陽縣訓導

吉縣志

卷五

十七

大國民印刷廠印

梁鵠

陳舜裔

陳萬斗

楊佩桂

王本蕃

白石望候選訓導

白石鏡崱縣訓導鄉飲大賓

白巖恩貢

楊潔

馮純儒

馮經儒

曹立基

郭更新

郭向春

白步月

孫秉彝

曹毓琬

曹 河文水縣訓導

劉墀保

馮廷輔

馮 湜國子監肄業議叙訓導署霍州左雲縣永和縣訓

導歷署保德學正

劉玉階

蘭陰李拔貢

吉縣志

卷五

十八

大國民印刷廠印

劉乙臨

李瑞理

王炳文拔貢

虞 瑄

白凝祥

白凝祉

白凝瑞

馮廷佐

劉祥雲

竇育唐

陳克新興縣訓導

白葆光吏部驗准訓導

毛大成

文乙甲

李開泰

馮淑

葛穩枝

毛鶴翎

史景泰

葛理東

王東巡

史國相恩貢

史載政

馮士燮己酉選拔

吉縣志

卷五

十九

大國民印刷廠印

葛堃辛酉選拔

葛汝熊

陳澤癸酉選拔

葛新恩貢

馮琳

孫維祺恩貢

張增新

陳懷信

張雲城

劉毓柱

劉毓楓

劉毓璠

張書銘

楊森杰

賈連城

葛琪樹候銓訓導

曹錫麟

馮士彥

劉庭輝候銓訓導

段聯緯

段聯瑛

陳瑜

賈聯瀛

梁英桂

吉縣志

卷五

二十

大國民印刷廠印

劉戊庚

例貢例監

明

永樂 蘭源南城兵馬司

成化 張遜鎮源知縣

嘉靖 張好古金鄉縣主簿

曹時憲成安縣主簿

范廷禮襄城縣丞

萬曆 丁堯時鳳縣主簿

崇禎 劉清隆

國朝

順治 劉之鵬

康熙再賡

馮 曉附監

劉元璽附監

劉元琦例監瑞州府知府

劉廷錫例監思恩府知府

賈蘭芳廩貢

鄧 嶠附貢

張 玠附貢

劉振先例監

劉廷銓例監

雍正

劉 伊例監

張 勇例監

吉縣志

卷五

二十一

大國民印刷廠印

陳堯績例監

劉松年例監

曹成琰例監

馮文聰例監

劉書閣例監

李 森例監

張也賢例監

楊 嶠例監

楊 密例監

陳秉公例監

張効良例監

溫克容例監

劉桃年例監
陳瑞年例監
劉七辟例監

糾誤

國朝

馮 晚候選縣丞舊志失載

張 遜宏治甲子科舉人舊志誤入例貢今改正

新增

劉丕道廩

劉克遜廩

陳又新廩

葛中柱附

吉縣志

卷五

二十二

大國民印刷廠印

白玉彩附

葛砥桂

葛汝麟廩候補知縣同知銜署彭州知州

蘭德滋蔭生六品主事

蘭蔭桐河南通判

蘭蔭槐州判

蘭兆閔監鹽大使特授知縣

蘭兆麟監吏目

蘭福基監鹽運司經歷指分兩淮候補未仕而終

劉毓靈廩國子監典籍

劉毓傑廩

陳 紀廩

葛鳳竹監授直隸武強縣知縣

陳緒廩

馮錫福廩

薛溥榮監議叙縣丞

蘭龍圖監議叙府經歷

蘭世勳例授知縣

劉克成監

劉克裕監

劉毓英監

楊煥堂廩

楊鳳林廩

武職武秩附

吉縣志

卷五

二十三

大國民印刷廠印

明

雷化龍戊午科武舉戊辰科武進士任獲鹿守備

補遺

元

馮原懷遠大將軍嵩州軍資庫使

馮吉安遠大將軍睢州軍事判官

馮亨忠顯校尉遙授靈寶縣尉

明

馮三益守備

國朝

梁鳳呈由軍功保舉任福州府羅源營守備五十九年陞

福建桐營游擊雍正元年陞福建總督標左營參將二

年奉

旨特陞福建將軍標中營副將三年十月陞汀州總鎮六年八月終臨陣得功最多奇謀致勝故遷秩甚捷云

新增

嘉慶梁廷銘由軍功保舉原任河南開封府豫河營蘭陽汛千

總特陞山東曹州府黃河營守備道光十一年二月歿

柴述先直隸州稷山縣千總外委

劉可觀稷山縣把總

劉達河南守備

葛向榮千總

張步魁千總

劉毓魁由武庠授例千總又授例都司未仕任俠好義救

吉縣志

卷五

二十四

大國民印刷廠印

人之困扶人之急凡有告借無不慷慨以應

呂兆元咸豐戊午科武舉

吏胥

明

景泰申客益昌鎮巡檢

劉釗

天順劉通遂昌縣典史

馮喜慶陽府倉大使

郭鎬

成化郭容

劉永武功衛經歷

郭紹

張鼎廬州府照磨
孫玉

正德劉述業河間府經歷

劉環

張承恩涿鹿經歷

劉從正

徐友相

嘉靖白顯

陳維坦甯州吏目

蘭金契涿州吏目

劉如淵巡檢

萬曆張嘉祥

吉縣志

卷五

二十五

大國民印刷廠印

崇禎丁明時

亢炳邯鄲縣典史

國朝

張宸衡考定雜職

蘭通芳考定雜職

劉榛考授正八品

張敬衡考授正八品

李如遙考定雜職

張丹桂考定雜職

劉漢璽考定雜職

白如璞考定雜職

楊繼正考定雜職

王朝貴考定雜職

劉玉珩考定雜職

葛世正考定雜職

竇景春考定雜職

張鵬飛考定雜職

劉景考定雜職

張憲考定雜職

新增

光道劉世俊賦性寬厚仗義疎財人有困急輒傾囊相助作吏

最久凡有益地方之事無不盡力周旋 州憲呂公瑞

玉贈匾額云鄉里稱善又鄉里同贈匾云梓鄉善士

封贈

吉縣志

卷五

二十六

大國民印刷廠印

人苟通籍縉紳而得以已階封贈所生雖國家教孝之典而於心獨無悛乎記封贈

明

陳維言浩父封兵科給事中

陳廷顯維藩父邠州同知贈刑部主事

劉澤從學父金縣知縣贈戶部郎中

楊洪秦父贈徵仕郎

丁良佐汝謙父封太常博士

國朝

劉四勿五龍父廩生封文林郎英山知縣贈承德郎兵部

主事

陳一道瑚父贈奉直大夫均州知州

新增

蘭雲棟第錫曾祖馳贈資政大夫署理河南山東河道總督

蘭敦厚第錫祖馳贈資政大夫署理河南山東河道總督

蘭時隆第錫父馳贈資政大夫署理河南山東河道總督

葛琬正華祖馳贈中憲大夫山東督糧道

葛冲齡正華父馳贈中憲大夫山東督道

柴成義述先父贈奮武校尉

馮名卿庠生以子湜職贈修職佐郎

劉儒生員以甥葛正華貴贈文林郎

馮廷佐貢生丕顯父贈奉直大夫

馮廷佑鄉飲耆賓丕顯叔贈奉直大夫

吉縣志

卷五

二十七

大國民印刷廠印

呂應陽武生兆元父贈武德騎尉

頂帶老農

力田孝弟古人由此入仕迨遂未者多而遂以草野目之我

國家治理邳隆超越前古復

命郡邑歲舉敦行老農優以八品頂戴以昭務崇實之意猗

歟盛哉記老農

鄧再禹雍正二年舉

張文衡四年舉

曹溶初三年舉

張雙桂五年舉

郭仁賢六年舉

王新民九年舉

張永通十二年舉

列女

人臣事君致身女子從夫立節其誠慷慨赴死從容就義殊途而一致也况乎正孝性成仁道合理而出之於閭壺不更可尚乎記列女

金

馮妙貞進士張慥妻刑部尚書馮橫溪延登長女年十八歸慥慥已爲洛川簿元兵破葭州遂入郿延人震恐具守備慥已更秩雲陽簿未及行守臣檄慥往平涼督行軍芻粟時橫溪以行省員外郎駐平涼慥欲偕妙貞以往妙貞辭曰舅姑老矣雖有叔姒妾行能獨安乎歸寧不爲越禮而爲難不義男子立名女子從人父母不得而主也君行妾留奉養明年洛川陷妙貞扶舅姑匿曹氏窟室兵索得之貞泣與舅姑訣曰婦生不辰不得奉箕帚義不從辱遂

吉縣志

卷五

二十八

大國民印刷廠印

元

負携三子赴井死縣從而死者百人明年春慥發井得屍殯於縣之東郭外死時年二十四歲

楊氏劉子文妻子文疾卒時年二十有二子原甫五歲守節撫孤至正二十年旌表

明

張氏郝銘妻夫亡方二十歲毀容斷髮守節五十餘年而終正統十二年建坊旌表

張氏生員賀新元妻女賀氏字宏績年十八被流寇困於明峪寨女知不守遂與母永訣投崖死母亦觸石而殞寨破寇斷其屍有司以母女節烈聞臺憲俱旌表其門

毛氏貢生杜瞻妻早孀守節壽八十餘當事旌表

馮氏生員劉有丁妻年二十二夫故苦守冰霜教子成立
壽七十八當事旌表

杜門雙節史氏生員杜天培妻夫亡年二十五子蕁二歲
矢志守節撫蕁成立入泮娶媳劉氏蕁又早逝劉與姑
同志苦節而歿有司請於

臺憲旌其門云姑婦雙節

朝

葛氏明末儒士曹宏濟妻年二十二夫故家貧無子撫二
女堅守苦節壽八十三知州甘士瑛請旌雍正十一年八
月二十八日

題本月三十日奉

吉縣志

卷五

二十九

大國民印刷廠印

命建坊入節孝祠春秋享祀

劉氏生員白魁壁妻年二十八夫故上事孀姑蘭氏下撫
幼子若璽孝慈兼至松柏完操年六十六而終

張氏庠生陳鳳起妻年二十九夫姑已垂白氏守節事姑

撫姪鑄爲嗣成立入泮

白氏劉克勤妻早寡守節三十餘年

雷氏楊培桂妻守節撫孤三十餘年

雍正四年請

旨旌表

丁氏生員劉佐妻訓導劉玉書家奴劉寄盜竊懲以法奴
啣謀戕其主值佐外出持劍刺玉書氏見之奮身不顧
手奪其劍受重傷幾斃翁賴以免里黨以孝聞

邱太恭人

前翰林院庶吉士葛正華之妻翰林院編修葛天柱之母二十二歲孀居守節壽七十終道光元年奉旨旌表賜清標彤管牌坊

劉氏

儒士張俊翰之妻夫亡時年二十九遺子甫六歲持溫存備至與姑同居十年老哭子雙目失明以氏賢依氏而居氏左右維持溫存備至與姑同居十年餘載賢孝之名鄉里略無間言享年六十二歲同治年奉文

旌表子宗瑞為州諸生事其母亦以孝聞

葛氏

陳政妻夫亡時年二十三生子名鄉僅數歲苦節守志撫孤成立壽至八旬而終

王氏

監生張琅之妻夫亡時年二十七生子問政甫七歲賴○撫養課以成名享壽七旬終

陳氏

吉縣志

卷五

三十

大國民印刷廠印

憲准給貞孝可風四字匾

陳氏

關蔭桐之妻年十六適是歲夫即歿矢志不嫁守節三十餘年從無非議五十餘歿

張氏

馮士杰之妻年二十四而寡所生一子授從九品曾孫撫養後子以俊秀入國學生孫晴川一恩授從九品曾孫撫之遂成蔭厚之家皆氏之力也卒年近七旬

竇氏

劉道亨之妻夫亡時二十七歲而守節四十餘年並無非議七十一歲而歿

曹氏

王探柱之妻年幼寡居堅志守貞上事翁姑下撫三子孝慈兼盡里黨咸無間言

雷氏

王希曾妻早年終夫守貞三十餘年終夫

王氏

劉煜之家貧何不擇三年夫煜餓死氏以產業易棺而葬人勸之曰

竇氏

夫死家貧何不擇三年夫煜餓死氏以產業易棺而葬人勸之曰
儒士白崑妻夫亡時年二十五遺子甫數月其翁增生白汝驛五十餘矣
只一子家貧不能自及子破益慘痛無聊氏遂矢志守節撫孤爲事親戚
中多勸其嫁者曰吾以親老幼不惟夫不可背縱改志他適奈此老年將
輒涕泣拒之曰線微豚作生以期稍得微利供養父母而大孽劫難逃竟於
何所招恐伊弟賣食作生以期稍得微利供養父母而大孽劫難逃竟於
先猶招恐伊弟賣食作生以期稍得微利供養父母而大孽劫難逃竟於
三月間氏及翁姑幼子
相繼而歿人皆痛之

白氏

雷兆祥之妻夫亡時二十九歲遺一子甫八歲翁始早逝又無兄弟氏撫
養孤子爲雷氏延一線之脈後子入州庠氏今現年五十九而節操愈堅

王氏

白玉樹之妻年二十八歲夫故自立
家計撫育二子成立壽七十而終

劉氏

吉縣志

卷五

三十一

大國民印刷廠印

增生陳國棟之妻年二十九歲夫
故守節撫孤現今已六十三歲矣

崔氏

賈武子妻夫亡時二十八歲孀居守立節
二十餘年上事翁姑下撫幼子已成節

陳氏

葛鳳筠之妻二十四歲適葛是
年夫故守節二十四歲卒

陶氏

馮紀之妻夫亡時二十七歲一子省身
方數月矢志不嫁撫孤守節壽七旬終

王氏

梁錫年妻乾隆三十五年夫卒贈冰操柏節匾額
十五卒儒學正劉公讚元贈冰操柏節匾額

陳氏

張也富之妻年二十歲孀居撫姪廷殿爲
嗣矢冰茹苦以禮自持年六十餘歲終

張氏

張文翰之妻事翁病八載終無倦色

張氏

諸生白龍圖之妻年二十六歲夫故上事翁姑下撫孤子汝礪郡廩生現已五十四歲

劉氏

梁現龍之妻乾隆末年二十三歲夫故道光二十三年壽八十二歲卒長孫入泮張學憲贈節壽得榮匾

楊氏

強正立之妻夫亡時年十八遺腹方三月氏志守節成涕泣暗祝曰孕若生男則強氏有後矣後果生男遂墜柏舟之操撫育成泣鄉里重之

白氏

史清廉妻夫故翁病二年昏定晨省極其盡孝

李氏

史麟瑞妻年二十四歲俱一家皆以死留我何用甯死不能出門戶有人送以飯食氏曰一家皆死我何用甯死不能食

馮氏

吉縣志

卷五

三十二

大國民印刷廠印

葛世俊之妻年二十二歲事翁姑最孝于歸後家人即以中饋託之年大稜翁姑之養不給氏先賣其衣服首飾以為供養之資與其夫甘饘菜無可奈何氏嘆曰不能備荒年以致缺養以為人子媳乎遂自縊

陳氏

增生馮起鰥妻年二十五歲夫故子輔世尚幼教養廉盡慎事翁姑不妄言笑今子已成禮節愈至

馮氏

蘭建德之母二十六歲而孀六歲餘歲終門有松柏完操四字匾額

賈氏

王門夫名失考二十三年而孀門懸君子匾額

劉氏

廩生李汝梅妻二十九歲夫故遺方姑三月氏矢志守節後生子名瑞廷入州庠卒年五十一歲又善事翁姑以孝聞於鄉里無間言

任氏

蘭英哲妻年二十三夫故無子而繼姪以延宗祀教養如己出壽七十而終

陳氏

蘭繩祖之妻年十五夫故壽六十一歲

王氏

武生劉毓英之妻性賢淑年二十三歲夫故無子撫姪龍躍為子年六十七歲終

馮氏

蘭繼祖之妻年二十八歲夫故壽六十五歲而終奉

旨建坊立節孝

劉氏

廩生陳傑妻育一女年四歲夫同治六年賊去後遍訪之無知者既而悟以我母女為累賊至場是日我死所也賊去後遍訪之無知者既而悟以言尋之於母女俱死

張氏

州庠生張鴻綸妻二十七歲夫故堅貞矢志守節撫孤教養三子今俱成立長子文繼為名諸生氏年已七旬尙康健弗衰

吉縣志

卷五

三十三

大國民印刷廠印

王氏

馮丕明妻事見孝婦傳

強氏

馮丕緒妻性賢淑事翁姑終如一日殘疾不能行動八年之久常在牀褥氏察視形聲頃刻弗怠始終如一與嫂王氏同以孝著人無間言

段氏

蘭寶祖妻二十五歲寡居同治間

旨旌表奉

李氏

馮悅之妻二十三年尙存夫故苦節五十餘年今尙存

劉氏

張中天之妻十九歲而終居冰霜四年奉堅心亨壽七十三歲而終居冰霜四年奉

旨旌表

同治六年殉難烈婦

白氏

曹三慶之妻六年逆匪竄境時與村中婦女同避在廟上兒勸以不殺以逃生弔義不受辱遂乘間赴崖值崖有數層氏身未死賊在廟上勸以不殺以逃生弔之氏遂復赴重而死

曹氏

從九曹樹芝之女甫適柴氏賊匪竄境女被獲賊欲辱之

鄧氏

從九劉龍躍之妻賊入境時墜崖而死

陳氏

增生陳依濱妻六年賊至常懸樹而死

葛氏

張毓堂之妻捨匪竊渡冰橋家人皆避居石寨賊至寨下氏恐受辱墜崖而死

陳氏

葛建寅之妻六年賊至宗祀汝等不能全逃勿以吾累兒二子各涕泣二十餘年惟冀汝等成人以存宗祀汝等可遠逃勿以吾累兒二子各涕泣二十餘背負而逃賊已奄至遂墜崖而死

李氏

白兆清之妻六年與姑志難屈罵賊墜崖而死

白氏

徐福海之妻諸生白三元之長女素孝謹六年聞賊至謂母等曰亦隨一世惟此名節二字倘賊至誓不以身辱及賊至遂先墜崖死之

白氏

文大亭之妻白三元之次女六年賊至時與姊同時墜崖而死

呂氏

貢生張書銘之妻事翁姑能孝處妯娌以和恪守婦道以鄉里稱賢及捻匪犯境合家避難山谷間賊至謂夫曰君與子可速去勿道吾女稱流是累途匪與其媳投崖而死

葛氏

廩生張道之妻淑慎溫柔笑言不苟賊至時與姑同日而死

虞氏

廩生張炳之妻年二十歲避賊溝壑中聞賊至遂投崖而死

馮氏

拔貢馮士燮之女淑慎其身無非無驕賊至與夫張書魁避居山谷中夫被傷婦遂墜崖而死

陳氏

監生張綺城妻年五十餘賊至伴狂罵不絕口賊削其耳終不屈遂遇害

張烈女

廩生張書紳之女名絕秀年十五歲許字貢生劉廷輝次子稱贊之夫歿誓願守貞於六年捻匪入境時義不受辱扼喉自盡至今人稱贊之

吉縣志

卷五

三十五

大國民印刷廠印

張烈女

從九張書鼎之女名德秀三歲失恃依伯母呂氏年十六歲許同鄉劉庭輝之三子聞榮未及笄賊至泣謂伯母曰母愛兒如己出今勢急時窮惟一死報母不死

蘭氏

蘭獻祖之女程文炳之妻年二十八歲夫故家貧子少而氏立志守節自矢靡他上事雙親而孝敬不衰下撫孤而艱苦備嘗於同治六年捻匪過境而氏投井而逝人守節女中丈夫於光緒六年

旌表

新增節孝婦

陳蘭氏民人蘭毓庭之女廩生陳璠之妻十六歲出閨二十
五歲夫故遺孤甫八月家極貧因姑老子幼矢志堅守事
孀姑以孝聞以紡績易甘旨奉姑撫孤依其叔教孤子十
二歲入州庠十五歲補廩餼光緒二十六年氏五十一年
計守節二十六年

陳劉氏歲貢生劉戊庚之女民人陳璠之妻咸豐元年氏二
十歲八年二十七歲夫故柏舟自矢志堅金石撫養遺孤
頗歷艱辛凶年貧不自給終不改操子早夭惟母家是賴
光緒三十年七十三歲壽終計守節四十六年

虞趙氏州上坊居民趙萬德之女咸豐八年二十五歲夫故
遺孤甫週歲家極貧氏矢志守節心同金石備歷艱辛撫

孤成立光緒二十二年氏年六十七歲壽終計守節三十
八年

郭葛氏州北鄉南村民人葛丕明之女郭開芳之妻同治元
年十七歲出閨十二年二十八歲夫故遺孤僅三歲因親
老子幼堅守清操撫孤成名事翁姑以孝聞五十九歲而
終計守節三十二年

張李氏州西鄉李登第之女張書貴之妻十六歲出閨二十
四歲夫故遺孤方數歲柏舟自矢志舅姑以孝聞光緒二
十九年氏六十五歲壽終計守節四十一年

貞女陳氏州北鄉麥城村民人陳五昌之女數歲時許字寶
戶纓爲妻同治六年捻匪犯境寶戶纓死於賊氏十七歲
尙未出閨賊去後氏聞婚死遂以衰服往葬矢志不再適

人終日茹素誦經事孀姑執婦道姑歿竇姓無人遂依母家度生光緒十六年氏四十歲病數日端坐而逝遺命歸葬竇氏之塋

張劉氏州西鄉民人劉清芳之女張書鼎之妻同治元年氏十八歲出閨四年二十一歲夫故母黨勸改適矢志不渝孀姑亦憐其無子願聽改嫁他人答言姑壽終後則從姑命乃孝焉事孀姑二十七年而終氏年四十八歲遂撫堂姪爲嗣現年六十四歲守節已四十二年鄉里共稱其節孝焉

劉劉氏民人劉廷芳之女附生劉丕基之妻十五歲出閨二十歲夫故遺孤方二歲事姑撫孤賢孝同稱行同冰霜志堅金石現年五十三歲計守節已三十三年

吉縣志

卷五

三十七

大國民印刷廠印

陳王氏州西鄉王毓秀之女陳三第之妻同治元年十七歲出閨十三年二十九歲夫故遺二子俱幼家甚窮矢志撫孤堅守清操辛苦備嘗計守節已三十三年

張馮氏州廩生馮士英之女監生張書元之妻咸豐四年十七歲出閨同治二年二十六歲夫故家甚貧堅守苦節撫養遺孤備歷艱辛志終不渝現年六十九歲計守節已四十三年

孝婦梁王氏州南鄉義士梁冲霄之妻監生梁步瀛歲貢梁登瀛之母幼事父母即有孝名出閨後事敬翁姑如生父母自奉極儉恆以私蓄供翁姑衣食翁姑稱其孝鄉黨宗族無間言冲霄好義事氏多方贊助鄉隣戴德羣推爲閨閣完人

孝婦馮王氏馮丕隆之妻馮強氏馮丕緒之妻事翁姑俱以
孝聞姑歿後翁年六旬患癱瘓十餘年不能輾轉二氏朝
夕服事無倦容偶得熏洗方頗見效二氏每日熏洗如是
者年餘病果痊復康健十餘年壽八十五歲而終今王氏
已歿強氏尙康強無恙

吉縣志

卷五

三十八

大國民印刷廠印



吉州全志卷六

知州吳葵之奉 文重修

風俗

古者采風問俗有使者專其事蓋欲因其美惡而施之政治也今無專使而輯之志乘則亦守土者所宜先務耳記風俗

僻處萬山土瘠民貧俗尚勤儉不事商賈土習淳樸俗鮮告訐至於冠婚喪祭之禮歲時伏臘之事則約略與各處相同鄭康成曰祖乙居耿以後奢侈踰禮土地迫近山川常圯焉至陽甲立盤庚爲之臣乃謀徙居湯舊都民居耿久奢淫成俗故不樂從王肅曰自祖乙五世至盤庚之兄陽甲宮室奢侈下民邑居墊隘水泉瀉湧不可以行政化故徙都於殷

吉縣志

卷六

大國民印刷廠印

皇甫謐曰耿在河地迫近山川自祖辛以來民皆奢侈故盤庚遷於殷

王柏曰土氣有厚薄風俗有盛衰冀之爲都天下之形勢也山河險固沃壤迫隘民淳俗儉足自固後世人民文物漸至繁阜風氣日耗遂自北而南勢使之然也 又曰濱河之地近古帝都地穰土豐民稠物饒人所共趨常人心知利而不知患雖素有水禍時圯時壞而不悔者政以利厚奪其避患之心也

通志云自吉州至河津胥殷耿地也時以都邑習於奢侈至其後而復陶唐之氏遺風矣

愚按州境萬山層嶽本非沃壤而舊說云云以逼近帝都故也

邇來一俗淳樸儉嗇簡陋過於他處其云復陶唐氏之遺風以然

冠禮久廢

婚禮有六吉郡僅存四問名納采請期親迎而已親喪惟搢紳舊家遵行文公家禮餘多同世俗逢七日或誦經或致祭不等富家每七必舉中戶首七盡七致祭三七五七有延僧道者家廟置主亦惟搢紳家有之民間皆設龕於寢寒食中元皆祭於墓歲時社祭夏秋兩舉率多演劇爲樂隨其村聚大小隆殺有差蓋猶報賽之遺云

正月元日夙興燔柏葉陳牲醴果羞祀天地神祇家衆以次

吉縣志

卷六

二

大國民印刷廠印

跪拜稱壽畢出拜尊長及戚里焉

立春前一日粧春事戴春花迎土牛祭勾芒之神以送寒氣元宵城市張燈其鄉村以小瓷盞點油燈遍列門室蒸麵作魚龍鷄狗置燈旁名伴燈

村落有搭燈山者各迎其方之神於其中從十四日起十六日止致香火三夜

二十日家食煎餅名曰添倉夜不張燈俗呼爲鼠娶婦日

二月二日俗傳龍抬頭日家爲鼓簸掃牀畫葫蘆裝五毒蟲其中壓穰不祥春分釀酒醋寒食祭墓清明踏青牽柳枝放紙鳶架鞦韆穀雨畫天師符貼門名禁蝎

五月五日繫五彩線懸艾虎帶艾人食角黍飲雄黃酒婦女佩硃砂囊

六月六日暴書暴衣作麩伏日合醬
 七月七日設瓜果筵童男女生麥豆芽陳弓矢緘線以乞巧
 中元薦豚穀佐以果羞列楮於墓前
 中秋陳瓜果望月羅拜已而劇飲
 九月九日食携酒採野菊
 十月一日墓祭畧同清明惟裁楮象衣被曰送寒衣
 冬至祀先祖親族相賀
 十二月五日早以五色豆置米中作粥名曰吃五豆八日置
 果飯中名臘八粥二十三日晚設餅錫殺鷄祀竈名曰膠牙
 湯逾日大掃舍宇除日易門神桃符更春帖老稚團飲爆聲
 達旦更闌不寢名曰守歲

物產

吉縣志

卷六

三

大國民印刷廠印

禹貢八州皆有貢物而冀州獨無蓋以其所產無奇不
 足貴也吉州亦冀州之地謂之無奇產則可謂之無物
 產則不可記物產

穀屬

- 黍 稷 大麥 小麥 蕎麥 燕麥 膏粱 青豆 黃
- 豆 赤豆 白豆 黑豆 菜豆 豇豆 豌豆 花豆
- 扁豆 芝麻 胡麻 大麻

蔬屬 猴頭 生人祖山中

- 白菜 芥菜 芹菜 菠菜 蔓菁 蒿苳 蒼蘆 木耳

- 麻菇 茺蒿 蘿蔔 芫荽 葱 韭 蒜 薤 芋

蕨 山葱

瓜屬

南瓜 西瓜 冬瓜 甜瓜 菜瓜 王瓜 絲瓜 瓠子
茄子 壺

果屬

核桃 樹高丈許春初生葉兩兩相對結實至秋如青桃漢
張騫使西域得種歸植之秦中漸移東土州中頗多
桃 柿 李 棗 杏 梨 奈 沙果 羊棗 葡萄
櫻桃 秋子 松子 木瓜 林檎 蘋果 石榴 紅果
狀似山茶味微酸

花屬

牡丹 芍藥 菊 萱 葵 薔薇 茶蘼 月季 鷄冠
石竹 本槿 玉簪 鳳仙 玫瑰 蜀葵 棣棠 紫
荊 山丹 茨梅 蓼

吉縣志

卷六

四

大國民印刷廠印

剪紅羅一名剪春羅群芳譜有云六出週圍如剪茸茸可
愛唐詩昔聞剪作花花却春羅似欲覓剪刀痕盡付東風
裏

木屬

茶樹 赤木汁能染紅 山川柳 松 柏 榆 柳 槐
楊 桑 椿 楸 檀 椴 樗 皂 桐 漆 荊棘
棠棣 青岡

草屬

蒿 艾 莎 茅 荻 苜蓿 芣苢 蘆葦 馬蘭 白
花茶 石茶 蒲

藥屬

甘草春生青苗高一二尺葉如槐七月間紫花根長三四尺

細粗不齊始生河西川谷今州山中多生此 蒼朮苗高二
 三尺其葉抱莖生似棠棣根蒼黑色故名朮者山之精也吉
 在萬山爰多產焉然塊大肉黃終遜茅山之堅小肉白
 五靈脂 芝生州東谷中形類鷄冠 黃芩 槐角 薄荷
 茴香 黃精 益母 南星 大黃 荊芥 甘菊 柴
 胡 茵陳 地黃 花椒 連翹 皂角 遠志 紅花
 知母 桔梗 麻黃 苦參 防風 地榆 紫蘇 斑貓
 猪苓 山藥 牽牛 半夏 大薊 米壳 沙參 枸
 杞 山茶 茯苓 蕤仁 升麻 桑白 石脂 柏子仁
 酸棗仁 兔絲子 青娘子 天門冬 款冬花 車前
 子 蛇床子 馬兜鈴 五味子 地骨皮 首烏 蒺藜
 參 生高天山味微不及黨參

吉縣志

卷六

五

大國民印刷廠印

羽屬

慈烏古有慈烏成唐慈州名取此 鵝 鴨 雞 雉 雁
 燕 鶯 雀 鴉 鴿 鶻 鳩 鷓 鴒 鷓 鴒 鷹
 鷓 山雞 布穀 啄木 戴勝 鷓鴣 鶴 翠 鳧

毛屬

馬 州稱北屈相傳屈產之乘即其地近何未聞有良馬耶
 豈物產亦隨變易耶 牛 羊 犬 豕 驢 騾 麋
 鹿 獐 兔 虎 豺 狼 豹 狐狸 獾 貉 貓
 鼠

鱗屬

鯉魚 鱖魚 鮎魚 鰻魚 俱產黃河
 介屬

鼈 小蟹 生山湖中性寒不可食

貨屬

木棉 石灰 木炭 漆 靛 烏葉染皂 蜜

蠟 群山之中花卉香馥蜜蜂窟宅多在石崖穴縫暨古木中故年久蠟藏焉 茅柴皮 汁能染綠銅綠即其膏

帛屬

布 麻 絲 絨 氈

古蹟

地以人傳人以地重古之遺跡安可泯滅况乎昔曾建治之區尤不可不備稽考至於志必有景景必以八未免東家效顰附而存之可也記古蹟附八景

耿城在州南博物記皮氏有耿城或曰殷祖乙遷耿即此隋

吉縣志

卷六

六

大國民印刷廠印

置耿州故以名城附祖乙子姓成湯五世孫河亶甲子都於相有河決之患徙都於耿九祀圮於耿復徙都於邢以巫咸之子賢為相商道復興諸侯賓服在位十有九祀祖辛祖乙子在位十有六祀沃甲祖辛弟在位二十五祀祖丁祖辛子在位三十有二祀南庚沃甲子在位二十有五祀陽甲祖丁子在位七祀盤庚陽甲弟自祖乙以來都河北盤庚常與陽甲謀徙居湯舊都及踐位耿又圮於河爰渡河遷於殷復成湯業改國號曰殷其時世家大室習於沃饒之利而民亦安土重遷於是反復誥諭作盤庚三篇殷道復興諸侯舉朝元祀庚子都於殷

按通志今吉州暨河津縣書序祖乙圮於耿作祖乙元祀丙申前編耿在河中府龍門縣邢在邢州隴岡縣而鄭康

成嘗曰爾乙居耿以後奢佗臨禮土地迫近山川常圯焉
至陽甲立盤庚爲之臣乃謀徙居湯舊都民居耿久奢淫
成俗故不樂從夫曰居耿以後民居耿久則商七王之胥
都耿可徵矣

北屈城吉鄉二十里有古屈城北屈也按左傳曰二屈杜預
註二當爲北

姚襄城州西南五十里後漢姚襄所築西臨黃河爲周齊交
爭地北齊武平初斛律明月破周兵於此齊武平二年斛律
光築平隴諸戍還復令率步騎五萬出平陽攻姚襄白亭城
皆克之獲其城主儀同大都督等九人捕擒數千人二年二
月周遣將攻邊右丞相斛律光禦之左丞相段韶亦請行五
月到服秦城周人於姚襄城南更起城鎮東樓定陽又作深

吉縣志

卷六

七

大國民印刷廠印

堑斷絕行道詔密抽壯士從北襲之又潛人渡河告姚襄城
中令內外相應渡者千有餘人周始覺於是合戰大破之獲
其彘同若干顯寶等諸將欲攻其新城韶曰此城一面阻河
三面地險不可攻即得之一城地耳不如更作一城塞其要
道破服秦城並力圖定陽計之長者將士皆然之六月徙圍
定陽其城主開府議同楊範固守不下韶登山望城勢縱兵
急攻之七月屠其外城時韶病軍中以子城未克謂蘭陵王
高長恭曰此城三面重湖險阻無路唯盧東南一路耳賊若
突圍必從此出但簡精兵專守自是成擒長恭乃命壯士千
餘設伏於東南澗其夜果如所策賊出城伏兵擊之大潰範
等面縛盡獲其衆周天和五年齊於姚襄鎮築伏隴等五城
以處戍卒驃騎大將軍劉雄齊公憲攻之五城皆拔憲復遣

雄與柱國宇文盛於齊長城西連營防禦齊將段孝先等率衆圍盛營外先有長甄大將軍韓歡與孝先戰不利雄身負排所部二十餘人據塹力戰孝先乃止是年齊王憲北攻姚襄城陷之時汾州又見圍日久糧援絕憲遣柱國宇文盛運粟以饋之憲自入兩乳谷克齊柏社城進軍姚襄齊人嬰城固守憲遣柱國譚公會築石殿城以爲汾州之援齊平原王段孝先蘭陵王長恭兵大至憲命將士陣而待之大將軍韓歡爲齊人所乘遂奔憲自督將戰齊兵稍却會日暮乃各收軍六年齊將孝先攻汾州刺史史楊敷突出爲孝先所擒總宰宇文護令中外府水曹參軍郭榮於汾州觀形勢時汾州與姚襄相去懸遠榮以二城孤迫勢不相救請於州鎮之間更築一城以相控攝護從之俄而齊將段孝先攻陷姚襄汾

吉縣志

卷六

八

大國民印刷廠印

州二城惟榮所立者獨能自守

古騏縣路史漢騏候在河東按漢志河東郡有騏縣師古曰騏音其

南汾州舊唐志元魏置後周改汾州後齊改西汾州隋爲文城郡武德元年改汾州五年改南汾州改慈州

仵城故縣州北六十五里後魏世祖時名京軍縣太和二十一年改五城郡隋廢郡以縣屬文城郡唐爲五城屬慈州舊唐志後魏置仵城縣取鎮戍名也今按隰州境內有仵城鎮即其地平陽府舊志載於吉州古蹟內以其曾屬汾州慈州耳姑存以証之

平昌故縣北魏志世祖名刑軍太和二十一年改隋開皇初省入伍城縣

文城故縣州北六十里城隍廟尙存後魏曰忸城隋改文城縣唐顯慶三年移忸城縣東北文村新唐誌天佑三年更名屈邑

吉鄉故縣本唐吉昌縣宋更名吉鄉元至元二年省入吉州吉鄉故縣州東北七十里

定陽故縣舊魏志延興四年置并置定陽郡隋開皇初郡廢十八年改名吉昌大業初置文城郡治此

古龍門水經注龍門之上有古龍門

牛心寨州西六十里西臨黃河金楊貞所築僑治吉州今其遺址微存

倚梯城州西南龍門上口壘石爲之東北高據峻嶺西南俯臨黃河懸崖絕壁百有餘丈以其險峻異常非梯莫上故

吉縣志

卷六

九

大國民印

名

庖羲故宮在人祖山頂上建伏羲廟舊碑傳爲故宮

鷄亭北魏志五城縣有鷄亭 舊志作庖山誤

慈烏戊舊唐志武德八年改南汾州爲慈州以郡近慈烏戊故也

孝子原州西一里孝子馮愈故址也

石佛崖寬井河上有心經觀音經五代唐永貞年刻石洞在州北一百二十里可容百人中有水泉昔人避兵於此

石豚在大天灣河中

豐國鐵冶州東一百五十里明洪武初設後革

天井在大天灣河中嘗歲旱禱之輒應雍正十年夏偶旱知州甘士瑛率屬親往虔禱越日甘霖如注年大有有州民

感其神建天井龍王廟以庇神焉知州甘士瑛立碑以記之

八景附

孟門夜月 壺口秋風 錦屏疊翠 石孔飛泉
小橋流水 古洞瑤桃 佛閣晴嵐 壽山夕照
凝翠亭 在城南錦屏山巒山巒陡生石岸上有平地半畝
許昔人建亭於上名曰凝翠亭下即佛閣晴嵐今遺址猶存

馮公祠 祀金尙書馮公延登

楊公祠 在州西麻庫掌祀金尙書吉隰經略使楊公貞祀
有祭田數百畝今尙存

蘭公祠 在州東關祀 國朝河南山東江南河帥總督蘭

吉縣志

卷六

十

大國民印刷廠印

公第錫嘉慶三年奉

旨發帑勅建坊刻

御書勤慎廉潔川奠成勳八大字

墳墓坊表

高人烈士塚墓相望千載而下令人有興起之思至於言坊行表原爲褒揚懿美後世或爲科第階級之榮當以砥礪人文之助記墳墓坊表

漢留侯墓在婆門村

按廣輿記子房墓在平陽府襄陵縣舊志載此不知何據姑存之以俟夫世之博聞者正焉

金

尙書馮延登墓州東北十里陽莊村

經畧使楊貞墓州西六十里麻庫掌

本州同知任禮厚墓在麻庫掌 通志作伍禮厚誤

穆御史墓在州西山楊村

李元帥墓在川莊村

魯都督墓在魯家河

屈御史墓在上官坪

明

參政陳浩墓在州西二里劉家原

郎中陳維藩墓在州北原

給事主丁汝謙墓在行平村

副使劉從學墓在城北原

國朝

吉縣志

卷六

十一

大國民印刷廠印

河道總督蘭第錫墓在州南北光村

督糧道葛正華墓在州北陽兒原

署兵備道葛天柱墓在州北陽兒原

坊表

青雲坊為舉人李演立

登雲坊為舉人張謙立

丹桂坊為舉人郭琮立

應奎坊為舉人張宏立

進士坊為庚戌進士陳浩立

傳臚坊在西村為進士陳浩立

清要坊為給事中陳浩立

方岳坊為參政陳浩立

畫錦坊爲舉人張惠立
進士坊爲壬戌進士張惠立
拔秀坊爲舉人白述立
奪錦坊爲舉人張紀立
一鶚坊爲舉人馮綸立
騰蛟坊爲舉人陳維藩立
英傑坊爲舉人劉從學立
進士坊爲戊辰進士陳維藩立今存
風憲坊爲按察副使劉從學立
達尊坊爲劉從學立
勅封坊爲贈刑部主事陳廷顯立
恩光坊爲贈戶部郎中劉澤立今存

吉縣志

卷六

十一

大國民印刷廠印

正節坊爲節婦張氏立
河東鳴鳳坊爲舉人丁汝謙立
進士坊爲甲戌進士丁汝謙立
青鎖侍臣坊爲給事中丁汝謙立
聖世殊恩坊爲勅封太常博士丁良佐立
孝子坊爲孝子陳鳳翀立
節孝坊爲節婦蘭繼祖之妻馮氏立
清標彤管坊爲節婦督糧道葛正華之副室邱氏立

寺觀

非祀之祠宇幾塞宇宙矣狄梁公之後奏毀無人然不敢
濶於祠祀之列亦曰非其鬼之不可諂也記寺觀
盤古廟州西五里岳家莊

伏羲廟人祖山相傳伏羲爲人祖故此山亦名人祖山舊碑傳伏羲氏故宮

大禹廟在古龍門上口猗梯城魏孝文立碑

以上三廟係古帝王非臣民所得奉祀故首列之

石槽祠元和志禹鑿山河水下趨峻急深七丈經行之處元禁捕魚今山中鑿空架槽闊五十步懸注七十餘尺魚鼈所不能遊號石槽祠禹之施功始此

玉帝廟北關

東嶽廟二一在城西隅一在太度村

雷神廟北關外

龍王廟三一在淇北門外知州林家徵重修一在壺口山上
一在大天灣號天井龍王廟雍正十三年建知州甘士瑛

吉縣志

卷六

十三

大國民印刷廠印

有碑記

馬王廟東門外

天神廟二一在城北一在曹井村

晉文公祠錦屏山上明宣德己卯建嘉靖丁酉州幕李鯤修
整

國朝州守南鵬重修

王真人祠在曹村 舊志作曹井村誤

北極廟三一在城內山上今廢一在北關外一在房村里
二郎廟在馬家河

以上非二氏專祠故列於此

觀音閣城外西街

開元寺州西今爲習儀所

雷音寺州南

慈教寺州東

佛閣寺錦屏山下

永慶寺文城

大像寺同樂里

福慶寺雷家莊

任州西創建失考明嘉靖間重修萬曆二年三十八年國朝順治十八年屢次重修

永齡寺大天灣

佛慶寺上市

老君菴五一在城北一在文城一在大天灣一在南村一在

麻庫掌

白衣菴在州崇安門明知州黃光燁建

紫微觀在波門里

吉縣志

卷六

十四

大國民印刷廠印

全陽觀在州北八里元天德九年建

安固寺在安平村創建不可考 附記同治間村人於寺後

掘得古物甚多有古銅旅籬一旅籬一上皆鑄有篆銘其

籬云叔碩父作旅籬子子孫孫永寶用其籬較籬殊小狀

如船內鑄銘詞云周叔姑作旅籬其萬年永寶用

伏永寺在麥城村佛像大可數丈手足甲俱以古瓦爲之

皇天后土廟在謝悉村建於大宋天聖元年殿有蒿梁一大

可數抱神座暖閣後有木屑粘合小門殿宇結構詭奇制

作精巧俗傳爲公輸神所建

漢王廟州北一百二十北界大甯一百二十里地勢宏敞傳

聞漢王曾屯兵於此因建廟焉

孔山寺州北距城八十里

天寧寺州南錦屏山西 金天會七年鑄大鐘一口元至正
年知州王士元碑文猶存

瑠玕寺在月間村

北極廟四一在高天山頂上一在五龍宮一在西宮河一在

庖山頂上舊志失載

吉縣志

卷六

十五

大國民印刷廠印



吉縣全志

吉州全志卷七

知州吳葵之奉 文重修



特恩

世宗憲皇帝御極之七年以普天率土共慶豐登乃
欽命蠲免各省明年額徵錢糧各有差內山西省免銀四
十萬兩夫賜租免賦類皆免於有所爲之年未聞無故
而竟行蠲免者蓋千古以來未有之
曠典也繼以晉省民情感激情願自備脚力運送軍需駝
雇而天顏大喜於仍給脚價之外再免辛亥年額徵錢糧
二十萬兩以惠斯民猗歟盛哉何
天恩浩蕩有加無已至於此極也不有紀述何以昭示來茲
恭記

吉縣志

卷七

大國民印刷廠印

特恩並誌

宸翰

雍正七年奉

旨免雍正八年錢糧銀一千五百二十五兩七錢一分一

厘八毫

雍正七年奉

旨蠲免雍正九年錢糧銀六百五十八兩九錢一分八厘

有零

聖祖仁皇帝御書對聯

賜吉州知州臣張燦

閒尋綺思千花麗靜想高吟六義清

光緒三年丁丑大稔奉

旨蠲免丁丑下忙戊寅上下兩忙己卯下忙錢糧銀二萬四兩七錢九分二厘

頒發賑銀四千兩

麥籽銀三千兩

賑糧九千七百四十二石自平陽以下計程二百六十里每斤隨帶脚價錢十三文

馬四十匹 驢一百七十六頭 牛十七隻

以上牲畜俱減價散賣所得價銀發給貧民以補農事之不足

頒發錦衣九百件

祥異

孔子不語怪亂而災異之變往往筆之於春秋其旨深而思遠矣一郡之記載雖不能竊取其義然不備誌之於冊

吉縣志

卷七

二

大國民印刷廠印

則休徵嘉瑞不幾與殷鑒者無別乎記祥異 兵氛附

商

祖乙圯於耿王懼以巫咸之子賢為相諸侯賓服天下大和

東魏

孝靜帝天平四年四月乙酉并肆汾建晉東雍南汾秦陝九

州霜旱人饑流散開倉賑恤北齊書

隋

煬帝大業七年十月乙卯底柱山崩河逆流數十里

唐

太宗貞觀二十三年八月癸酉河東地震乙亥又震給服二年

武后垂拱三年河東旱

德宗興元元年河東等節度螟蝗爲害每節度賜米五萬石
穆宗長慶元年七月戊午河水赤三日

宣宗大業六年三月有星孛於紫參

僖宗乾符三年秋河東諸州多鼠穴屋壞衣三月止鼠盜也

中和元年秋河東早霜殺稼

五行志

光啓二年夏河東積陰六十日三年慈州仵城梟與鴟鬪相殺

昭宗乾寧二年三月河東地震

宋

太祖建隆三年十二月戊戌蒲晉慈饑賑之

太宗太平興國五年八月知慈張愈獻合穗禾

淳化三年河東旱

吉縣志

卷七

三

大國民印刷廠印

大中祥符五年四月慈州饑鄉寧縣山生石脂如麵可爲餅

餌九年六月蝗蝻趣河東及霜寒始斃

天禧元年二月河北河東蝗蝻復生多去歲蟄者

慶歷三年十二月河東地震

神宗熙寧元年二月壬戌河東饑貸饑民粟七年自春及夏

河北河東久旱九年八月河東河北旱

元豐七年河東饑詔蠲稅

元符三年五月癸巳河東饑詔帥臣計度賑恤

金

熙宗垂統二年秋西京河東大熟

海陵王正隆二年秋河東蝗五年二月辛未河東地震

世宗大定十六年河東旱蝗

衛紹王大安三年二月河東大旱

至寧元年正月河東陝西饑賑之七月河東旱遣工部尙書

高朶祈雨於嶽瀆至是雨足時斗米至三二千

元

順帝七年夏四月河東大旱民饑有死者遣使賑之

明

成化二十二年八月望州大雨雪深三四尺

嘉靖十二年旱

二十一年夏五月大水漂沒城郭民舍之半

四十年夏六月地震

隆慶三年大饑

萬曆十一年秋雨雹傷稼

吉縣志

卷七

四

大國民印刷廠印

三十五年大有

三十七年大旱

三十八年大旱

三十九年夏大旱

四十一年春三月大水

四十九年大水賑濟

崇禎七年大饑

八年夏大有

十四年大饑斗米麥自八錢至一兩五六錢不等

國朝

順治三年大有年

四年六月蝗賑濟有差

七年自春徂夏旱賑濟有差
十六年夏四月大風雨雹折禾
十七年冬大雨雪連綿月餘
康熙元年大雨數月毀壞城廬舍
四年春慧星見
八年春三月黃河冰復合冬十一月草木萌芽長寸許
十年春二月望雨泥
十一年秋七月隕霜殺稼
三十年旱蝗賑濟
三十一年旱蝗大饑免糧有差
三十二年大有麥
五十一年大旱錢糧全免

吉縣志

卷七

五

大國民印刷廠印

五十九年旱免糧有差
六十年大旱免糧有差
雍正四年大有年十二月十一日起至五年正月初七日止
黃河澄清共二十七晝夜
五年大稔
七年大稔
八年大有年
九年大有麥
十年五月旱
十一年夏大水禾不傷扶風橋衝決無存
十二年歲朝天雨黃土
乾隆失考

嘉慶九年十年大饑米麥斗價二千四百文
道光三年大疫

十四年甲午秋大熟

十五年乙未大有年

十八年六月河水暴發漂沒民房廟宇甚多昌濟橋漂沒
無存扶風橋石欄衝決

二十三年癸卯夏六月大風拔禾折民房甚多

二十六年歲飢麥米斗價一千二三百文

二十八年戊申夏五月初四日大雨雹深二尺許損麥二
十餘村八九日後雹冰有未消者

咸豐元年辛亥彗星見於西方

三年正月二十日寅時天紅

吉縣志

卷七

六

大國民印刷廠印

四年大有麥

五年大有麥

七年丁巳秋大旱

八年戊午大有麥有兩穗三穗者

十一年十一月地震

同治二年五月初六日大雨雹近城十里麥傷殆盡

四年春旱

五年秋大雨四十餘日浸傷民房墜甚多

六年夏旱湖中蝌蚪脫尾成蛙密布道旁朝暮尤甚

五月十五日天中有白氣如匹練自西指東數刻而散

冬十一月擒匪犯境

七年戊辰大稔

八年己巳大稔

九年十二月二十七日三更時天色紅徧地如起火

十年人祖山周圍四十餘里草木重花冬十一月初四日

黃河竭自七郎窩至蛤蟆灘越辰巳二時復起

十一年九月隕霜甚重著木數日不化

光緒元年夏秋歉

二年旱秋九月隕霜殺稼冬十一月壺口上流河水斷絕
數十餘丈半日方接

三年大旱麥歉禾未登州北南埽科灘百果重實冬十一
月二十六日河清至四年正月初八日共四十二晝夜

四年大稔夏無麥人食樹皮草根食人肉死者數萬

五年鼠多過常嚙人衣服器皿不分晝夜秋大熟未獲者

吉縣志

卷七

七

大國民印刷廠印

至十之六七城內及東北二路尤甚秋禾草木重花

歷代兵氛附

晉惠公時狄取狐厨涉汾

漢中平五年七月南部與白波賊寇河東六年十月白波賊

寇河東

晉升平二年姚襄遣姚闌王欽等招動定陽芹州衆二萬七

千進據黃洛

後魏永平四年正月汾州劉龍駒聚衆反詔諫議大夫薛和
率衆討之

正光五年十一月汾州正平平陽府山寇叛詔章武王融爲
大都督以討之

孝昌元年十二月劉蠡升復破擒其子南海王西海王并逋

逃二萬餘戶

元象元年正月大都督賀拔仁攻寶炬南汾州己卯拔之
大統三年右軍大都督賀拔勝攻尅河東略定汾絳汾州之
北離石以南悉遭抄掠居人阻斷河路周勳州刺史韋孝
寬深患之而地入於齊無方誅剪欲當其要處置一大城
恭帝二年乃於河西徵役徒十萬甲士百人遣開府姚岳
監築之岳以兵少爲難孝寬曰計成此城十日即畢既去
晉州四十餘里一日創手二日僞州始知設令晉州徵兵
二日方集謀議之間自稽三日計其軍行二日到我之城
隍足得辦矣乃令築之齊人果至南道疑有大軍仍停留
不進其夜又令汾水以南傍介山稷山諸村所在縱火齊
人謂是軍營遂收兵自固版築克就如其言

吉縣志

卷七

八

大國民印刷廠印

周冢宰宇文護令中外府水曹參軍郭榮於汾州觀形勢時
汾州與姚襄鎮相去懸遠榮以爲二城孤迥勢不相救請
於州鎮之間更築一城以相控攝護從之俄而齊將段孝
先攻陷姚襄汾州二城榮所立者獨能自守齊段孝先攻
汾州同宇文護作浮橋出兵渡河與孝先戰孝先於上流
縱大筏以擊之護令榮督便水者引取其筏以功授都督
周天和六年北齊武平二年也齊段韶圍汾州周刺史楊敷
固守韶曰城三面重湖皆無走路惟慮東南一道耳精兵
專守此必成擒令壯士十餘伏東南湖口會敷糧盡走伏
起擒之遂取汾州大司馬齊王憲率衆出自龍門齊將新
蔡王康德潛軍霄遁憲乃渡河攻其伏龍等四城二日盡
拔之又攻張壁克之斛律明月時在華谷弗能救乃北攻

姚襄城陷汾州又見圍日久憲遣柱國宇文盛運粟饋之
憲自兩乳谷壘克齊柏社城使柱國譚公會築石殿城以
爲汾州之援齊平原王段孝先蘭陵王高長恭引兵大至
大將軍韓歡爲齊人所乘遂退憲身自督戰齊人稍却會
日暮乃各收軍譙王儉爲行軍總管與齊王憲討天柱於
河東破之斬首三千級
宣政元年九月汾州劉受邏千舉兵反詔上柱國越王盛爲
行軍元帥率衆討平之

唐天復元年晉周德威李嗣昭取慈州二年復陷德威復取
之

金興定三年遣近侍局直長溫敦百家奴刑部侍郎奧屯故
撒合徒吉州之民於丹州以避兵鋒州民重遷遮道控訴

吉縣志

卷七

九

大國民印刷廠印

百家奴令召晉安兵將護老幼以行衆意兵至必見強乃
譟入州署殺百家奴胡撒合畏禍狗衆與會飲歌樂盡日
衆肩輿導擁護呼拜謝而去後治罪金末年於牛心寨僞
治州吉隰便宜經畧使楊正守之元破寨正闔家墜崖正
墜河

元己卯權兵馬都元帥之天祥下河東平陽河中崑嵐絳石
隰吉崞等處八十餘城己卯詔石抹也先以黑軍分屯太
原平陽隰吉崑嵐諸郡所將皆猛士衣黑爲號故曰黑軍
庚寅關中兵屯吉州酋領楊鐵鎗以數千人判河東南路
都元帥李守正出兵擒之

明崇禎三年正月賊王嘉孕陷府谷他賊入山西犯吉州襄
陵太平曲沃十六年高傑渡河屯紫州境數日焚毀村舍

十二月闖賊既陷西安分遣衆履冰渡河州遂破置僞官屬

國朝順治元年十月大兵至黑龍關把總衛敏起兵應之初十日破城僞知州潛遁六年五月衛敏作亂八月陷城七年二月平按通志周保定中離石生數寇汾北勳州刺史韋孝寬於險要築城置兵糧以遏其路建德五年北齊武平七年十一月東伐趙王招率兵馬稽

令行軍總管韋先寬圍守華谷以接應之韋孝寬克其四城

華谷在雙柏朴略武平二年築

同治五年捻逆張總玉竄入陝西一帶山右戒嚴秋協鎮鄧統領大原團勇三百駐防吉州河口十月平陽總鎮蔣復領平陽營兵數百駐紮吉州城

吉縣志

卷七

十

大國民印刷廠印

六年三月賊擾龍王廸西岸兵勇齊紮河口防守八月太原勇撤回九月平陽總鎮蔣卸任十月平垣營茅津遊擊谷景昌領本營兵三百餘衆兼轄太原鎮標右營都司張德豹領本營兵三百餘衆防堵龍王廸十一月平陽總鎮陳復帶元亨利貞五營鍊勇分防吉州沿河一帶抵河數日聞固關有警遂復領軍而北十九日賊由陝西宜川至龍王廸七郎窩河口是時冰橋正固賊屢撲渡不卻遊擊谷以有病在城遂派都司張德豹千總郝恭把總米輔國同本州知州余灃等督率各營兵勇日夜禦賊殺傷甚多及二十二日早賊始卻退六十餘里是日總鎮陳亦由大甯將勇移回抵河時賊退已遠是夜遂以新來勇更番守河三更後偶不及備賊以數十騎潛渡冰橋先將火藥點放

及兵聞知而賊勢已不可禦矣軍中潰亂死者不可勝計都司張德豹千總郝恭把總米輔國皆力戰死之二十三日五鼓賊遂竄入吉州城游擊谷景昌及姪杏林額外劉海潮等俱死之距城四十里以內各村俱被蹂爛火光燭天二十六日老湘營劉精銳營宋領軍追及賊遂青石峽馮皮峪鋪頭峪三官峪竄入河津稷山太平襄陵一帶臘月初三日兵始起完城鄉死者及擄者共數千人焚掠一空初六日有小股賊五百復由陝西渡河竄入州城初七日復由蒲縣界竄入平陽府十九日何鳴高領亨字營練勇紮駐州城二十三日又有小股賊數百由州南石泉村山嶽鎮竄入鄉甯縣是時州城無官者一月

七年正月始委官員二月候補道鄧裕生巡行州境查報災


吉縣志

卷七

十一

大國民印刷廠印

傷復蒙山西按察使陳統領練勇紮駐城中三月記名總鎮彭統領春福二營練勇駐防河口至八年五月撤九管帶觀益二營閩駐防七郎窩龍王妣咸字營常泰字營徐升字營怡三營更番防守馮家集蛤蟆灘麻子灘三處九年四月平陽營都司德領大兵來防河口觀益兩營撤去九月升泰兩營亦撤留咸字營朱熊先後駐紮麻子灘統領樹字新軍六營提督軍門節制晉軍水陸等營張分防河口設險守要增築礮牆平治道途上平渡關下至蛤蟆灘沿河岸有小河難通處俱築橋以接之道路平坦如砥州人便之



知州吳葵之奉 文重修

藝文誌

誌書之於藝文用以備典故必有事以人傳人以文重之意故於各舊志所載不無損益期於旨遠辭文不尙繁詞累句云爾誌藝文

修學記

國朝王廷傑鄉甯人

昔吉庠之設遠勝東郊歷代久風雨飄飄兼之兵燹殘毀故過者興嗟東萊于公來守茲土顧瞻廟貌惘然於中會詔旨令天下大修郡學公毅然曰獲我心矣遂進紳士虞陳諸君而謀之諏日度才鳩工董事公自捐資五百金士民謂勿獲已者莫敢後焉工竣請余一言以記之余何敢以

吉縣志

卷八

大國民印刷廠印

不敏謝爲之拜手颺言曰稽宋仍五代兵革之後開基四世歷六十餘年而海內之庠序十不興一宗初即位乃曰州縣士子滿百始得立學不及額者祇立孔子廟而已故宋之名大夫廟有記建學有記修學之記無聞焉由明至今廟爲主而學輔之制度規宋加等而人才少遜於前何哉良以士風日下器識不足則聰明皆爲浮氣所驅即司教化者謁廟而不登堂登堂而不橫經講席排列噉呵疾趨以出誰肯徘徊嘆息於廊廡闕廟之間是以學修無日人才不興也公之守吉有經術有擔當待紳士皆有恩禮故茲之舉衆皆同心綱紀公猶時加省視不遑安處計時凡九閱月計金共七百有奇自正殿兩廡戟門櫺星門啓聖祠名宦鄉賢祠明倫堂遜志敬業齋以泊禮門牌坊

諸屏牆宜易者易之宜剏者剏無不畢舉而公之心猶未艾也更欲建魁閣立社壇集諸博士弟子員肄業其中而後即安夫吉文獻邦也科第輩出名賢接踵今學宮復新且有公以教育之而學士共勉於興行安知不步武元魁如先哲之諫垣兵憲其人者乎故援筆記之以徵信於永世云

重修城隍廟碑記

同楊守正鄆縣人

城隍廟在州治之東南創於前代歲久而敝棟宇凜然將壓吏民有事於廟者顧瞻惕然莫能興也陝右王候自鄉舉進士歷解州同知以課最遷秩來知是州下車謁廟即有興廢之心以政未孚於民勞之則以爲厲也久之政舉令行乃營厥廟廟既敝甚且規模狹陋不足以揭虔妥靈

吉縣志

卷八

二

天國民印刷廠印

遂發公帑羨餘及勸分私藏市傍近地斥廣之廟舊爲三間益其左右爲五間拓以兩廡各五間廟後有棲神宮前有張樂賽神之樓又前有三門皆因其舊而葺之丹青黝堊煥然一新又於廟西所市之餘地作公廨三間翼以兩廂庖瀋門皆具以爲新官未蒞任者之所寓前此未嘗有也經始於宏治三年春落成於是年冬十月其州同知永年盧俊以州之士民請紀其成績因致書於鄉達光祿少卿賀君思聰屬余爲之記余惟城隍之名肇見於易城隍之祀不載於禮故先儒謂祭灶之外如城隍神之類皆不當祀也然禮有能禦大災捍大患者則祀之高城深池之設所以爲民禦災捍患者而致祀其神亦禮可以義起者然城隍之神非人鬼也如社之立壇壝可也而爲之廟貌

不經甚矣世記秦功臣馮尙見夢於漢高帝曰奉天帝命與王知領城隍陰司其言怪誕不可致詰而祀之殆出於此後世城隍之祀遍天下而或各指一人以爲其神如鎮江寧國諸郡以爲紀信江西諸郡以爲灌嬰其他不可枚舉歷世加封或爲公或爲侯或爲王爵其不爲瀆神乎國朝既正祀典止稱某府州縣城隍之神一洗古之陋矣著令凡有司莅任者必先謁廟與神誓希神默相使政興務舉以安黎庶倘怠政奸貪凌虐下民神其降殃也嗚呼神之所司若是爲有司者其足以儆戒矣故余爲書王侯作新斯廟之事而原廟祀之攸始及國朝之令典俾刻諸鹿牲之石使治民事神者有以勸慢神虐民者知所戒

創築外城記

明虞文詡義烏人

吉縣志

卷八

三

大國民印刷廠印

嘉靖改元之初鄜賊侵擾晉鄙勢頗猖獗人心惶恐苦無所棲止於是吉州判官包公實任勦撫之責內修戰具外遏賊衝捍衛斯民卒不至於難事小息乃曰吉在萬山之中爲盜賊出沒之地且城大如斗居民之在城外者毋慮萬數指室廬相望烟火相接而無以爲障蔽一旦有不虞則吾民皆魚肉矣古稱民保於城城可已耶於是不謀於當道不資於庫藏相地勢度基址計丈尺量民制役量役授工量工命日公蒞其間而程督之調度有方區畫有條不疾不徐處置得宜小大之民咸願執畚築而樂於趨事無或後者戒事於癸未之春竣工於甲申之夏東起碁盤溝西繞而盡於河築土爲城凡二百五十丈又東起太和門沿河而西壘石爲城凡二百二十丈垣壤堅厚廉角竣

整樓櫓扉闌莫不備具限域既立防守有據奸宄遠跡居民貼席吏慶於官士頌於庠農歌於野莫不曰創古之見吾公之功斯民之福也公沒之後歲數不登秦晉之間鼠竊狗偷蝟興蜂起人人自危而州之民以城之故作息有常懋遷如故不驚不擾若倚南山而履盤石余小子嗣守茲土亦賴遐庇安享其成論者謂非公先事而慮順民而動正固而幹則防守無據民心惶杌鳥驚魚逝不安厥居而且不免於唇亡齒寒之患矣然則公之此役其績不既偉哉吉人念翼庇之恩保障之德寢息不忘飲食必祝感戴之誠久而彌篤至欲廟而祀之每日吾儕列屋而居高枕而臥不失其業者皆公之遺也夫公之有功於吉人其大如此吉人感公之功其深又如此是不可無所紀述以

吉縣志

卷八

四

大國民印刷廠印

示來世也於是輒敢忘其固陋爲之次序其事勒石而寵之於壁庶以永公之德而慰吉人之思焉公名鐘字聞遠陝西甘州人由監生任州判事母孝居官廉慷慨直正遇事敢爲在任凡九載陞孟縣知縣未及拜命而卒君子惜之云

學宮新開泮池碑記

國朝曹執衡本州人

天下惟守土者有創制因革之權然未必盡先後緩急之用蓋以職司乎民社官視爲傳舍於應興應革之事不能寔心舉行即間有建置亦不過驛舍堂宇倉獄堞隍率報績已耳若學宮爲風化地朔望展謁奉行故事更不問學中之何者宜修何者宜建也無怪乎文翁而後嗣音寥寥而以道學飭吏治又豈易觀哉太守林夫子秀發南溟

望隆北斗其策仕古鄙也字民課士鄙人已祝誦之矣茲於癸卯秋捧簡書蒞吉下車之始即以興學愛士爲首務學宮舊建東郊錦屏峙其前瀑泉環其右亦擅一州之勝但此地久無泮池議者石崖丈許下瀑二泉唐敬德尉遲曾飲馬泉邊故以此泉當泮水公於謁廟之餘力闢其謬夫泮水施邱以節觀也臨雍講藝冠帶環橋豈流泉之所得擅乎欲謀開鑿緣初任未遑越明年甲辰春遂捐俸鳩工始經開鑿不數尺獲錢二甕八斗有奇公曰文運霞蔚有開必先爾多士儲八斗才蜚萬選譽其兆已萃甲於此矣鑿深丈許下及泉源上架虹橋規制聿新恍然改觀時州缺教職公署庠篆每月課士而甲乙之歷幾寒暑不輟則尤賢者之所難罔庠士子感公之功欲立石以記之余

吉縣志

卷八

五

大國民印刷廠印

欣然擊案曰凡物之興廢各有其時以千百年未有之事而得公以創所謂功俸闢開而不等於傳舍視之者也且後之生斯地者皆曰此某公之功也思之而無忘官斯土者皆曰此某公之遺也法之而勿替將見多士從茲豹變龍驤翩翩競奮皆公開創之功之所遺也其視文翁治蜀不已超然遠乎公莅任二載能其官仁心善政自有童叟口碑茲不贅

重修晉文公祠記

明陳維藩本州人

錦屏山州治前案山也其巔有晉文公祠三楹創制於宣德己卯迄今歲遠傾圯殊甚人亦莫之致敬焉嘉靖丁酉春州幕李公視其傾圯殆不可以棲其靈而壯觀瞻也遂慨然以聿新爲念剔木之腐者緘之除陶之敗者堅之更

榘易棟鏝壁鸞唐條然改觀工未幾而就績民勿知勞官
勿知費州人躋之秋八月丁未朔越七日癸丑落於祠下
請余記歲月於石余維春秋時獻公之子九人遭驪姬之
禍城蒲以處重耳城屈以處夷吾是蒲乃文公之舊邑此
屈地也則惠公之舊邑今蒲有翠屏山以祠文公是矣屈
亦有焉想先民立祠之意正以文公爲姬姓霸主王室賴
之講信修睦於諸侯其子孫主盟中國者百五十餘年威
靈氣燄昭耀赫奕百世之後人皆稱仰故祠不止於蒲而
屈亦然也雖譎正之論出於孔子然合諸侯尊周室號令
天下使東周之後非此艱難備嘗之君如天下何其祠祀
也又宜也况雍冀以北地棲羗鄙祠多淫諂此祠以功及
於民而祀之可見無淫與諂矣建於案山之上以對州治

吉縣志

卷八

六

大國民印刷廠印

既可見高山仰止之情使生斯土者仰之而不敢忘官斯
土者景行而不敢忽皆可嘉也自余歸隱築室錦屏之麓
時步公祠則天光萬里雲鳥千舌春花如錦秋葉烘丹亦
山川之一適也不可不記是日俎豆既設賓主咸集皆義
李公之舉稱觴上壽遂悉其始末云公名鯤字希龍山東
即墨人有經畫而能幹理者也是爲記

祭龍王文

明張應春華州人

萬歷四十五年亢陽不雨且旱蝗大作知州張應春作文
告於龍王神前曰惟龍行雨潤百穀也惟王降龍均雨澤
也民間水溢則告之王旱乾則告之王此雖百姓請救之
情總亦王之職掌宜爾不意今年大旱麥苗薄收而仰藉
王慈少零甘雨纔種秋禾又遭蝗蟲雖蝗有八蜡之神在

與王無預倘王降龍有法雨澤霑足蝗何自生即生亦不若是之盛言念是災敢忘自省而歸責於王第區區爲百姓之心不得不於王有望也况王豐年受百姓之享祀荒歲不能爲百姓以禦災似亦自溺其職也職卜日竭誠率領鄉耆肅告於王惟王速顯靈異早賜時雨勿迅風雷令徐徐入土萬一轉災爲祥厚邀收成職當率此一方人爲王崇新廟貌伐石立碑以焜耀靈異使天下知吉州龍王之神有禱輒應如響三日不雨可需六日六日不雨可需九日過十日不雨雨而不沛然下也苗無生意民失所依是使王千百年之靈異一旦付之烏有恐非王之所以自爲計職亦不敢負百姓之意諂竇於王而爲王諱也何者王爲天曹之兩師職爲天子之守吏王不能降龍行雨職

吉縣志

卷八

七

大國民印刷廠印

不能動王降龍行雨均之於地土無益職惟有所王之靈以對此百姓耳王其鑒之

張侯作此文祭告神前次日甘霖大降四野沾足蝗亦漸漸滅息父老異之遂公舉而刻之於石以記其事

知州魏公去思碑

明鄭崇儉鄉耆人

夫自召伯南行甘棠致詠峴山墮淚河武興思此其聲華允足以光昭史冊而艷人聽聞者矣乃其後不數數見者豈民忽然哉政以感民者不本之德意即稱有德而沾沾焉小用其術故其政不足以繫人之思雖思之而不能垂之悠久而勿替也若魏公之德施於民者異是公於萬歷乙未秋來守吉越四載癸亥晉陝西鞏昌二府專理甘肅屯兵府事屆行之日士民戀戀不忍去僉謀伐石樹碑用

寄思慕縉紳士民請記於余余固多公範而心所景慕者
烏容辭乃慨然曰今不見人心之思公哉不見人心之思
公本於德感者哉公之治吉也廉正持已平易近民以寔
心而行寔政乃任怨而任勞凡民之疾苦痛養視之若自
己出以修武備則思簡閱俾之有勇而知方以重文教則
崇學校俾之興行而向善以審徭役則洞查貧富陞擦允
當俾民無不均之嘆以飭鄉約則甄別善惡勸懲不爽俾
民有知耻之心以肅官常讞訟獄則奸宄別而吏治興苞
苴不行案牘無滯俾之弊別而風清身先淡泊懲浮靡也
巡行郊野靖境氛也嚴謹城池慎防禦也以至助元凶而
使之戢滅供億而示之儉裁決必親而奸胥袖手請託不
行而豪佑屏迹諸凡起敝維風振廢理沓者靡一不淪浹

吉縣志

卷八

八

大國民印刷廠印

於民心故民之感之者熙熙然就之如日月望之如雲霓
畏服之如神明而不能斯湏之或忘也豈私公哉他日晉
公而廟堂秉樞而執要覆庇天下予固知天下之人心即
郡邑也其思慕者寔有涯涘耶余愧無出域之見不足以
發公之德與民之所以思德者惟甘詠峴思或者其庶幾
乎

城隍廟宿齋故址碑記

國朝南

鵬陝西人

凡省會郡邑之城隍祠傍必附宿齋一室爲新官未蒞任
者之所寓由來舊矣余知是州下車謁廟竟無是宿惟廟
西有空地一區計三畝許黍離而麥秀焉余疑吉州疊罹
兵燹延及神祠或此宿傾塌無存廟祝因而耕闢爲香火
之資耶斯時即詢之廟祝則云此地非廟有係鄉民楊姓

之所置也及詢之楊姓則云此地非民有係生員劉五美之所賃也復詢之劉生則云此地素爲生有而宿齋之地未之前聞余亦不爲深求又一年餘孰知神其有靈一日余行香畢散步廊廡觀古碑記至門外墻東見一石泥封令出之乃舊碑也上書明宏治六年春二月判官劉瀚吏目安恭學正李鞠等仝勒記云陝西王侯葬自鄉舉進士歷解州同知以課最遷秩來知是州見廟貌圯頽設法修葺又於廟西所市之餘地作公廨三間翼以兩廂爲新官未莅任之所寓前此未嘗有也云云如是則廟西之地豈劉生之所得有耶隨集郡紳衿父老暨劉生同閱是記紳衿父老僉曰然但此地在劉五美祖父所遺歷年久不僅劉生不知爲廟有即我輩亦不知爲廟有也今碑記犁然可也故余捐俸建坊外復爲之記云

吉州誌序

南 鵬

劉生夫復何辭請鐫之石以顯赫濯之靈以杜後日之嬰可也故余捐俸建坊外復爲之記云

志何防其防於作史者乎周官職方掌四方之志歲事風俗情僞各爲一書上之天子命內史識之以稽微惡而備得失是今日之所爲志即當日之所爲史也然防於史而亦防於詩也自巡狩不行爰命太史采八方詩歌考奢儉而別正淫則當日之所爲詩即今日之所爲志也志固非易言哉吉州舊志自癸未年流寇西來山城失守人民慘戮房舍燼灰而志之板籍盡付之咸陽一劫距今三十餘年無論遠者未由追溯即我朝定鼎以來其間人事滄桑歷歷如星辰螢燭戊申春二月

鵬謬膺州牧有心修輯之舉久矣無如哀鴻未集土滿爲憂未遑如願壬子冬蒙臺憲檄取州志茫無一應旋令邑廩生曹執衡廣諏父老博採遺編復於斷碣殘碑細加搜括果確確有據者志其原委巔末畧有疑似者遙且闕文無或敢訛手錄二帙恭呈憲鑒茲於癸丑夏六月復令登之棗梨鵬即捐俸刻板甫匝月而告竣誠鵬向所禱祀而求者今庶乎其少慰矣雖然志以言乎識也識其地識其人識其事與寔也即志以言乎制也分疆畫野有其制土田賦役有其制山川扼塞人物風俗有其制志固非易言哉今州境雖小亦河東之一股臙也幸於半歲之中俾一州七百里之流風逸事復羅網無遺而釐之一新藉令當伐大人君子爲問昔日之地僻民淳事簡易治之休其尙

吉縣志

卷八

十

大國民印刷廠印

有存焉者乎今志以內分疆畫野自若也爲問昔日之重義寡積敦厚尙質之休其尙有存焉者乎今志以內之士田賦役自若也爲問昔日之襟帶河山壺口孟門之勝今尙有存焉者乎今志以內之山川扼塞自若也爲問昔日如某也忠某也孝某也廉某也節之遺徽其尙有存焉者乎今志以內之人物風俗自若也孰謂一州之志非一國之史也耶竊鵬素餐六載催科撫字兩無俾益唯以誠殼自矢即三尺之童亦莫敢欺故志之一書斷不肯慌忽附會以失其真而又何得不以曹子廣諏博採之最確爲畧述其終始使後來蒞茲土者知一州之有其地有其人有其事與寔若是其班班也詎非陳詩貢俗之一助也哉

志書序

曹執衡

環吉皆山也地非沃壤民未富庶斗大一城夫何足志雖然尺土一民皆係朝廷版圖則吉地雖小亦一郡也倘不悉夫物宜何以備觀風者之者之遊覽作憂民愛國者之補救乎則志之一書誠不可少也但吉陽自兵亂之後田野荒蕪城市墟墟案上芸編盡作地下灰燼志書無存垂三十餘年矣茲康熙壬子秋蒙臺憲檄取州志我州牧南父師命衡纂修衡生也晚不獲親承文獻若以臆見操一代因革損益之權不惟滋往牒之疑亦恐貽後世之惑兼之北門起咏蓼莪興嗟負版長鳴自以爲風塵落寞久困蓬蒿已耳無心向筆墨求生活耶重以師父之命乃辭不獲乃延訪於宿儒先達廣搜於斷簡殘碑越明年癸丑初秋編成二帙若建置若風土若官師若賦役若科貢若孝

吉縣志

卷八

十一

大國民印刷廠印

義以及方物藝文條列詳明辭取其簡事取其實雖不敢言一代信史太約以公不以私傳信不傳疑使按此而議修守則山川險夷洞若觀火按此而馭民物則性情剛柔峻若列眉且觀斯土者知孰爲廉明孰爲仁愛有所觀感生斯地者知某也忠孝某也節烈有所勸慕則郡乘一書寔闡風化孰謂廣輿圖籍非黼黻國家默維世道之要略乎則志之一書不可少也更可念者吉之建置不異於昔吉之風俗亦不大異於昔獨是入籍之民昔有一萬二千餘丁者今止存三千餘丁矣晨星落落今昔大不相侔故人少則土滿土滿則財匱財匱則民貧民貧則凋耗困弊日復一日幸我南父師莅任多方撫綏哀鴻未戢苟繼此而休養生息固邦本以培元氣使七里殘黎漸復全盛不

負

聖天子加惠元元之至意而作者之苦心亦庶乎其無遺憾矣疇曰地非沃壤民未富庶而古陶唐之遺風不可復見於今日也哉衡係草茅不揣謏劣草創成編僅見一斑若夫潤澤以俟君子

張侯去思碑

國朝劉玉書本州人

吉守張公諱燦字玉山奉天遼陽人也世德積累清白傳家歷司民牧政聲卓越忻忻然歌孔邇而頌神者在在皆是前以賢能報最調補我吉吉處萬山之中糧不滿萬丁僅三千凡土之瘠民之貧地方之凋殘其有賴於賢父母之興利剔弊克復元氣者非一日矣幸公下車以來凡有關於風教有裨於地方者無不勵精以圖次第兼舉勵士

吉縣志

卷八

十二

大國民印刷廠印

於庠俾識禮義而教思廣矣勸民於農而容保宏矣禁雜派之積弊革編氓之陋習而民徭均民財裕矣建橋梁以便民生嚴賭盜以安民生勸積貯以備民荒而民利興民害除矣七年之內經營區畫第見逃者返困者蘇門無呼吏花明雞犬之村人慶年豐戶介羔羊之酒幾幾乎有陶唐遺風焉至於廛居貿易之中土著無幾外來流寓者最多公乃加意體恤凡布帛菽粟等物俱照民間平賈並無官價名色近悅因而遠來柔遠切於能邇可謂不負朝廷不負民生何天不佑吉一旦以太翁之訃至使吉人聞之如赤子之釋於襁褓亡兒之去其故鄉始而駭繼而戚其相聚也則擬伏闕叩關而必期得請其相謀也則欲攀轅臥輒恐未必我留夫合通郡之心如一心千萬人之願如

一願赫赫之譽公不肯居悠悠之思民何能已雖然怙恃
失望雖嘆息於目前而倦戀情殷安知無待於異日轉瞬
制期告滿膺不次之擢將入而佐理廊廟則霖雨蒼生吉
民亦在帡幪之中倘出而撫育晉陽則膏澤傍敷吉民亦
在河潤之內公安往而不惠我吉民哉吉民亦何日而不
叨公之福庇戴公之恩造而又何恨於蒲輪之不少待乎
但感之深而思之切惟效峴山之往事恪勒貞珉俾之炳
耀千古庶後之官斯土與生斯土者覽斯文而興感焉是
爲記

募建文廟極星門并兩廡引

國朝廿七瑛奉天人

世宗憲皇帝御極首尊 先師孔子躬行釋奠之禮於國學
復頌

吉縣志

卷八

十三

大國民印刷廠印

御書生民未有字匾額遍懸天下郡縣文廟誠崇儒重道之
鉅典也繼以古昔先儒尙有未與配食之典者
特命廷臣再三集議增入兩廡一體崇祀則凡膺

朝命與列宮墻者豈可於先師之門廡而慢忽視之哉吉
郡於明季時遭流寇之變諸事廢弛學宮尤多缺畧雖經
前人加意修整而殿陛之前竟無極星一門至於兩廡傾
圯日久先賢先儒之神主俱集於殘破之東廡一隅余奉
命守土責有攸歸因與秉鐸李君謀諸多士告以
聖天子崇奉之隆若彼而此地殘缺廢弛如此其何以仰承
朝廷之休命酬答聖賢之樂育耶幸多士各生見義之勇奮
然任修建之舉爰爲之引以告夫人之有同心者將見輪
奐立成不特有以壯

先師之門安先賢先儒之位次寔亦不負我
皇上崇儒重道之至意也

重建扶風橋碑記

甘士英

夏令有之曰九月除道十月成梁子與氏亦言歲十一月
徒杠成十二月輿梁成蓋成梁利濟民不病涉王政之大
端也吉爲古耿舊治依山而城以河爲池其東南隅係往
來孔道夏秋之交霖雨泛漲民以徒涉爲難前刺史張君
燦荆建爲橋凡五孔顏曰扶風民歌利涉後漸傾圯刺史
楊公魁甲復爲修葺厥功懋焉

世宗憲皇帝之十一年歲在癸丑自夏徂秋大雨時降山水
驟發洶涌奔騰先是建橋者以石工維艱上蓋以木水勢
浩瀚冒在橋面衝激漂沒悉倒塌無存今奉

吉縣志

卷八

十四

大國民印刷廠印

命守吉歷有年所興敝起廢苟有裨於彼都人士者靡不倡
率釐整矧是橋爲州之門戶而聽其墜壞不爲鼎新乎爰
集耆老紳士謀重建之又慮舊制卑狹不足以禦奔湍踵
舊址而加豐易木植而環石詢謀僉同涓吉覘度募匠師
徵力役計料運石趨事踴躍馨鼓弗勝經始於癸丑之冬
越明四月而竣事橋長二十有一丈廣丈有八尺視舊制
高五尺有奇樹坊於橋之南北仍顏曰扶風志舊章也列
任事者於左嘉有績也旣成吉之紳士請記而勒諸石以
垂不朽余維吉僻處萬山之中土瘠而民寡屬當
聖天子仁恩懷保澤被寰區歷年以來雨暘時若百物順成
爾吉民人歌樂利家慶盈甯用能急公趨事有餘力捐資
佐費有餘財不踰月而功克竣也則是橋之建也上以沐

主德下以覘民風垂之後世永永無斃雖謂是橋之名扶風自今伊始也亦無不可是爲記

天井龍王廟碑記

甘士英

誠敬之心著而休嘉之祥集感應之理也神靈之效彰而報功之念切典禮之宜也吉郡環山爲城土壤強半非若平疇沃野足資水利勤灌溉禾苗黍麥非陰雨時膏甘霖常潤鮮克長養而生遂焉歲已酉余奉

命來牧斯土下車後諮詢父老問民疾苦惟冀雨暘時而災沴絕與吾民共享昇平之福同樂化日之舒越三載時和歲稔民熙物皞余固仰賴

聖天子仁澤敷布物無不遂而一時吏民亦安余之拙歲在壬子春夏之交彌月不雨民以爲憂余既竭誠虔禱省躬

吉縣志

卷八

十五

大國民印刷廠印

刻責仰祈早賜甘霖以蘇民困而紳士耆民復進而請曰古城之西古有天井在河之浹平時砂石罨罩不可踪跡相傳下有龍潭週圍可四五丈深丈許濬得其跡中出清泉雖亢陽雨必應時而至然非旱甚不敢濬濬必致誠懇毋敢慢在昔固有行之而效者吾公之莅任也數年於茲雨暘時若旱乾無聞吾小民亦習而忘之茲當偏災流行旱既太甚舍是恐鮮克濟也廼宿齋戒滌心志晨興盥櫛率僚屬吏民往而恭禱焉禱畢僉持鋤鍬汰砂石尋其跡而疏濬之逾時而非跡果現又逾時而清泉果溢溢時如有雲物從中而出翌日大雨如注田疇霑足禾苗芟浮竭霽而往觀則故址湮沒砂石罨罩如故自是旱甚必禱禱輒如嚮斯應如影隨形噫神亦靈怪矣哉記曰有功於民

則祀之茲神之靈惠我吉民匪朝伊夕立廟而俎豆之宜也非僭也余捐俸而爲之倡吉之士庶踴躍而樂從焉乃卜厥土無水虞者鳩工庀材構三楹以爲棲神之所立像崇祀顏其廡曰天井龍王懸額於庭曰澤被蒸民以彰神庥以答神貺是役也興於乙卯之仲春越三月而落成焉吉人請書其事於石以誌不朽余曰諾遂援筆而爲之記

志書序

甘士英

我

國家定鼎以來九十餘年間忠臣義士孝子節婦既皆彪炳天壤而誌乘未載曷以垂之永久雍正七年

世宗憲皇帝垂念及此

吉縣志

卷八

十六

大國民印刷廠印

欽命天下郡邑俱各纂修誌書申之上司彙爲省誌進呈

御覽以備統誌館采輯之需其於顯微闡幽典至鉅也士英以高平令奉

命來牧吉州適當其時加之吉係近改直隸兼轄鄉蒲二邑向皆各自爲誌不特郡邑藉以聯合而於有關人心風俗維持名教之處悉得以表見之不誠厚幸歟獨是州誌因明末離亂之後毀棄無存至康熙十二年始有里人曹執衡追憶撰述既不全備亦少倫紀而寧誌浮誇蒲誌儉陋更甚於此非有博識之士文獻之徵烏能勝此乃吉與二邑僻處萬山士多負耒人鮮貫通所謂斷簡殘編遺碑廢碣百不得一距無掛漏貽譏然當

聖天子經理庶務百度維新不於此採摭補綴以襄

盛朝一代之典章則尸素之責更不可追爰屬一二同心博稽掌故撫拾舊聞信者仍之疑者闕焉踰年而竣以稿本送通志館期俟通志告成再謀付之梨棗以示來茲九年冬朝議以蒲縣改屬隰州而吉郡只轄鄉窳一邑規制既更勢不得不復爲增省以成一郡之誌且俾邑之人士知我世宗顯皇帝顯微闡幽大小不遺於修誌一節亦寓砥礪人心風俗之至意則今日之郵隆極治一道同風雖與古之聖君哲后合德而同揆可也因忘其固而爲之弁其端以志一時之盛

吉縣志

卷八

十七

大國民印刷廠印

詩

經慈州感謝郎中

唐黃滔

金聲本是古詩流况有池塘春草儔莫遣宣城獨垂號
雲山彼此謝公遊

初秋到慈州冬首換絳牧

唐唐彥謙

秋杪初攀玉樹枝隔年無計侍春暉自嫌暫作仙城守
下逐鶯來共燕飛

吉州道中

明楊文卿

傍崖桑棗未成林障日蜂蠻每送陰石解鈞衣緣有角
雲能碍日豈無心笙簫韻落清溪淺蹊徑香迷宿草深
到處驚魂常戒儉偶然適意便成吟

孟門夜月

明張周祐本州人

吉縣志

卷八

十八

大國民印刷廠印

峨崗轟轟水洋洋銀漢橫空夜未央河底有天涵鬼影
山間無物掩蟾光清輝厚積千林雪寒氣輕飛九陌霜
因甚孟門開寶鏡姮娥向晚理殘粧

壺口秋風

明陳維藩

碧空昨夜度賓鴻壺口波兮思禹功一水中分秦晉異
兩山傍峙古今同秋風捲起千層浪晚日迎來萬丈虹
八載勤王方奏績鑿成天險壯河東

錦屏疊翠

明張殿陞

淑氣氤氳春令行佳山送翠景偏清風吹楊柳千條綠
兩潤藤蘿一望青好鳥林中調巧韻奇花枝上吐芳英
是誰喚起王摩詰畫就文城錦繡屏

石孔飛泉

陳維藩

發源分派自崑崙，恣彼靈湫透石根。泉湧千流達九曲，
水通一竅會三門。味兼甘露鮮還美，冷澗明珠散復存。
溥署可消遊子渴，天光雲影入無痕。

壽山夕照

拱秀南山綠潑油，登樓瞻眺任夷猶。無邊紫翠開霞照，
何限桑榆托晚收。鴉背初翻林外面，羊羣纔下嶺前頭。
爭奇列岫相輝映，好景偏於日暮留。

佛閣晴嵐

丁汝謙

近水臨山遠市塵，梵王宮殿建何年。層巒迎曉如垂露，
壘嶂入昏似帶烟。騷客適情吟白雪，禪僧養靜坐青蓮。
嵐光翠色渾無際，縹渺延綿接上天。

小橋流水

陳維藩

吉縣志

卷八

十九

大國民印刷廠印

幾處橋梁構接山，石巖作枕溯溪環。天移鰲背來青海，
地擁虹腰跨碧灣。錦鯉聽雷騰浪裏，神龍吐霧向波間。
縱橫車騎同周道，過往行人不告艱。

古桐瑤桃

劉德溥

削土爲基石，蹟奇好如仙。府少人棲瑤桃，百樹堪清賞。
峭壁千尋可品題，羽客航幽門戶掩。詩人中酒路途迷，
三春牽引人遊玩。常有金鞍玉馬嘶。

久晴得雨

明羅應許巡道

孤輶衝暑問山程，風轉寒雲掩翠屏。迎旆桃花還笑笑，
催耕播穀更聲聲。憂民欲訴三春急，客况徒勞兩鬢驚。
治世老天終可籲，故將好雨近清明。

觀壺口

張應春

星宿發源自碧空
鑿開壺口賴神功
吐吞萬壑百川浩
出納千流九曲雄
水底有龍掀巨浪
岸旁無雨掛長虹
朝奔滄海夕回首
指顧還西瞬息東

孟門夜月

張應春

蒼蓋橫銀漢
翠峰掛玉盤
林疏光皎皎
浪靜影團團
耿耿冰輪滿
迢迢白練寒
素娥離桂殿
玩水更遊山

張應春

颯颯金風動
凝凝玉露清
壺山木葉下
洪水波濤驚
冷透白蘋岸
寒侵紅蓼汀
禹功疏鑿後
千載仰成平

張應春

櫺星門外有流泉
飲馬名歌幾百年
一線直通天地竅
兩涓雙匯古今漩
濺濺瀉去如珠布
滾滾湧來似璧聯

吉縣志

卷八

二十一

大國民印刷廠印

天爲鬢宮無泮水
故將石上起潺湲

吉州署中

張銓天雄人

木落天空野徑秋
蕭蕭寒館暫夷猶
半山睥睨披青靄
九月冰泉咽素流
訟獄無多公案寂
催徵有額縣官憂
夜來欹枕應難寐
肉食驚心愧壯遊

過吉州

石玠巡道

川奠山河山接城
奧區端穩此聞名
泉奔遠壑朝還暮
雲近危峰晦復明
民爲供租勤墾闢
士知力學幾光榮
太和清化均遐邇
况是陶唐舊淑成

吉州公署

楊國柱陝西人

五月驅車到古城
崗巒巒擁護錦屏
迎居官須是寧鷄犬
始見山高共水清

赴吉州署中

國朝紀振邊海州人

危峰層疊逼於天
寥落征車信後先
古木棲鴉聲寂寂
寒泉繞湖水涓涓
非關吏隱尋幽徑
却憶民瘼似倒懸
回首鄉山何處是
聊將岑寂澹諸緣

南鵬

僻處深山已數年
惟與衾影對青天
空庭葉積書常滿
錦壁雲開花自妍
落拓形骸槩可托
寂寥居止鶴思遷
此中消息憑誰語
日落長松留暮烟

南鵬

春日東城
桃試新紅柳試烟
錦屏山外好春天
翱翔鸞燕笙歌韻
高下青黃菜麥田
鬱鬱葱葱歌樂土
風風雨雨兆豐年
官安難報吾

吉縣志

卷八

二十一

大國民印刷廠印

皇德馬上惟擎額上拳

觀孟門山

南鵬

聞說孟門小來看
大似拳生成書案
景擬在畫圖懸丹
化神仙蹟龍潛吐
怪涎敢同銀漢使
母謂犯星躔
觀壺口

南鵬

大禹開天手先從壺口聞
收來一曲水放出半天雲浪
怒山林亂光寒肌骨分
憑虛頻眺望秋氣共氤氳
賦錦屏山二首

六言

南鵬

花氣未香山翠柳絲初綠
春妍鳥宿不離枝上雲來認
定峰巔

其二

草色芊芊有致鶯聲哈哈堪誇
山綠多因楊柳谿紅半

是桃花

錦屏春曉

陳于王會稽人

一望青山別有天叢陰簇處翠如烟參差老樹層層碧
濃淡桃花級級妍倦鳥出林隨意嘯懶雲戀石盡成眠
誰將妙筆臨成稿携上襄陽書畫船

遊人祖山

陳于王

萬疊奇峰一片雲舞青搖綠蠶紛紛千巖只在晴時出
衆瀑惟從頭上聞詩興忽生香霧冷鳥聲初起夕陽曛
巍巍宮殿深嵐裏松腹猶存蝌蚪文

觀孟門

陳于王

孤峰獨立是何年想鑿雲根剩隻拳南接龍門千古氣
西牽壺口一絲天暗嵐飲日當波出怒水呼風抱浪眠

吉縣志

卷八

二十二

大國民印刷廠印

非是無緣人不到此中只可息飛仙

觀壺口

陳于王

黃河之水自天來天使鴻濛命禹開壺內魚龍隨勢入
沙邊鸞鶴聽濤迴山分晉秦常婚嫁浪疊雲霞任剪裁
我欲乘槎探星宿登臨長嘯幾徘徊

壺口

甘國基奉天人

壺口深山裏神功不可侔浪花噴五色湍勢吼千牛風
過龍飛沫雲來蜃結樓遐荒留禹澤萬古向南流
馮家磧僭運野望

甘國基

飛濤作雪灑晴天旅客含愁望渺然谷口落霞披鳥背
村墟高樹出山巔上灘遠纜人如薺激岸狂瀾葉似船
寄命篙師今日信一回惆悵一堪憐

以上二首乃先方伯任太原府時有事於吉之作茲因纂修州志登之藝文集中手澤猶新音容不復能無慨然 男士瑛謹識

吉州歌和吳青霞原韻

國朝 田鳴玉山陰人

雲昏風急啼俚鬼頽城夜閉深山裏此地傳聞曾定都
殷宗遷避黃河水如今城堞盡傾圮往昔繁華那得知
惟有吏身閒似隱儘容高臥起偏遲莫從原上登高望
石田土窟無人狀河畔姚長舊築城宇文高氏傳飛將
西南對岸是華山歷代皇都近日邊當時宮闕俱何在
禾麥離離起暮烟

飲吉州蒙泉偶題

國朝任 鳳嘉興人

泉從文廟聖殿發源浸入泮池又潛伏地底至崖下石罅中流出昔有人於泉之上刊題曰蒙泉蓋取象于易卦山下出泉君子以果行育德之義土人以尉遲敬德飲馬於此因呼為飲馬泉其說近陋應從蒙泉之說為正

甘泉雖地出發源在宮墻自與凡流異應知道脈長一

吉縣志

卷八

二十三

大國民印刷膠印

泓激澹蕩萬戶飲清涼有本者如是不徒煮茗香贊

曹節婦葛氏贊

國朝 劉 佐本州人

貧極兼無子清操獨守艱堪為閨闈範直逾丈夫班冰
葉千秋仰松筠萬古攀音容雖已沒正氣在人間
陳節婦張氏贊 劉 佐

擇繼存宗易完操教子難毀容兼斷髮畫荻更和丸白
璧誰能涅蒼松獨耐寒分明秋水影萬古照人看
劉節婦白氏贊 國朝 張爾翽

歷盡艱辛數十秋青絲白到雪盈頭山川千古名千古
贏得芬芳志乘留
楊節婦雷氏贊 張爾翽

苦守清操三十年從無非議到人間儀型何事堪持贈
賦取冰壺清一篇

賦

壺口賦

明黃光燁羅山人

維茲壺口載在禹謨長河自北而南中分秦晉之區因
其形似而名之恍疊甕之乍收上寬中狹自高而下峻
若建瓴駛若奔馬洪波急濺驚濤怒瀉聽之若雷霆之
鳴望之若虹霓之射兩岸環山河底維石氣常陰沍寒
早燠遲每至仲冬之交河冰先結既堅且厚人畜重任
往來無阻屢歲有秦寇之搶攘恆緣冰堅而竊渡致動
王師之戍守煩臺憲之節駐咸基列而星羅更雲屯而
兩聚兵集糧從飛輓輸助宜及未雨修之於豫余守茲

吉縣志

卷八

二十四

大國民印刷廠印

土藟餉是司無事而非恣飭之事無時而非戒懼之時
維季秋之月當冰堅而慮之適奉檄嚴飭河防至止其
處上下彷徨相其原隰度其夕陽孰可棲萬竈之烟孰
可容千騎之場孰可據險而設伏孰可出奇而扼吭器
械畢具墩堡列行審先機而籌畫勿當境而惆悵爰禮
河伯克祀克歆牲帛既具酒醴斯馨時秋深而風冽仰
天高而氣清驚馮夷之怒號訝龍馭之疾奔日光掩映
而爲色石干相激而成聲噴薄兮若珠璣之綴舞璀璨
兮若絲縷之雜陳念昔爲商旅之坦途今反若天塹之
重關豈隨刊之明德既邈抑氣運之否剝使然願彼寇
氛之殄滅明復我禹甸之又安

吉州全志卷八下

知州吳葵之奉 文重修

藝文

榮祿大夫翰林院承旨攝刑部尙書馮公神道碑序

元好問 金

歲壬辰夏四月辛丑京城受兵刑部君逃難倉卒遂與家人相失明日事定君之子原吉輩求訪百至幸其微服而北也乃渡河而物色之於大明東平於大興於大定閱三數年之久歷萬里之遙關河險阻飢凍困踣瀕於死者屢矣然竟無所見之矣已冬好問過大名始以所聞告君之季子亨蓋君既爲騎兵所得將擁而北行人有見之者謂君辭情慷慨義不受辱竟自投城旁近井井中亨乃發喪

吉縣志

卷八

一

大國民印刷廠印

行服又將以故事奉君衣冠葬於陽莊里以好問嘗得幸於君涕泗百拜以碑見請謹爲論之君諱延登字子俊世爲吉州吉鄉人曾太父世安以醫名河東鄉里推其隱德及人謂子孫當有起其家者大父成易醫而農父始知讀書且好與羽人僧客遊後因君貴贈資善大夫始平君侯妣柳氏始平郡太夫人生三子君其仲也幼穎悟不凡初入小學輒云吾家得吾當不復耕鋤矣少長從鄉先生作舉子業即有聲場屋間年二十三登承安二年詞賦進士解褐臨真主簿補德順軍判官太和六年知懷甯寨事使者舉廉能轉甯邊縣令衛紹王大安元年雹傷稼民無所於糴官爲發粟賑貧君爲區處全活者不勝計刺使涇陽趙國君臣慨然以良民吏之三年丁內艱宣宗禎祐二年

起復補尙書省令史知管差除五年授河中府判官兼行尙書左右司員外郎興定二年充國史院編修官考試開封進士改太常博士未幾出爲平涼路行尙書省左右司員外郎中兼翰林修撰俄以知登聞鼓兼授奉使夏國就充接送伴使哀宗即位超翰林待制同修國史典登聞鼓事三年考試宏詞科尋被詔審理寃滯七月出爲京兆行尙書事左右司員外郎五年授睢州刺史兼行大名府治中尋改京兆府路司農少卿七年復翰林待制充御前讀書官仍宏詞科遷國子祭酒借註翰林承旨充國信使八年春奉國書見於虢州御營有旨問汝識鳳翔帥否對曰識之又問何如人曰能辦事者也汝能招之使降即賞汝死否則殺汝矣曰奉國書請和招降豈使者事乎招降亦

吉縣志

卷八

二

大國民印刷廠印

生還朝亦死不若今日即死之爲愈也明日復問昨所問汝曾思之否對如前問至再三執意不回又明日乃諭旨召之汝罪應死但古無殺使者之理看君鬚髯甚偉乃薙去遷之豐州壬辰河南破車駕駐鄭州有旨發還三月入京官翰林院久之復祭酒歷禮吏二部侍郎權刑部尙書明年遭變得年五十有九積官資善大夫勳上護軍封平郡侯食邑千戶實邑百戶娶同郡樊同官縣令拜憲之女封平郡夫人後君二月卒子男三皆用蔭補原懷遠大將軍吉安遠大將軍睢州軍事判官亨忠顯校尉選授靈寶縣尉女二長嫁盱眙元帥府臣推官張慥次嫁鑑湖稅蘭公輔仁充本州學正孫男四俱幼君資謹厚寡於言笑外若平易而臨事有執持禍福不少較辨初入官遂有能名

懷素無廟學君爲發殿中長生樹以爲材廟將成有芝
十八莖生於大成殿梁間時人異焉在甯邊日學詩於閑
閑公從此詩材大進緻密工巧時人少見其比及入翰苑
一日有省急招草誥詔三篇君援筆立就文不加點專國
高公大加賞異曰學士才藻如此而汝勵不能盡知負慚
多矣因命錄文業以獻公諾之而不之奉也或以爲言承
相求君文甚勤何自閉之深也曰爲官窮達在我而已何
事假人也有溪水當其門故公以橫溪翁爲號有橫溪集
刻若干卷行於世生平以易爲業及安置豐州時日嘗以
易一編自隨日夕研究大有所得既歸集前人章句爲一
書曰學易記藏於家竊謂君於死生之際剛決如此殆於
易所謂知命者非耶示以銘曰日吉兮時良鬱佳城兮君

吉縣志

卷八

三

大國民印刷廠印

所藏仁者之勇兮決以剛身已滅名益光何以名之兮北
方之強天厚報兮德且昌世永享兮歲蒸嘗橫溪兮洋洋
植豐碑兮墓旁魂歸來兮安故鄉滯淫盜壙兮復何望

重修學宮城垣碑記

國朝蘭第錫本州人

古之膺民社者計莫重於城郭完固學校修明而後民生
可立教化可行是良有司必以是爲首務焉吉州爲古壺
地在殷曰耿在周屬晉曰屈西跨長河東連鄂壘層巒疊
嶂崒崒宛延固形勝之域也其間城池學舍燦然大備第
日久年深不無圯壤乾隆壬子歲州牧蔡公溢海奉簡
書蒞吉下車之始卽慨然以修城垣新學校爲己任雖古
之良吏無以過焉考吉州城修於晉獻公子夷吾明景泰
初因山爲城周一里計二百九十步高二丈五尺嘉靖初

復建外城東築土城二百五十丈西築石城二百二十丈後又復築外城計周四里民賴以安

國朝以來經歷修治乾隆三十一年州牧惑於堪輿之說將人烟稠密處所割裂城外未便於民數請營修以復舊制前令胡公詳准領款適去任未辦公至士民復請於公公遂自輸廉俸卜日興工並謂學舍垣墉棟宇俱就剝蝕亦宜一併重修於是合州人士皆踴躍趨公爭先樂助不數月而城垣學校煥然復新余聞喜之畧分歲俸之所餘者以襄義舉功竣請記於余愧不能文兼以宣防任重奔走河壩竟至無暇握管然思蔡公之爲人事親孝官居廉慷慨正直而遇事敢言乾隆丙申歲公策名江右適余爲贛南觀察使深悉其政績廉明能以道學飭吏治洵洵然有

吉縣志

卷八

四

大國民印刷廠印

君子風今來是州觀其所爲輒有裨於地方風化誠吾鄉之厚望也知公如余宜爲公記公粵東順德人名國臣字堯卿溢海其號也其勤事樂助姓名例附碑陰

管帶樹字新軍前營林公成興創修橋路及放賑功德碑記

白汝驥本州人

古之所謂名將者要必有德被生民功及後世之實以流餘風於母替而不徒以肅號令壯軍威自謂克盡乃職而已也自善戰之風興而斯道遂廢其中尤著者不過深明韜畧精嚴紀律恃虎鈴魚麗之長才矜五花八門之妙用求所謂實心爲民秋毫勿犯者已不可得矣而况布慈雲於萬姓沛膏雨於窮簷者乎若我林公則不然公名成興江西人也幼即不凡鍾川嶽之秀氣長尤多藝擅宇宙之

菁華以是拳擊技射一時稱絕技焉然素有大志不甘伏
櫪田間遂乃從軍遠城志期封候於同治九年以張公樹
屏統帶樹字新軍六營駐防斯土公遂分帶前營駐軍於
斯土之蝦蟆灘抑驕兵制悍卒招亡撫散丕振瘡痍邇年
以來地不知兵民皆樂業熙熙然如登於春臺之上蓋不
徒有良將之才而實能以萬姓休養力爲己任者也所尤
異者斯地自同治九年歲遭荒旱每麥子一斗價至一千
五百錢文村中死者相繼公乃晝夜圖維悉將營中餘餉
散借貧民全活者不下數萬衆次年夏歲大有每斗麥子
價值錢五百文有欲以加倍還公言者公即怫然怒由是
歲以爲常夫賑飢救荒國家自有定例官斯土者良有司
亦或能奉行然皆循朝廷之故事飽胥吏之谿壑求其實

吉縣志

卷八

五

大國民印刷廠印

惠及民無愧常平之法者蓋百無一焉况得諸將帥之中
哉而公之施爲竟如此也其德之被及生民者爲何如也
州之河口有泮水焉澄深無底峭壁巉立溯河口而上以
至人可渡處約有四五里行者咸以爲艱公乃建橋其上
以便往來由蝦蟆而上路通小船窩由蝦蟆灘而下路通
麻子灘地爲衝要而路極險艱下臨萬仞之崖行人僅能
容足公乃督派兵勇日事營修由是蠶叢鳥道之區悉爲
康莊大路矣凡此凡數百年未竟之功也而公一旦成之
又不徒爲億萬衆濟天險之窮而且爲億萬年開此蕩平
之途也其功之及於後世者何如也某等生長遐陬日沐
德化感樾蔭之覆庇恨瓊琚之莫報因思歌時雨於旣降
不如普惠風於將來乃共爲商確咸欲勒諸貞珉以垂不

朽昔羊公遊歷峴山曾留墮淚之碑召伯循行南國遂有
勿伐之樹千載而下競爲美談况我公以文武之全才兼
兩公之盛舉其遺愛爲何如哉今惟共勒諸石庶幾功德
蕩蕩恩波與壺水長流巉石岩岩芳名偕柏山並永若夫
肅號令壯觀瞻樹斯民之保障作盛世之干城則非公之
所異也茲不復及之

大荒碑

馮錫福本州人

天災流行何代蔑有光緒丁丑歲乃大飢也麥未種秋未
登一歲已成兩歲之災食樹皮食人肉十分幾斃七分之
數及至戊寅夏麥米每斗四千餘文雖楚之米貴於珠宋
之易子而食未足方斯慘烈矣適巡撫山右者一等威毅
伯印國荃殫精竭慮備盡圖維奏請蠲免丁丑下忙及戊

吉縣志

卷八

六

大國民印刷廠印

寅兩忙錢糧又請設立賑局按月發賑自捐俸廉移粟籌
餉 聖上恩准 欽命前工部右侍郎閻公印敬銘督辦
山西全省賑務又命翰林院編修李公印用清兵部員外
郎王公印炳壇星夜馳驅明查暗訪道路風清吏弊咸絕
自丁丑十二月起頒發賑銀四千兩麥種銀三千兩由什
貼和米變價銀二千九百六十九兩小麥五百石高粱二
千一百石大米二千石小米四千七百石棉衣九百件沿
途畜牲餓弊殆盡搬運粟糧不能應時延至己卯三月尙
未運完雖由道路間隔實

天恩浩蕩有加無已所致也由平陽以上所發脚價若干不
可計憶自平陽以下共領脚價錢一萬二千七百六十七
串四百五十文災爲千古未有之災典亦曠代希聞之典

巍巍功德民無能名矣 上憲若是圖維理宜保全無恙
但吉州地瘠民貧專事農桑一遇荒年流亡過甚丁丑十
月抄錄食賑戶口二萬二千一百六十九口續鈔次貧並
聞賑歸里九千五百餘口及至戊寅十一月僅抄一萬八
百六十七口詩所謂周餘黎民靡有子遺者其斯之謂與
幸我 父天吳公 印葵之係懷慶人於戊寅春以候補知
縣接署州篆 上憲並飭學正黃公 印維墀裴公 印國苞
分辦寒士賑務又飭守備閻公 印登庸千總劉公 印耀光
外委張公 印繼業分辦營務賑務又飭吏目曹公 印貽祥
協辦賑務 父台下車伊始清如秋水惠似春風日用飲
食出錢公買放賑詳冊僱人謄錄除放上發粟銀又放本
地存積谷六千一百五石四斗捐輸銀九千三百五十三

吉縣志

卷八

七

大國民印刷廠印

兩專令各路紳士如數按口分給未嘗稍爲染指收糧放
銀始終不經胥役提斗捉秤早晚親自檢點嘗謂局紳曰
上憲不遠千里頒發衣食等物豁免畜賦牲稅愛民之心
無所不至矣余今者現爲吉民牧未能解囊賑濟誠有愧
耳敢以顆粒分文假公濟私乎即稍爲賠墊乃所願也
父台嚴於自慎局紳誰敢自寬使我鰥寡孤獨輩咸得坐
享優游均得 天子之實惠州屬父老皆聚首而相告曰
向非我 父台吾黨悉爲溝中瘠矣但歷任未久他務不
遑未能大展施爲即補武鄉縣篆惟恐久而湮沒漸忘恩
德之盛咸欲乞文勒石以志永垂不朽使後世子孫皆知
天地有如此大劫 朝廷有如此曠典 上憲有如此經
營而又知我 父台有如此廉明後之覽者皆能有以感

愧云

埋枯骨記

裴國苞陽曲人

光緒四年春臯蘭馬公元驥來理州篆甫下車賑務告急他事未遑而尸骨滿野不忍令其暴露正欲設法掩蔽適上憲有文飭令瘞埋公旋以交卸去臨行時捐有錢文卽以此事重托捕廳曹公貽祥紳士薛公溥榮二人實力爲之薛公卽出資覓人掘男女坑各一以爲掩埋計乃州憲命赴平郡接賑未克完埋曹公遂捐助八十餘金令人各處搜求親爲檢查覆蓋甚厚及薛歸猶恐爲豺狼所挖食復命工人築土加深不欲再爲踐踏雖一節之仁不足表揚後世而捐資成美誠有可以風世者故爲小記以誌之

吉縣志

卷八

八

大國民印刷廠印

遊麥城記

白汝驥本州人

吉州爲古耿地昔商時祖乙都於耿據書傳咸以耿地瀕河屢圯於水至盤庚復遷於殷春秋時曰耿鄉自獻公賜趙夙其後耿復大隋時改置耿州以其曾爲耿故也然吉屬萬山之中城郭逼仄山水濼洄環城而列者俱皆窮岡絕巘相厭攸居並無可以建都者余生長於斯讀書之下每爲追維未嘗不廢書三嘆慨然有黍離麥秀之感歲己卯春三月予以有事麥城麥城居州之東北距城三十餘里路必經包山之巒包山爲州望山雖不甚高大而實東北一帶諸原之祖予登臨之際從高俯覽遙見四圍遠山隱現各數百里中皆平原曠野一望無垠若非限於溝壑則車輒馬跡縱橫東南百里之間其平如坻矣予不勝心訝以爲山川形勢之勝固有

如此壯麗者惜人烟寥落棄同僻壤倘使當年設邦建都則山河鞏固固亦無愧天府之區也由包山而下始至麥城村村僅平岡一原左爲桑村右爲彝村相距各五里許中皆分爲大溝村上故爲古城墻厚可三丈高亦如之其東至於桑村之原而其西則在於彝村周圍約有二十餘里遺跡至今顯然南雖逼近大河半爲溝澮而各原盡處所餘故址隔溝望之尙壘壘相對若合符節城內又有小城兩三重高厚略皆不等今亦爲溝隔斷時有時無村中地內俱皆殘磚廢瓦堆積不絕予周覽之際遐思遠想律以書傳瀕河之語証亦今時圯水之形不禁慨然太息以爲昔之所謂建都其在是矣其在是矣而故老無傳殘編莫考亦惟於望古遙集之下徒增其山川憑弔而已北至城外舊有古大路蕩平無阻直

吉縣志

卷八

九

大國民印刷廠印

通於包山而苔積沙綉半傾溝壑行蹤久絕矣城之東隅有古教場焉其地今猶呼爲箭道坪距村五里白子溝有激水車道相傳建國時汲水之處村中井坪數處相傳內有古井今亦湮沒無存又三村地內猶多古遺物每於大雨過後土人輒拾得古銅箭簇銅印及不可名狀之物難以計數而箭簇爲尤甚往往有拾至數升者其形類皆三稜長可寸餘余曾得一小銅印上刻無當司馬其篆的爲魏晉時物土人傳言此百里爲王之時所遺也余笑而領之夫物之識與不識每視好古者之摩娑而地之傳與不傳尤增有心人之寤慨按此地昔爲秦晉要津五代之際實爲干戈戎馬之場元時屯兵十萬遺鋒斷鏃固不足奇但觀其城郭形勢之大溝壑推陷之深誠有非殷周以下所能遽及者何也考周距今千

百餘年其中沿革廢置尙皆畧有考况城郭廢置陷爲溝壑由周迄今亦不應若是之甚也且周制大都不過百雉即使分建侯封其城亦未有若斯之大者其爲周時以上已明矣祖乙至今三千七百餘載意其時必接陌連阡坦無溝壑北枕北山南臨大河四山拱圍氣象宏敞相地建都固亦確有可取也迨播遷既久廢爲邱墟地高土疏日就頽損年積代謝朝市變爲深谿時易事移故宮鞠爲茂草詩曰高岸爲谷深谷爲陵其信然矣余末學固陋既乏考據之資而又此地舊志久失無從援証睹此故城遺址不忍聽其蕪沒於空山因約記其概至於窮源溯委考証得失尙俟後之博雅君子詳爲正之余不敢知矣

丐孝子傳

白汝驥

吉縣志

卷八

十

大國民印刷廠印

孝子稷山人遺其姓氏年約二十許以織蓆爲業服賈陝西光緒二年山右飢孝子父自家抵陝依孝子爲生孝子拮据奉養無間晨昏無何孝子父病同居者不相容孝子遂挈父東歸抵陝西某鎮夜宿土窰孝子煨火禦寒禦寒父睡熟不謹竟以衣置火中行裝俱成灰燼孝子抵死救之面目焦灼從火中拽父以出父始免然衣服已無餘矣孝子雖身帶傷而經營百計負痛操作稍得財即復置衣衣父及臘月始至州境時父痛已不能行孝子携持抱保寸步不離晝則沿門乞食夜則依戀左右所得之食悉以食父上人多爲哀之三年正月孝子父遂不起是時路斃者多爲拋棄孝子沿街號泣乞借鋤以瘞父骨市人爲瘞於城北之義塚側主事者不及待孝子以手掬土掩葬遺骸手指俱裂先是父未歿時

孝子徧在各門哀懇傭工願不受身金以糊父口而時事已艱竟無首肯者及父歿孝子痛其父死之酷也傷其流落之慘也在墓哀號晝夜者三淚繼以血終不去聲嘶遠邇聞者酸心土人有好義者哀其孝始曳入市中然孝子之不死者氣已一綫矣在市呼父痛哭日惟求死與之食亦不食夢寢之中猶詢父所在市人皆以孝子呼之

論曰自孝之風微而士大夫之視同陌路者比比然矣况欲得諸愚賤之流哉今孝子以艱難備歷之餘顛沛屢嘗之後竟舍死不顧抵死相從致使父子同時一死論死不無隱痛而此心此理即質之天地鬼神固可稍無遺憾矣孟子曰無求生以害仁有殺身以成仁如若人者其殆庶幾與

吉縣志

卷八

十一

大國民印刷廠印

陳列女傳

白汝驥

女姓陳氏處士五昌公之女幼聰慧頗通詩書許字同郡竇氏同治六年逆匪竄境時竇氏子被殺是時女尙未嫁遂矢志守節願以歸事翁始竇氏家故貧知女志堅屢請歸不許女遂長居母家光緒三年歲大稔竇氏合家俱歿父謂女曰汝所以不嫁者徒以有竇氏故耳今竇氏已無人矣縱終守將欲安歸女婉言謝絕願以嬰兒子自處居無何父病復謂女曰女能嫁則嫁之若不嫁必終守倘吾死而汝嫁則不孝之罪直通於天矣女聞涕泣誓以死期之時年二十有九矣先是女生而賢孝自以未嫁守節故其名傳於遠邇大家世族爭欲委禽焉而女終不許平居長齋默坐惟事誦經親戚中有勸以另字者女必引古烈女以正之以是族黨中無復

言者及光緒四年粟價昂貴州人多餓死女父故貧有某豔其名欲以利啖之願先助麥一石以求婚女父母意稍移而女竟以柏舟自矢抵死不從事遂寢及父歿女遂哀毀備至痛不欲生繼念孀母在堂故復破淚爲歡強進飲食居常言及此事輒流涕語人曰吾以之死靡他之故不肯降志辱身救吾父於危殆者更違命以改適是人類之所絕也言之聲隨淚下女今年已三十而依戀膝下奉養晨昏畧無異處子見者皆談爲人生難得云

語曰昔共姜以柏舟誓志陶嬰以鴻鵠寄心而節義之流傳遂昭千古矣然皆以既嫁守節求其以未嫁之夫矢不字之貞而守從衆之義如吾州所謂烈女者蓋亦僅矣趙威后有云北宮之女嬰兒子無恙耶撤其環瑱至老不嫁

吉縣志

卷八

十二

大國民印刷廠印

以養父母是率民而出於孝情者也烈女殆其流亞與

孝婦傳

柴海本州人

婦姓強氏諸生際清之女馮氏丕緒之妻也性淑慎有古林下風恪守婦道勤習女紅中饋之間妯娌和睦庭無間言其事舅姑以禮怡色柔聲朝夕如一姑歿後舅患癱疾年已七十餘矣起坐疴癢婦必敬以扶持較姑在日爲倍摯禮云婦人不飾不敢見舅姑婦每晨起梳洗即上堂問舅安始入厨造食必潔淨侍食畢然後食常盛夏與夫負舅至院之清涼處安置坐褥逐繩拂蚊服事唯謹一指一視即知其心之所欲故盤匱几杖之間無不如意若此者八年略無難色予嘉其用力用勞始終罔殆誠有不可湮沒者因爲傳行實以志不朽云

雙烈傳

白汝驥

雙烈者諸生鍾蕃李公之二女而白氏兄弟之妻也俱皆柔順端貞克嫻婦道長適儒生白兆清同治六年與姑避賊於柏樊頭村賊至衆皆被掠氏義不受辱遂乘間赴崖次即兆清堂弟諸生兆廉之妻年十九適白白氏夫亡時二十三歲所遺前妻之子僅數齡家人以其年少立迫改適氏遂矢神前日生爲白氏媳死爲白氏婦今日一出此言此生之死靡他矣居三年遺子殤氏雖頓失所望然猶念有翁姑不忍過爲慘悼及臘月翁復歿氏雖哀毀備至痛白氏之式微而悵身命之不猶也乃長齋誦經願修來世居常與姑同處惟以孝謹事親期盡餘年至於家庭瑣事悉皆置若罔聞矣先是氏有兄嫂者素頑悍自氏以年少寡居每欲借此居奇令其

吉縣志

卷八

十三

大國民印刷廠印

速嫁而氏終不許及父歿遂日爲詬誶益不相容凡其日用飲食間絮聒之聲凌厲之色無非注意於氏者而氏處之自若未嘗稍介於懷也光緒三年姑以勃谿不安始持議分爨冀各立門戶稍可安生遽期分爨後氏與姑處益違兄嫂意日唯伺其意以陷謀之一日氏歸母家姑亦適往他處其兄嫂遂將氏之所分產業悉爲典賣及氏歸家只餘徒四壁竟無立身之所矣氏遂痛哭而返寄居母家數年親戚多勸其嫁者氏必嚴辭拒絕母弟歿後家人益厭簿之其母每日汝旣身無所歸縱母家可居終非久戀之地乘此年猶未老奈何不爲終身謀我在時若輩尙不相容我死汝將何以自處言罷母女相對而泣如是者日以爲常然松柏之性終未少移也嘗曰吾自夫亡後茹苦守節今已十六年矣少年時尙

不易志今將老矣乃遽爲此敗節之行乎其立志蓋愈堅云
余嘗謂以氏所處之境其節烈忠難實有倍難於其姊者而
氏竟能之死靡他後先繼美語曰慷慨赴死易從容就義難
如氏者蓋可一日千秋矣故爲並記其略以俟夫觀風者採
焉

蘭古莊寨記

葛臨洲 本州人

寨在城南十里蘭古莊北里許寨子渠環堵深山巨壑中間
孤山突立高約二十丈形若覆鐘而微長周圍自足至頂峭
絕如削成頂上數丈之廣荊棘蔓草叢生無隙舊有
關聖廟一楹傾頽弗存山東壁之半洞口三四相去高下遠
近不等相傳爲兵燹避難之所創造莫考洞內穿暗窟三層
連轉而升階砌相通可出山頂每層內土窰三數十孔可居

吉縣志

卷八

十四

大國民印刷廠印

住但門徑塌損從未有入其中而覘之者同治丁卯十一月
冰橋捻匪告急村人恍惚無措余遂率村中壯丁五六人於
山足之南修一羊腸小道橫斜而陟至洞北一洞口入其中
上砌數十層疊而上砌盡筒道如巷兩旁土窰聯密連似三
層之中級而上下兩層無路可尋二十三日黃昏賊前哨已
至村人近六十餘家罄宅而登既登即以土塞洞口轉運薪
水則長索牽引是夜本城及附近各村扶老携幼而至者又
數百人俱以索引登次日賊衆頻集賴其陷固竟得保全越
明年戊辰余又捐微貲於洞口修一小門洞外小道斷絕丈
餘施以覆板視前較完密矣謹志之

光緒二十六年救荒碑記

盛朝深仁厚澤淪肌洽髓一歲不登輒思賑貸偏災偶報即

議緩蠲薄海內外食德飲和己二百餘年於茲晉省自光緒丁丑大稔以後雨暘時若民和年豐共享承平之福乃吉州值戊戌己亥連年薄收至庚子則夏秋俱歉民艱粒食幾不聊生湖北孝廉號禹九李鑄公者來署州篆於庚子閏八月念八日蒞任睹瘡痍之情形慨然以拯教爲念急稟上憲先分別蠲緩本年下忙錢糧以蘇民困時萑符爲害道路多阻急擬團練章程十八條聯保甲以弭盜賊民獲安堵旋即蒙

撫憲奏奉

諭旨凡被災州縣各分別輕重設法賑濟吉州先發賑銀三千兩遵依上憲章程按極次貧分賑續發賑銀九千兩公更更細查戶口以人多賑少恐有不贍請於上憲先

吉縣志

卷八

十五

大國民印刷廠印

以五千兩並常年倉儲確查冒濫次第搭放以四千兩以工代賑區畫周詳勞瘁弗辭凡六閱月而災祲漸過城闕煥然一新固

聖天子之恩澤有加無已而實各上憲

幹旋補救之功我李刺史宣化承流之力也公於吉州無利不興無弊不除頓整書院籌貢田勸開水渠諭懇荒地凡

上憲所札飭靡不實力奉行又以州署之大堂棟折榱崩大門砌涇礎沒至廳亦風雨難庇又謀建里長局因與衆共商捐輸之外少籌餘款以重創而鼎新之乃規模初就籌畫尙未湊有成數公以署事期滿稟請瓜代上憲遂爲撤委公之心爲迹掩時久即可共白而

聖天子之殊恩疊沛顧可聽其湮沒而不彰也爰記實而爲
之序

吉縣志

卷八

十六

大國民印刷廠印

五言古

東寺閱役

明蔣 陽

雉堞法守險巡勞閱役人紛紛豺虎橫
 乞乞車馬頻山樹春張蓋溪流石淙金
 佳景鬱葱蔭俗狀會逡巡汾水揚索波
 歌傳漢武音磨崖唐人銘斑剝無全文
 委鱗離滄海垂翼下青雲劍佩紫殿直
 落寞潢河濱閭閻多竊室朝暮鼓邊塵
 戎駕驅轡却奇計訝甘陳授鉞愧汨沒
 長劍抵沉吟溺情鴟嚇蠶無心鷗自馴
 自恨愚且老空懷明主恩招人戒盛滿
 倦鳥慕深林盤珠無定跡長往竟誰嗔

壺口即事和學博劉君作霖

國朝余正西歷城人

我讀禹貢書川山驚開創導河自積石
 未識壺口狀比來古耿州名區乞相望
 暇時携勝流探奇窮岩障駕言履陷巖
 盤

吉縣志

卷八

十七

大國民印刷廠印

僻屢吞降俯視見河流入耳聲激盪連
 山西北來迤邐盡東向澗壑遞屈蟠突
 出孟門上峽束懸急流噴薄風濤壯弩
 激錢唐潮雷霆夾城仗水寇地底飛倒
 捲珠璣颺想見混茫初稽天巨浸漲山
 陵縱懷襄大地龍蛇放維禹奠神功龜
 鼉駕高浪八載罄胝胼元圭錫秬鬯遂
 令昏墊民頓免魚腹葬我來仰明德懷
 古托遐向援筆記勝遊歸去神猶王獨
 慚元虛才輸君小海唱

五言律

題蒙泉

泉在文廟前右壁下其源與泮池相通俗呼

為飲馬泉味甚芳烈煮茶尤美

失名

泉水近宮墻淵源道脉長清分洙泗派
 味借杏壇芳煮藥堪延壽烹茶可浣腸
 六年常飲汝去後更難忘

壺口

吳聘九

劈鑿壺山口神奇建禹門虹光驚乍吐水國竟全吞風送黃龍入天隨白浪翻涵空能蓄勢倒瀉若傾盆兩岸分秦晉中流聽鶴猿星槎如可乘我亦欲尋源

龍門飛橋

聞說前元事橋成鐵索纏高疑凌漢戶下直俯淵泉萬馬騰空際全軍濟大川當今文盛世石孔尙依然

自注壺山峽上元末於石岸鑿孔樹椿往返纏以鐵索上駕板橋以渡大兵

壺口秋風

馮士彥本州人

驟雨馳風際飛虹吐霧初建瓴真得勢傾峽似無餘浪轉沙爲岸瀾狂石作渠魚龍通變化嘉氣望扶輿

吉縣志

卷八

十八

大國民印刷廠印

孟門夜月

一石界中流天光迥不侔山隨波影動月照浪花浮此日龍門闢何年鳥篆留乘槎如得路仙地即瀛洲

石孔飛泉

有本源頭水花紋石罅生雲根開一綫雪練瀉三更顛彷彿珠濺音和漱玉鳴出山清更好甘合助香茗

壺口秋風

白汝驥

萬籟歸壺口秋風挾怒濤河流千里急風助一帆高地險船頭轉山深浪自淘浮楂仙路近天漢接梁濠

孟門夜月

萬古濤難盡中流自在懸一輪山獨立孤照月常圓玉宇寒留影銀河望欲仙蓬瀛今咫尺歸棹問成連

小橋流水

白汝騶

花明兼柳暗路盡小溪通波泛鳴頭綠橋橫雁齒浮魚依弓影裡虹臥鏡函中事事皆幽絕扶藜緩過東

錦屏疊翠

陳 挺本州人

著眼青圍郭回頭翠繞巒錦屏開畫本疊嶂入奇觀黛染髮新整螺堆髻遠看蒼松多秀色晚歲不知寒

庖山松

白汝騶

望中堆佛髻世外訪仙跡遠岫排空翠深山見古松風濤迴絕頂雲氣盪層胸萬樹皆秋色鱗成欲化龍

壬申八月送學師劉老夫子解任歸里夫子名璠遼州人道光乙酉舉人

秋老空山裡寒生野圃時那堪夫子別長與故人辭壺水無

吉縣志

卷八

十九

大國民印刷廠印

師範箕山有遯思多因重九節恐誤菊花期 通志箕山在遼州

庖山松

白汝騶

庖山松鬱秀蒼翠滿巖峯雪凍疑棲鶴雲深欲化龍濤聲飛萬派蓋影壓千重到此驚天近誰爲作岱封

五言絕

詠壺口

劉龍光

渴馬奔泉近山雷震谷聲入中不見出忽有雲烟生

庖山松

白汝騶

本是凌雲木托根勢更高長留終古色天外作鳴濤

七言律

天會七年孟秋八月題錦屏山石壁

張 元

山根蘸水水連天一片芳塘古淡間
莎徑雨後青蘚滑柳池風急白雲間
然知東魏風光窄誰謂西慈景色慳
郡倅公餘無一事狂詩瀛得恣吟刪

去郭都來百步間池塘口在郭門前
奇峯倒影綠壓地翠沼暉波青印天
俗客漫道通車馬郡僚長列綺羅筵
佇看吟倅迴朝旆直把風光說到燕

清河太守好開樽長是開筵池沼濱
紅粉兩行歌舞地朱衣一簇綺羅人
占將罨畫溪邊景偷得錢唐江上春
異日政成三考後不知誰解維風塵

遊人祖山

吳聘九涇縣人

高祖山齊人祖山遙遙雄峙出塵寰
非仙莫問天台路乘興而來碧漢關
頭上閒雲飛朵朵湖前流水聽潛潛
當年廟址

吉縣志

卷八

二十

大國民印刷廠印

今何在悵望層巒去復還

題文公廟

案山亭上亂鴉栖廟宇傾頽不可躋
公子艱難嘗未盡霸王功烈侍誰題
斜穿屋角蟾光漏半塌墻邊草色迷
滿目荒涼今若此驪姬何必夜長啼

道光丁酉季春因公至吉潤峰刺史款留越日遊壺口

時黃河解凍白浪翻空遠望如雲烟噴吐洵巨觀也成

七律一首

崔光笏畿南人

禹功疏鑿最先經一線奔流若建瓴
石塹橫分薄烟霧天瓢倒瀉吼雷霆
崑崙水激千尋白秦晉山分兩岸青
過此區舟容破浪挂帆我欲濟滄溟

春日偕姪耳峯及子繩茂才寶岩諸友登錦屏山遠眺

分韻賦詩

葛天柱 本州人

咫尺屏山著眼明一番登眺一翻晴
野花滿地黃侵徑芳草連天碧到城
春色正宜東望望帝鄉違計北行行
間雲蓆帽無一事定有群仙抗手迎

戊寅春交卸後宿三墩鎮題壁

馬元驥 阜南人

春來攝篆古耿州廿日薪勞勝九秋
為慰飢鴻空洒淚恨除貪狼覺貽羞
新添舊債肩宜重仍返故巢心又違
竊喜停裝祥翼沛川原遍聽叱耕牛

錦屏遠眺

裴國苞 陽曲人

官衙都是坐城隈寒碧濃青雨後開
霸王祠堂空晤對郎中別野重低徊
河聲遠接秦關險樹色平分晉嶺來
遠眺不堪門戶問荒烟蔓草幾成堆

吉縣志

卷八

二十一

大國民印刷廠印

小河春柳吉州環城小河盡樹以柳
春來黃綠相間掩映於溪山籬舍間
風景之佳不減武陵桃源因無人賞
吟未免減色耳因賦二律

白汝驥

東風初破嫩黃嬌傍水侵城影自搖
只為植依非上苑故教丰韻減長條
春光漏洩偷窺眼生意婆娑暗舞腰
看到年年仍舊綠幾人愁對不魂消

楊柳初生暗拂堤春風掩映到山溪
含情欲訴眉長鎖照影誰憐眼共低
紅板有橋空悵望姑蘇無榭自淒迷
何人解識文城色賞得條條二月齊

庚辰秋日登錦屏山遠眺

萬里河山一望中登臨憑眺恨何窮
頽垣傍水成山市破瓦堆崖認故宮
危嶺尚餘高祖在洪濤誰使巨靈通
即今搔首

青天曰禾黍迷離遠近同

詠吉州八景

壺口秋風

白汝驥

秋風初起雁飛高壺口乘觀興自豪萬里洪流歸鎖鑰九天元氣壯甄陶何人破浪通霄漢過此揚帆接海濤獨恨浮槎無羽客年年簫鼓競喧嘈

孟門夜月

好月當空瀉素秋孟門終古枕橫流瓊山遠望浮仙島玉宇澄輝擁幼樓顧兔光含孤嶼白靈鰲影戴半峯幽蓬萊此去無多許只待天風爲引舟

錦屏疊翠

排闥青來指顧間錦城佳在翠屏環濃如雨後新添髻重似

吉縣志

卷八

二十二

大國民印刷廠印

風前翠髻髮染就千層螺子黛畫成一幅米家山四時不斷蒼顏好更妙清松秀幾灣

石孔飛泉

石間珠迸瀑聲幽冷過陂塘五月秋磴瀉紅泉岩漱玉花翻白浪湖浮漚依山尙帶烟霞氣近水常聞日夜流無限蒼生資蔭庇浣腸誰更問源頭

佛閣晴嵐

禪房結構俯晴川傍水依山別有天嶺陰青痕排闥入波搖綠影畫圖懸雲開梵唄空中定雨霽浮光頂上圓十丈紅塵從此隔佳身方外夢遊仙

壽山夕照

畫裡斜陽隱翠鬢壽山佳氣晚來間霞標返照千岩赤日射

回光萬樹殷鳥背晴翻林閃爍羊腸夕下嶺迴環莫言薄暮
無多趣飽看群峯托翠顏

小橋流水

錦屏深處鬱嵯峨近水中分建小橋爲愛名山通雁齒半疑
幽澗隱虹腰新晴柳絮風初暢早歲松花雪未消只是勞人
詩思紉恨難驢背寄清謠

古洞瑤桃

不隨凡卉豔青陽洞裡桃花信自芳照影未須留夜月無言
那解怨秋霜蟠根福地春常在避世仙源歲正長獨怪漁人
多事客武陵深處尙窺粧

孟門夜月

柴海本州人

岩岩一岫鎮中流覽勝偏宜月下遊點破龍門三級浪接來

吉縣志

卷八

二十三

大國民印刷廠印

壺口幾分秋翻疑曉雪餘前面不見纖雲翳上頭皎皎清光
留永夜選幽端不遜瀛洲

佛閣晴嵐

一般山色乍青蒼望裏晴煙迥異常嫩日凝輝橫寺院清風
約翠入禪房如來淨土心中謁悟到諸天頂上光福地不知
誰証果置身方外學三藏

壺口秋風

白汝騶本州人

秋生壺口暮雲高萬里清光入望豪北注洪流如駛疾西來
閭闔助鴻翱何人貫月探星海有客乘風駕雪濤此去尋源
天路近浮槎我欲擬仙曹

孟門夜月

好景難名月夜遊孟門山在水中浮孤峰倒影天沉壁圓嶠

空涵浪擁毳望裡銀闕仙世界波間玉幻小瀛州千秋獨峙
蒼然色不共寒濤逐影流

錦屏疊翠

錦屏絕勝在冬殘繞郭隆陰入望難豈借雨餘添翠重直教
霜後見青闌松排山面春常駐雪擁峰腰歲不寒天爲文城
增秀色寫圖誰向畫中看

佛閣晴嵐

佛閣晴嵐靄翠烟傍岩臨水畫圖懸圓光倒影晴垂地色相
空涵綠暈天看景正宜新雨後繫情常在夕陽前文城瑞氣
知多少第一南山說上禪

壽山夕照

落日餘暈隱壽山繞巖佳氣鬱瑯環光浮樹杪花逾媚影射

吉縣志

卷八

二十四

大國民印刷廠印

霜根葉更殷下嶺牛從斜照認棲林鳥帶夕陽還登樓看盡
蕭蕭色又見峯銜月半彎

古洞瑤桃

瑤桃千載洗紅粧洞隱岩棲幾夕陽津問重來無俗子源尋
再到有漁郎羞同圃李爭春豔甘與谷蘭避世芳漫道深山
人不識乘時應許薦明堂

壺口秋風

葛臨洲本州人

萬里洪流聲怒號天開一壑勢雄豪旅船橫岸秦關遠征雁
排空晉嶺高壺口山邊風颯颯孟門石下浪滔滔丹崖翠壁
環如堵直欲樵漁傍水濤

孟門夜月

劉庭輝本州人

寶月高懸照素秋何人乘興孟門遊洪濤萬里金波湧白浪

千層玉壘浮水色空明分兩岸山形蕩漾在中流遙知此夜
風帆利幾度仙槎泛斗牛

佛閣晴嵐

陳琰本州人

遙瞻野寺傍屏山詩思偏宜雨後刪一株林巒圖畫裡數聲
鐘磬翠微間晴光倒地天爲綠紫氣含溪日射殷色相空濛
何處著曇花雲影下松關

石孔飛泉

葛瑞雲本州人

寒泉倒挂出雲門破壁橫飛一竅存玉液瓊漿資地脉岩花
石乳探天根挹來冷到心脾沁飲去甘從舌齒論共道溪山
消夏好清音終古自朝昏

詠張都司冰橋殉難

馮士彥

力竭兵單亦可傷憐君孤勇著沙場孟門月色空秋草壺口

吉縣志

卷八

二十五

大國民印刷廠印

風濤幾夕陽節義永垂千古蹟衣冠常帶萬年香即今水面
停舟日提起英雄感慨長

詠米把總輔國防河殉難

白汝驥

鼙鼓逢逢起夜營滿天殺氣正三更潛來已渡陳倉道決陣
猶思背水兵此日丹心傳故壘當年赤手樹長城可憐不轉
灘頭石風雨連霄作戰聲

詠張都司德豹防河殉難

白汝驥

驚聞烽火照山河匹馬長驅半是魔獨有將軍撐社稷漫隨
諸士隱岩阿浮流自古傳亡順遺恨於今怨代頗我對洪濤
猶洒淚夜深曾聽禦干戈

馮家寨

四面斗絕上有石泉一泓味甚清冷

葛汝麟本州人

四面凌空不可躋中通一線石爲梯青雲護屋人難見白雨

飛簷路易迷馬磨苔深沉竈北鴛漿水靜隔窗西滄桑幾變
名猶在山鳥松枝夜夜啼

遊麥城村二首

白汝驥

卅里崎嶇到麥城幾回思古動幽情女牆猶在深谿隔朝市
無存故壘平飛野有時聞响雉棲林何處問遷鶯田間遺器
人多得臥地銅苔不辨銘殘磚贖瓦半平蕪此地傳聞舊建
都麥秀空城飛野雉楊垂終古怨啼烏荆榛幾見銅駝臥蔓
草惟餘石馬孤千載故宮禾黍碧幾人憑吊倍躊躇

交卸後留別

失名

我來當春去又春春風往返送行人更逢佳節清明雨一路
清和不染塵

庖犧廟

俗名仁祖山

葛汝麟

吉縣志

卷八

二十六

大國民印刷廠印

深山有廟建羲皇絕少人烟草木長偶遇麻鞋楚川客溝南
溝北說山庄

晉候祠

在錦屏

白汝騶

荒烟蔓草故候宮霸業空留想像中假使當年非醉遣千載
誰解道文公

風山

俗名庖山鄴道元云上有穴如輪風氣蕭瑟習常不止葛汝麟

太古風蕭瑟松林四面青山腰平石上少坐片時聽

七言絕

宣和二年辛丑季春初七日和唐刺史錦屏山壁間三

絕

張述

年來筋力覺潛衰自楚踰年復此移偶見舊題追古昔只應
三月似當時

春光凝露草凝烟
訟簡民純屢有年
每念舊時歸未得
何妨於此醉林泉
星星霜鬢已驚秋
尙竊州符覺自羞
官冗更無丞椽委
誰哀老子得遨遊

遊人祖山

吳聘九

孤峯絕頂勢參天
傳說庖宮在此巔
禾黍離離徒悵望
空爲人世作姻緣

竹枝詞

一燈孤幹最高高
殺氣冲霄厲似刀
我爲蒼生除大害
焉知休咎係吾曹

署內東院前任暨一高杆夜間懸燈余聞城者云向來吉地命案甚稀近來竟有數起者實自立此杆始也余即命除之有謂命案雖多而前任馬公現升監掣府似不可除余笑曰利於官而不利於民焉用此杆遂除之果自道光十三年至十四年未有利於民案

吉縣志

卷八

二十七

大國民印刷廠印

詠壺口

劉龍光

黃流滾滾入壺中
九折波瀾此地雄
禹治功成留缺陷
往來舟楫一時窮

癸亥七月交卸後賦詩留別

姚官澄
涿州人

及瓜得代問歸程
賦別雲山亦有情
清絕扶風橋下水
照人來去總分明
錦屏風月載輕裝
祖帳笙歌送夕陽
無限依依官道柳
不知何樹是甘棠

山中四絕

白汝驥

嚴冬偏煖夏偏涼
洞裡壺天歲自長
高臥不知塵世苦
此身疑住白雲鄉

山中多土窰天愈寒則內愈涼則內愈煖

寒流曉鬱氣如湯玉椀盛來翡翠光最是在山泉水好幾回酌飲擬瓊漿

山中泉水天寒時曉氣如湯其味甚為甘美他處素無

雞冠初長草嬋娟脆似雞頭分外鮮下箸屢驚佳味好問名殊勝小兒拳

雞冠草生於州東兔兒溝狀類雲芝其色鮮白嫩脆食之味絕美土人以其形似雞冠呼為雞冠草又呼為黃精為雞頭參小兒拳即藤也

秋蕊春菲夏初櫻此是山中舊著名更有奇珍人未識猴頭過雨覓雙生

猴頭出於州北人祖山每當秋雨連綿後多生於老樹內新則鮮白枯則與猴頭絕肖味如蕪菘而隆遠過之生則必耦採之者如得其一則隨處覓之必能雙得

竹枝詞

白汝驥

家三家兩自成村小住洪崖關洞門漫道穴居同上古此中

吉縣志

卷八

二十八

大國民印刷廠印

別具一乾坤

吉州村居數家者皆依崖穴窰而處冬暖夏涼

隔嶺隔溝一望同田原不復辨西東出門即是登高處俯視羣山在眼中

田地年多溝嶺出門即是

城小如龜市號蛇傍山臨水數人家東藏西住渾無定點綴疏林是散鴉

城市號為冠蛇形人家亦皆東西散處

五穀豐登歲有年家家齊聽飯牛眠若求異味堪持贈妙是山蔬共水泉

物產除五谷牛羊外惟山蔬水泉為絕美

自幼生為田舍郎終年日日事農桑桃源亦自多雞犬只是

三春少豔陽

風俗惟事農桑民無他業

不為學舍重知聞博得青衿便世勳
甕裡有天窺未了居然把背共登雲

讀書者多以入學為止不求上進

霸王從來數晉盟文公逸氣尚縱橫
莫道王道真疏闊此地偏教不易行

山上有晉文公廟故民情亦多急功利不重恩德

涼颼偏早煖偏遲二月鶯花總未知
記得今朝應柳綠看來纔到半黃時

節候較他處多遲

吉縣志

卷八

二十九

大國臣印刷廠印

